

Narodny  
Povisti i  
Stichi

NAPISAL:

EMILIJ A. KUBEK

IV. TOM (VOLUME)

CÍNA: 90 c.



# NARODNY POVÍSTI I STICHÍ.

MARKO ŠOLTYS

ROMAN IZ ŽIT'JA PODKARPATSKOJ RUSI.

NAPISAL: EMILIJ A. KUBEK.

---

ILLUSTROVAL: ANTONIJ E. KUBEK.

---


IV. TOM (VOLUME)



*MARKO ŠOLTYS.*

*III.*





A POLJU piľna robota. Chvaliti

Boha, jest' okolo čeho pracovati. Hospod' pože-  
nal urožaj, pašu, ovoč', jak ljudi davno ne  
pamjatajut. Ljudi pracujut na polju, a na farí  
Eva s dvuma služnicami prjače, čistit, čuchat,  
bílit! Eva taka zlostna, nič ne ljubitsja jej;  
ssoritsja s dívkami, jak nikohda ne bylo jej  
obyčajem:

— "Han'ó, to ne dobrí, tu isči poroch, — a  
totu paučinu ne vidíla jes'? A tu špljach na dy-  
ljach! . . . Zusko, smoť-le toty graty! A to majut  
blisčatisja? . . . Bertusja prijdut domu, budu sja  
pro vas han'biti? Rušaj toty ručiska . . . ty isči tu  
stojiš'?" . . . To ne byl jej obyčaj, taj i ona lem  
služnica, jak i tí dví.

No pro to, Hanja i Zuzka bez slova povinujut-  
sja. Dobrí s nohach ne spadut, robjat, pracujut,  
šikujutsja, bo prichodit domu . . . ich malen'ka  
Bertusja! I sam otec Andrej musil vyprjatatisja  
s domu.

Janko, kočiš, uže druhij den' okolo vozika, seršanu, konej: čistit, smaruje, mastit. Vse blisčitsja, jak striblo; a on i tak ne zadovolennyj s robotu svoju. Snova načne. Až i ostričisja dal! 'Bo po pannu Bertusju rychtujetsja.

— "Janku!" — Kričit otec Andrej, iduči na pole. — "Ty isči doma? Stríla do tvojej pečeni, pro što ne ideš' na pole?"

— "Ja ne idu!" — Odpovídat Janko, a ni ne ohljanesja na pana.

T'fu! Nigda take čudo! Panu otcu jeden čeljadnik, otkoli svít svítom stoit, isči tak neotpovill! Až i Eva perestala oblaki uterati. Take isči ne stalosja na farí, choť sama ne pamjatat otkoli tam služít. Ot dítinstva. Jak malu, desjat lítnu sirotu, pozberali s drahi i vzjali do sebe pokojna pani, koli prišli do sela na parochiju. Vera tomu už hev-tam dvadcať šest' roki! A to uže ne dnes'.

Otec Andrej až ostopil. A takoj s kljubaku, ke proklyatomu "pangartu" to byl vyraz, najbol'sej zlosti i hníva, u otca Bogdana.

— "Naj mnja b'jut, a ja na pole ne idu!" — So strachom, no otvažno hovorít daľše Janko. — "Zavtra ideme po našu malen'ku pannusju Bertusju, a dašto by našli v neporjadku, taby mi oči vytekli iz han'by!"

Otca Andreja hnív, na slova "Bertusja," sčez jak dym. Palicu spustil, a uže ne daleko byla Jankovoho chrebeta; usmíchnulsja, no za to vykričalsja dobrí na Janka: na podljaka, daremnika i ostavil . . . Janko Jankom., a koni kon'mi, sam pustilsja na pole . . . hvizdajuči . . . To primnoho bylo



i pro samoho Janka, take-što ne choť koli čul ot pana, pro to i sam vzjalsja do hvizdanja, a čistil sersan, že jemu až znoj tek s čela. I dívki začali spívati, po pri prjatanju: zavtra prijde ich “premilenna malen’ka pannusja.”

Na Alexija, nikto a ni ne pomyslil. Čeljad i jeho rada vidíla, ibo dobryj byl ko každomu, no pan ne ljubili jeho.

Druhij den’, takoj po polnoči, vse na nohach. Otec Andrej už o četvertoj hotovyj do drahi, a s neterpelivosti, žeby lem skorej vidíti svojeho ljubimca, vykričal vpered Janka, že línjuch ne pozberannyj, choť pravi už polhodiny čekat na nich na voziku, — a tak vyčítajut kapitulju Eví, už na pered i za totu večerju, što isči lem rychtovati mat pro Bertusju, — a tak i druhim vsím priobícajut “buki” ked ne najdut vse v porjadku, — vydajut roskaz gazdovi, pro pol’nu robotu, — Eví isči raz, što jak mat porychtovati, na što merkovati, što dozerati: dvor zamesti, choť čistyj byl, jak dajakyj grofskij park, — vykričali isči i “Pluta”, žeby ne opovažilisja s dvora vystupiti i do lísa, za zajacami pojti, — poobzerajut isči raz sersan na konjach: to ne čisto, tu remen’ prevernutyj, zubadlo zaržavenne, choť pravi vse v najlípšom porjadku, a tak pokljapkajut koni, pohlaskajut Pluta, perežehnajutsja i sjadut na vozik:

— “Bud’te zdorovy! Merkujte na vse! . . . No, žen’ že, ty podljaku!”

— “D’il” — i cvenkne Janko s jazykom, bo tot titul “podljak” stoľko značit: — “žen’, moje ditja mile Jančul” — Poznajat Janko slabosti svojeho

gazdy, no i dobre serdce, i znajet, že jeho pan teper' s nim barz zadovolennyj. — Lem že to už taka čudna natura, što vmísto pokazati svoju dobrotu, ljubov' i čeljadniku krasnymi, dobrymi slovami, oni uže musjat vykričatisja dobrí, že dakto by myslil, že sjídjat čelovíka!

— “A prisam Bohu,” — rozmyšljat Janko dalše, — “nít takoho druhoho pana. Kotryj by to druhij zrobit, jak oni vloni so mnoju, koli jem byl na zapalínja chvoryj; vzjali do pan'skoj chiži, do svojej posteli, prizvali doktora, a sami obchodili mene. A isči a ni na doktora ne stjahli mi s placy!” — Janko o tom rozmyšljat cílu dorohu.

Otec Andrej, že radostno myslit na svoi díti, — už to radostno by myslil i na Alexija, jesli by sej znal pomíritisja s želanijem otca, so svjasčenničeskim stavom!?

Přišli v horod (do místa), na sam pered zašol, do seminarii. Kleriki prošlaho dnja poroschodilisja. Rektor seminarii otkrovenno povídal jemu, že Alexij ne imíjet zvanije na svjasčenstvo, a lem iz vzhljadu na otca Andreja, perepusťili jeho na ispytí. I radil Bogdanu ne siliti syna na popovstvo, na tichoje žit'je sel'skoje. Andreja to strašenko merzílo.

A, tak pojíchal na kvartiru Bertusi, kotora u odnoj vdovicy svjasčennika, očen' obrazovannoj osoby, byla pomíščenna i dobrí zaosmotrenna. Radostno vitalsja otec s don'koju, kotru majže polhoda ne vidíl. Jak by lem snimok, kopija jeho pokojnoj ženy, no vysša i krasníjša, jak mati. Dívuška tonen'ka, a vozrasta krasivoho.

— “Taton’ku moj, taton’ku, jak ty mi posívill Bol’she uže ne ostavlju tjal!” — Otec dvih na ruki svojeho ljubimca, jak malu dítinu, s predannostju otcevskoj ljubvi, jak u seho ostroho čelovíka, nikto ne spodívalsja by.

— “Jesli uže ty porychtovanna, to pojdem domoj, holubočko moja! Alexij hde?”

— “Teper’ byl tu, idu prizovu jeho.”

Bertusja pošla v druhu komnatu, a domašnja pani ponukla otca Andreja s kreslom, i sama sjala na protiv neho.

— “Blahodarju Vas, sestro,” — hovorit otec Andrej ko nej, ibo po žení jakas’ obdaľna rodina byla, — “za vaši trudy i vaše vospitanije. Teper’ by lem nam porachovatisja. Skoľko dolžen ja vam isči za moju don’ku?”

— “O, baťku, to ne velika starost’. Malo što. Vy zasyľali hroši dlja potrebnostej don’ki vašej, bohato vpered. Ne možu na dost’, dlja mojeho serdca, vychvaliti vašu don’ku. Mnogo dívušek propitala ja uže, no take mile, ljubezne, šanovlive ditja, ne imíla ja pod svoimi rukami. Vy sčastlivyj otec. Možete hordyj byti na nju. Prebačajte, ja dolžna byla Vam siju pochvalu izjaviti. Baťku, mi by ne míšatisja vo vaši familijarny ríči, odnak pozvol’te mi níčo vam skazati. Što namírjajete s vašim synom Alexijem?”

— “Oženju jeho, i vysvjatitsja, a tak prijde za kapeljana do mene.”

— “Baťku, Vy sovístnyj svjasčennik, čelovík, no otec . . . ne dobryj!”

— “Pro što?” — Skočit staryj s kresla, i s udivljenijem smotrit na odvažnu vdovicu.

— “Prošu, ne hnívajtesja, sjad’te i poslušajte mene. Ja Vas oskorbiti ne choču. Vaš syn, ne za svjasčennika; jeho duch, svojstva, ponjatija, sposobnosti ne na svajsčenstvo. Vy ne znajete i ne chočete znati, no ja znaju, ja na svojem žit’ju ispytala, že ne jest’ nesčastlivšoho i požalovan’ja dostojníjšoho čelovíka, jak jeden svjasčennik, bez . . . . zvanija! . . . . Ja tu ne rozumiju tích, kotory svjasčenstvo lem na stol’ko sobí cinjat, jak choť jake nibud’ ine činovstvo, ili remeslo . . .”

— “Za propitanije, za chlíb! Takomu vse ravno: dnes’ popom, zavtra teatralistom, pozavtra vo inom byti, bodaj lem byl pevnij chlíb na stolí! A, meždu svjasčennikami polovina takich jest’ . . . Vy, otče, mojeho pokojnoho muža lično ne poznali? . . . . On byl pervorjadnyj učennik vsehda, dobroho, svítloho rozuma čelovík. Protiv voli, zvanija, mati jeho prisilila na bohoslovije . . . Pri-pomnu, že jeho pervoho blahoslovenija ne dožil-asja. Ja vydalasja za neho, choť svítskich roditelej don’ka, lem pro to, ibo čerez jeho sočinenija, i pro jeho čestnyj charakter, svítlyj um, hluboki mysli, poljubila jeho. Na jeho pervu parochiju, dali nas na Verchovinu, na neprístupnoje mísce, hde my čerez mísjacy, ne vstrítillisja s obrazovan-nym čelovíkom. Znajete ponjati, što to značilo pro mene, jak v místí vychovannu, i pro neho?”

— “Znajul! Na to terpíla i “Zoren’ka.”

— “Zoren’ka? Kto i hde že ona? Davno ne čítala ot nej ničeho.”

— “Pokojna moja supruha. A, o tom ja ne znal, až po jej smerti.”

— “Vot otče! . . . Dochody, boľšinstva našich parochij, Vy znajete tože? Malo ktoromu posčastilo sbohatítisja, i ne každýj imíjet k tomu talant i slučajnosť. Poki moje víno dostarčalo, vse išlo v porjadku, my ne terpíli nuždu, jak velika čašť svjasčennikov, osobenno hde boľše dítej Boh dal. U nas ni dítiny ne bylo. — Vy čítali jeho staťi, dopisy, stichi, povísti po gazetam?! Pravda že ostroumnyj, ne každodennoho darovanija čelovík byl? — Jeslib episkop pros'by naši byl vysluchal, i imenoval jeho ko kathedrí svojej, choť lem za kapel'ana . . . otče, on byl teper' pervym čelovíkom byl v eparchii! No tam takich ljudej ne choťjat, ne potrebujut. Ja vidíla, i sama perečuvstvovala jeho terpínija, kohda s dochodov našich ne vystarčalo na potrebny, obrazovannomu čelovíku, gazety, knihi i na samy potrebnosti domašny. Dovhi ne robil, pomoč ne prosil, ne dajkal ot nikoho, k tomu horďyj byl, . . . terpíl v nedostatkach material'nych duševno, a . . . potomu upadal, poka lem ne upal sovsím: otdalsja horílki!”

Vdovica zaplakala; no soterla slezy, peremohla žal' svoju, a tak dalše hovorila:

— “Vmísto spomoči jemu, načali prenaslídovati jeho. Sosídy, i sam namístnik, iz zavisti opisali episkopu. Ja sama, choť rozumíla jeho duševnoje sostojanije, ne skoro opamjatalasja.”

— “Uže pervyj hod uprašal mene, daby pošla s nim v Ameriku, ili tu začali nove žit'je, v inom

zvanii. Ja vsehda vírovala v lasku i spravedlivost' episkopa, što takomu čelovíku ne dajut propasti. . . No što že Vam, baťku, dal'se hovorití? — Ne silujte syna vašeho, jeho. Vy sam nesčastlivym sdílajete. . . . On tut u mene, no boitsja pered Vas postavitisja. . . pro dolhi!"

— "Skol'ko vseho?" — Prositsja zimno otec Andrej.

— "Pro mene by prevelika summa byla, no Vy ju ne počuvstvujete. Vseho pjať sto korun!"

— "A mojej don'ki dolh?"

— "Prošu, vseho lem sorok korun."

— "Djakuju sestrol!"

Otec Andrej vyňal hroši s karmana (kešeni). Otrachoval šest'sto korun i prosit vdovicu:

— "Bud'te sestro laskava polahoditi dolhi, — a štoby ostalo, za Vaš trud. Prošu, ne otperajte."

Berta s druhoj komnaty s slezami v očach, no radostno pribíhne k otcu:

— "Oj, taton'ku moj dorohij, jakij ty milyj i dobryj!" — I obcíluje otca i vdovicy ruki. Bogdan nič ne otpovíl. A ni k synu, kotoryj prišol i počíloval jeho v ruku, ne prohovorit' ni slova. Alexij byl radníje sluchal otca hnívači slova, nadavan'ja jak sije molčan'je. Žal' bylo jemu, že otcu žal', smutok narobil, a pro dolhi svoi, stydalsja sam sebe.

V hotelí poobídali ticho, bezslovno. Otec malo što vzjal v usta. A tak posidali na povozku, i jíchali domoj.

Otec Andrej za cílu dorohu rozmysljal nad slovami vdovy, na poslídok sam musil uznati, čo

ona soveršennu pravdu imíjet! — Alexij dvadcat-tri lítnyj, jesli teper' vybere sobí novoje zvanije, najmilši, najkrasši líta svojego žitja utratit. Ci pravo, ci líkarstvo, ili professorstvo vybere sobí, jednak choť lem šest' líta potrebno, poka okončit školy novoho zvanija. — Razmysljal i sovítovalsja sam sebe.

Priznal, že ne mal prava, syna svojego siliti na take poprisče-zvanije, kotore soprotivitsja jeho svojstvam. Prišli jemu na zdohad i poslídni slova, pros'by jeho umeršoj ženy. Teper' už lem to merzílo jeho, že syn narobil dolhi; ne pro tí pjať sto koron, no on hnušalsja, osuždal samoje dílanije dolhov, jak prestuplenije i bezkarakternosť. O lehkomysslennych perestupkach syna nič ne znal, ne otvažilsja jemu nikto podšeptati, donošati. Što očen' dobrí bylo, tak dlja Alexija, jak i pro neho samoho.

Alexij o tom rozmysljal, jak by bylo možno otca pomíríti? Byti svjasčennikom? Tomu vsí čuvstva jeho protivilisja. — No, jesli uže ne vozmožno inače, to radníjše propade jeho budúčnost, a otcu na djaku dast vysvjatitsja. — Ženitisja ne namírjal, žeby i semejstvo ne terpílo s nim. — Bude usilovatisja, naprositi episkopa, aby jeho prijal v kancelariju. Tak može isči, v kruzí obrazovannych ljudej, a ne otpovídnyj za duši vírníkov, dajak prožijet, tot korotkij son žitja. No, jak že uprositi otca za lehkomysslenny dolhi? A, ci znajet otec o jeho prestupkach? To, jeho nespokoilo.

Bertusja nad tím lamala holovu, jak by pomí-

rity otca s bratom? Ci ne lípše bylo by naprositi otca, žeby Alexija zaslal na dajakij čas, k svojemu bratu Štefanu svjasčenniku? Jej stryko i teta, na skolko pamjatajet na nich, mily, dobry, ljudi. Alexij, ot stryka Stefana, mnoho by naučilsja.

Janko že, o čem razmysljal? — “Što že to s moimi panami? Tak sidjat na voziku, jak by lem na pohreb išli, a ne domoj. Što stalosja? Molodyj pan, okončennyj klerik, Bertusja, idut domu, a staryj pan ne radujutsja?” — On to ponjati ne moh. Štos’ ne dobrí, choť lem by vykričalisja, ta by im doraz polehčalo. A tu, nikto a ni jedno slovičko ne perehovorit!?

A koni? — Nič ne rozmysljali, lem cílymi silami vperlisja do zbruja (do sersanu) a ponahljalisja domoj, nakormitisja i otpočiti.

Okolo sedmoj, vbíhli do dvora. Eva svoju “rostomilennu pannočku,” na rukach snjala z vozika, a pannočka obcílovala staru dívku, pri-bratu svjatočno, jak by lem: mamu.

— “Evko, Evko, sto roki jem tja ne vidíla!”

— “Moja zlata dušička, a ni sja ne han’bit mene!” — A cílovala jej ruku. Ona Bertu sobí prisvoivala; ona ju vychovala, vyleličila. — “Dra-hotočko moja!”

Cíla čeljad obstupila Bertu, nič ne hovorjat, každe smíjesja radostno na nju, a cilujut jej ruki. Bertusin holos, jak zvonok zvenit, a k každomu potrafit mile, dobre, vesele slovo prehovoriti. A Janko pyšno sidit na voziku, s prezrínijem pozerat na vsích, jak by hovoril:



— “A precin’ (odnakože) ja privital, ja privezol našu ‘milu pannjusju!’”

Tak lem iskrenna, vírna ljubov znajet privitati, priimati.

— “Nič novoho?” — Sprositsja staryj pan. — “Chvala Bohu!” — A otec Andrej išol do prikleta, a díti za nim. Privítstvoval Bertusju po staromu . . a syna počíloval.

— “Vitajte!” — A takoj kričit: — “Evo! Hotova večerja, bo my vyholodnílisja. Zakryvaj stol! . . . No . . . . rozbertesja díti, ibo ja holoden.” Pravda, toho dnja malo što užil. Jak viditsja, jeho rozmysljan’je i molčan’je na dorozí, uspokoilo jeho.

— “Taton’ku, lem polhodiny. — Vpered pojedeme s Alexijem ko mamočkí.”

— “Tak serden’ko moje, po večerí i ja zajdu k mamočkí pohovoriti.”

Bertusja stisla ruku Alexija, jak by chočila jemu skazati: — “ne bojsja, tatko ne hnívajetsja.”

Přišli ko hrobu. Ohorožennyj s želíznymi staketami, obsažennyj cvítami. Při pamjatniku dví traurny, vysoki verby, s vítvjami, jak so serebrjanym volos’jem, pokryvajut kamen’ i chranjat hrob ot pekučich lučej solnca i buri. Při pomniku, derevjanna lavka. Vidno, že ktos’ chodit ko hrobu častíjše, jak pokazuje vychoženna stežka, i sidajet na lavku.

Díti pokljakajut k hrobu i moljatsja. Alexij zakryl lice rukami i krasnyj molodec, a okončennyj bohoslov, plakal. Pro što? Vyprošal, mamínu pomoč’, žeby otcovu volju moh vypolniti. A choť

Bertusja razumíla jeho tuženije; i samoj potekli slezy. A tak vstali oboje. Alexij cílkom uspoko-jennyj. Ne hovorili nič; i ruka v ruki, prišli do-moj, a posidali k zakrytomu stolu.

Večerjali smačno, spokojno, no ticho.

A tak minuli dni, týždni. Bertusja hospodarila, provadila domovstvo, otec že gazdovstvo ochotno, po staromu obyčaju svojemu. Alexij čítal, učilsja, časami vychodil v lísy, k robotnikam, no pri nich strašenno nudilsja. Jeho poľna rabota, sovsím ne interesovala.

Otec pomalu pomírilsja so znaťjem, že iz Alexija svjasčennik ne bude, i že môže sobí, jake choče zvanije vybrati. No, jak by za pokutu, otložil svoje prizvolenije na pozdníjše, na konec vakacij. Alexij že uspokoilsja, što na želan'je otca svojeho, stanesja svjasčennikom. No izjavenije svoje, s dnja na den', odkladal, na čas, koli svojeho otca, v sootvítnom raspoloženíi ducha najde.

Bertusja porazumíla i othadala, otčuvstvovala obiich mysli, i svojim milen'kim sposobom, predu-hotovljala ich zaimnoje predprinjatije. Spokojna, vesela byla.

Cholodnosť otca i syna, s dnja na den' rastaiva-lasja. Jeden raz hovorit Alexij otcu:

— "Tatku, ja na slídujusču nedílju, jesli po-zvoliš', propovídati budu!"

Otec posmotríl na neho, jesli ne lehkomyslenny dolhi, to byl obnjal syna i uže teper' skazal jemu, že pozvolit jemu reverendu soвлеči. Odnakože ostavil na den' pohrebenija ich mamočki, kotoryj uže približalsja.



O OTCA ANDREJA teper' ne prichodit nikto, choť v domí krasavica don'ka i syn okončennyj bohoslov byli. Okresnyj notar, staren'kij mužčina, v selí otca Andreja perebyval, no ne stykalisja, ne schodilisja, čo bol'se, jak by v neprijatnosti žili byli.

Bogdan boronil svoich vírnikov, protiv notarija. Merkoval na neho, žeby ich ne zderal, što ne mala pričína k postojannomu neprijatel'stvu. Saryj notar iz bídníjšoj zemljanskoj familii proischodil, odnakože sebe za štos' lípšoho deržal, jak odnoho "sprostoho popa."

Hde jaka zabava stolična, zemjanska spravljajetsja, notar vsjadi pervyj byl, jak srodnik to toho, to seho "slivkarja", urjadnika; k čemu ne vystarčali jeho dochody notarski. Vicišpana baba, jeho vlastna sestra; orsackoho mati, jeho brata don'ka; cíla stolica, "Janči bači" — jem nazyvvala jeho. Jak zemljan, po russki prohovoriti stydalsja, hovoril po slovacki.

Sej "Janči-bači" i pered narodom neraz chvalilsja:

— "Ja ot narodenja pan, a choc fizolu budzem jesc, i tak panom ostan'em, až i v peklje," — a to osobenno, jesli besída byla, o bohatství otca Bogdana, kotoryj s učitel'skoj familii proischodil,

no dído jeho isči prostyj chlop, hospodar' byl. S tím Bogdan ne raz i sam pochvalilsja, a na zemjanstvo notarja, lem s ruku machnul:

— “Porožnja bočka! Holotar, nisenitar . . . !”  
A ostro merkoval na jeho paľcy.

S novym zakonom civil'noho supružestva, robota notarja, na stol'ko umnožilasja, no i bol'se intelligencii požadala, jak u staroho bylo, že musil pomočnika vzjati k sobí. V tot rok, ot pervoho januar'ja, polučil jednoho, takožde okončennoho “nemešika”, okolo dvadcať četyre lítneho panaška. L'stivocho, šikovnocho, na vsí kopyta vybitocho chlopaka. Krasní znal hovorit, i na vid porjadnyj mužčina byl.

Lem što zanjat službu u notarja, sejčas sberalsja na faru, predstavitisja “popovi”. Saryj Janči-bači hovorit jemu:

— “Ty, bratku, ne sprijatelišsja s popom. Grobijan, prostorikij, ‘moskal’, panov ne navidit; ne kamaratitsja s nikim, sidit doma, jak medvíď v berlozí. Lem škoda, že takij bohatyj. Možno bylo by u neho, ne raz dobrí zabavitisja.”

— “Stavmesja, Janči-bači, že o polroka, najlípši prijateli budeme!”

— “Ty s nim? Ked uže so mnoju ne sprijatelilsja, to s toboju tím men'sel!” — Nehoduje saryj oskorblenno.

Pomočnyj notar', po imeni Falušij Djula, lem poznamilsja s obstojatel'stvami Bogdana, už i so svoim planom hotovyj byl. Dívuška moloda, krasiva, bohatstvo, notarijat v selí: jak by lem

vse pro jeho budoučnost, bylo ustrojenno na svítí. Očen' ostorožno zašol.

Zahostil do otca Bogdana pervyj raz, i pozdrovil jeho po russki. Svjasčennik barz zimno prijal molodoho, solodkoho panaška, kotoryj po desjat minutach, uže i sretiroval iz zemli pobidy. No, jeho to ne otstrašilo. Sejčas pomerkoval, že jeho rusčizna, ne podle vraženije zrobita na ruskoho svjasčennika. Na ruskom selí rodilsja, hde jeho roditeli, choť ne velikij, no krasnyj majetok imíli.

Ne na veliku radost' otca Andreja, zahostil i druhij raz. Peršij raz uže molil svjasčennika, žeby jemu pozvolil časami prijti:

— "Otče vsečestníjšij, ja sirota i bídnyj. Ne moh okončiti školy, musil statisja notarijem . . . pro chlíb. Ne choťil by sdičiti na selí; pusty zabavy ne ljublju, ne chožu nihde a ne imíju s kím prohovoriti slova. — Moj principal, mušu skazati, serjozno ne znaje pobesídovati, jak by ja rad. On lem o svoje srodstvo, o hostiny—zabavy. A ja v tom ne nachožu nijaku radost'. Pozvol'te otče vsečestníjšij, žeby dakoli zazríl k Vam, i moh posluchati vaše otcevske slovo i poradu vyprositi. Hde že obernusja?"

Až i dví slezy vypustil.

— "A jesli laska vaša, pozvol'te mi otprovaditi Vas na poľovačku dakoli . . ."

Jak i o tom doznalsja otec Bogdan, što Falušij jeho Alexija konškolar byl, led perelomilsja. Što že robiti so sirotoju, s bídnym molodym čelovíkom? Choť pravi ostorožno, no prinimal molo-

doho panaška na chvíľku; a raz-dvaraz i na poľováciu pozval jeho.

Falušij delikatno spravovalsja. S žalem, s učtivostju besídoval o svoju pokojnu mamku; a jesli by byl imíl teper', jak hovoril, mudroho, ljubimoho otca, jakij on by šťastlivyj byl! . . . Jak on ljubit bídnyj narod, cerkov' . . . !

O don'ku Andreja, nikohda ne spomjanul, jak by o nej a ni ne byl slyšal. Na zadušnu subbotu, prišol v cerkov', za svoich roditelej pomolitisja; nedíljami vsehda byl na službách i na večerních; s narodom barz dobrí zaobchodilsja; ne huljal, ne pil, najmen'soho zloho ne bylo čuti o neho. Jednym slovom: vyznal svojstva, slabosti Bogdana, i dlja toho zarjadil svoje žitje v selí.

Jak prišli díti Andreja domoj, čerez cílu sedmicu ne pojavilsja na farí, a ni do cerkvi ne prišol. Lehnul v postel', a rozholosil, žeby i na farí doznanilsja, što on chvoryj. S toj pričiny otec spomjanul jeho pered díťmi.

Alexij malo što pamjatal na neho, isči v druhoj, ci v tretej klassí rozyšlisja, a ni uže ne barz pamjatal, jakim to sposobom. Tak jemu vidílosja, že Falušija vyšmarili iz gimnazii, no o tom stydalsja i hovorití, ibo i on imíl što-to "na rovašu"; a uže teper', jak vozroslyj molodec, klerik. Jak že jemu suditi ne rozumnoho dítvaka lehkomyšlennyj prostupok?

Po dvuch sedmicach, v nedílju po večerních, Falušij prišol do Bogdanovych, jak by ne spodívanno, pro to lem tak odítýj, jak obyčajno doma

pri robotí. S Alexijem obnovil znakovstvo i čudovalsja, že u otca Andreja uže velika don'ka:

— “Ja tak slyšal v selí spominati pannu, jak “malen'ku Bertusju.” — Choť on dobrí znal, kto i jaka to sija “malen'ka Bertusja,” ibo v mistí sobí ju osmotríl. Samo pro to, ne odílsja svjatočno, žeby podozrínije Bogdanovych ne vzbudil, što on tože rachujet na nju. Prijatno rospravljaj, žartoval, smíšny anekdoty povídal, že i sam otec Andrej smíjatisja musil.

Sperali na večerju, no nijakim sposobom ne chotíl im, jak hovoril, dokučati ,na prekažku byti. Bertusja až i pochvalila jeho:

— “Taton'ku, ale jakij to prijatnyj i skromnyj čelovík!”

Falušij ne prišol až druhu nedílju po večerní, prines so soboju i flejtu.\*) Krasno i hral madjarski i russki narodny písni, jak ich slyšal ot seljan. S tím zakralsja v serdce neskušennej dívčiny. Rospovídal o svojej smutnoj molodosti. Otec promarnil vse, a mati s žalosti pomerla. Pri tom, jak by žal', slezy chotíl v sobí udusiti, nískoľko raz prolknul, a na storoní tajkom pouteral oči. Pribírl sobí isči lípše Bertu, kotra s požalovan'jem hovorila i sprosilasja:

— “A ni mamku uže ne imíjete? Oj, jak to smutno!”

— “Byl lem mi otec ostal, choť jakij byl, pokojnyj!” — Odpovídat žalostno. — “Žeby bylo komu poskaržitisja na samotí, i poraditisja s kím.”

---

\*) Flejta, muzykaľnyj instrument: pisčala, sviril', po anglicki: flute.

— Priobríl sobí i Alexija; no sej, jakos' ne moh s nim sodružitisja, v serdci hlubšaja antipatija zahrádzilasja protiv Falušija.

A, snova rospravljajal smíšny istorki, iz notarial'noho, iz narodnoho i učeničeskoho žit'ja; produkoval pojednych professorov, a to tak komično, original'no, že vsí musili smíjatisja. Až i Eva, kotora prinesla im kavu na olovrant (podužin) v sad, hde pod jednu velikansku hrušku, okolo stola sidíli, na holos zarehotalasja, jak produkoval jednoho byvšoho svojeho staroho professora, ktoroho učennikom isči i sam otec Andrej byl.

Bertusja ne znala, što počati ot smícha, jak vidíla svojeho serjoznoho otca, v pamjati svojej molodosti, tak smačno smíjatisja, — a na nespodívanne zarehotan'je Evy, smích elemetarnuju siluju zapanoval nad nimi. Najkomičnijiše bylo, že tí smíšny istorki, anekdoty pisar', cílkom serjozno, bez ulybki, jak dajaku važnu, akademičnu ríč, predstavljati znal.

Falušij načal i Evu v oči produkovati, što ona pravda ne pomerkovala; s jej ruchom, holosom smíchom:

— “Evko, dušičko zlata,” — “drahotko moja,” — jak Evka Bertu nazyvjala, — “kto tak solodko znaje smíjatisja, tot musít zolotoje serdce matil!”

Eva vzjala jeho slova na ozaj, serjozno i s tím i ju priobríl sobi. Poljubila jeho i bezprestanno o nem hovorila, jeho chvalila. Lípšu svodnicu u Bertusi, ne moh sobí žadati.

Veselyj, prijatnyj večer' prožili, jakij može ne byl na toj parochii, otkoli tut Bogdan díjstvoval.



Musil ostati i na večerju. Pri večerí rospravjal, že jak jeho vyšmarili iz gimnazii tretoj . . . nevinno! A to takim pravdopodobnym holosom, že každý musil uvíriti:

— “Ty, Alexij, pamjataješ’ na professora latiny? Čudak byl. Strašenno mučil vsích svoich učennikov. Jak išol na prohuľku večerom, na odnom otdalennom, temnom míscí, učenniki, a ni do teper’ ne znati iz kotoroj klassy, napali na neho i pobili jeho sil’no. Ja na toje nesčastje pravi tohda išol domoj. Slyšal krik, ľubopytno pošol zazríti, što díjesja? Studenty poutíkali, a policija mene, bliz místa napadenija, ulapila. Bo ja ne mal pričínu utíkati. Darmo boronilsja, uvírjal, že učast’ v toj surovoj msti ne bral, što professory, jak pjatnadcat’ lítnomu uvíрили, no za čím nikoho ne хотіл zraditi, ’bo i ne znal iz učastnikov nikoho, polučil “consilium abeundi”, t. j. vyhnali mnja iz gimnazii, i musil v druhu pojti. V šestoj klassí pomer otec, i mama za nem o korotkij čas, taj ne bylo hde povernutisja: stal za pisarja notarskoho. Teper’ už by lem složiti ispyt, na kotoryj isči v oseni spodíjusja.”

Ne velika služba notarstvo, no pro čestnoho čelovíka pevná, a usilovnyj čelovík može sobi što-to na stary dni otložiti. Na jeden sbohatíje pri notarství, — pravda, ne cílkom čestnym sposobom.

Falušij zadovolen sam so soboju, išol domoj. S toj storony zapevnilsja tak, že jesli donesut jeho žit’je Bogdanovym, to oni lem to uvírjat, što ot neho samoho slyšali.

Sprava jeho, v pravdí cílkom inače vyzerala.

Učast' bral i on v tom napadenii, na profesora svojego, ibo jehov v sekundu obiščal vložiti. Pojíd-nal i opoíl paru svoločuhov, a s tími napal pro-fessora, kotoryj, naskol'ko pritemne míсце pozvo-lilo, poznaval Falušija, jak jednoho iz rozbišakov, no prisjahnuti na to ne moh otvažitisja. Inače byl Falušij, v temnicu popal.

Iz šestoj gymnazii vyšmarili pro kradež' i inši díla. A žeby v temnicu ne prišol, i nečest' ne prines na rodinu svoju, otec musil platiti veliki hroši za neho. Jeho lehkomyšlennost' sruinovala roditelej, a uskorila ich smert'.

Do "Janči-bačija" v toj nadeždí prišol za pisa-rya, že čerez neho, jakim-takim sposobom, prekla-mesja k notarskomu ispytu.

Djula, cílyj tyžden' ne išol na faru. On pomerkoval, že dobre vražen'je sdílal na vsích, a osobenno na dívčinu, a teper' хотíl ju zaputati lípše s tím, žeby na neho častíjše musila mysliti. Dobrí rachoval, v četver' uže ona doprošalasja za nim u Alexija. Pro što ne prichodit, takij milyj čelovík!

Alexija, sklonnost' Bertusi k Falušiju, začala nespokoiti, ibo on čelovíka ne znal, a svoju lju-bzenu sestru, ne хотíl byl vidíti, v rukach ne-čestnych. Jeden holos v serdcí jehov ozvalsja: — "A ty sam jakij byl?"

Sberalsja do stryka Stefana, kotoroho o svojem prišetsvii povídomil. Otec Stefan s udovol'stvijem čital piš'mo ot svojego bratnjaka; on jehov lípše poznal, jak sam otec. A s nim osobenny plany imíl, u . . . . . Marka.

Sorvalasja vojna. Alexij, uže jak okončennyj pervoročnyj bohoslov, ostal zaasentirovannyj ko vojsku, no, jak bohoslova, preložili jeho v rezervu, do vysvjasčeniya. Teper' sobí tak rachoval i rozmysljal:

— “Jesli dobrovol'no vstuplju do vojska, jak volunter, pod korotkim časom, statusja officerom. A po okončeniju vojny? . . . Jak Boh dast!”

Vozvanije pravíteľstva ko volunteram, pojavilosja v gazetach. Alexij sam stal pred otca, i userdno prosil jeho pozvolenije, žeby moh vstupati v armiju, jak volunter.

— “Ty ne chočeš' byti popom, dobrí! Ja tja ne siluju, ibo predprinjal sobí, že ti pozvolju obernutisja tam, hde sam chočeš'. Ty chočeš' k vojsku, vo vojnu pojti? Dobrí! Id', porad'sja svojej sovísti i . . . mamki!”

S udivlenijem slyšal odpovíd' otca, no i s radostju. Pociľoval jeho ruki, a spišil k svojej sestrički, povísti jej novinu i s neju poraditisja.

— “Alexij, mní viditsja, že to pomoč' Boža pro tebe! Jesli tato kažut tobí poraditisja s mamočku, poď' pojdeme oboje. Mamka perehovorit v serdcí tvojem, i poradit tja.”

A ni na sestrinu odpovíd' ne byl prihotovlennyj. On spodívalsja, že otec vykričit jeho, a sestra s plačem sprotivitsja. A to cílkom inače stalosja.

— “Bertus', mi viditsja, že i mamočka sohlasitsja s nami! . . .” Vzjal za ruku sestru: — Pod'me.”

Ne lem s mamočku pobesídovali, poradilisja, no Alexij na lavočká, pri hrobí, spomjanul i Falu-

šoho, izjavíl Bertí bojazn' svoju, že zaljubitsja do neho, a sčastliva s nim ne bude:

— “Bertus', ja tomu čelovíku ne dovírjaju. Na mene robit vraženije: komedianta, avanturnika jakij na bohatstvo otca čislit, i čerez ruku tvoju choče v horu dvihnulisja . . . . Bojusja, čto uže ljubiš' jeho?!”

— “Alexij: ja by želala jeho vsehda pri sobí vidíti, jeho holos sluchati, na neho prizeratisja . . . Jesli to ljubov, tohda ja uže ljublju jeho!” — Otpovídát spokojno . . . . — “Ta vot, on takij milyj, spokojnyj čelovík. Ko mi ne približalsja a ni jednym slovom, ni pohljadom. Pro što bojatisja jeho? Ljudi o nem lem s považen'jem horvjat.”

— “A ja odnakože ne sympatizuju s nim!”  
Vozvernulisja domoj.



**P**O OTCHODÍ Alexija, Falušij, čím častíjše zachodil na parochiju, i často vstríčal Bertu samu doma. Robota pol'na tjažko išla; mužčiny pozvali k vojsku, ich mísca žensčiny musili zanjati na polju. Koli lem vozmožno bylo, i Eva išla na pole, a lem Berta sama ostavalasja doma; varila pro otca i pro čeljad'.

Takij čas vykorystal Falušij, pribíh na faru, zazríl v kuchnju, paru minuty pohovoril, ničto smíšneho skazal, doprašivalsja o Alexija, ne urazil ni slovom dívčinu, a snova ponahljalsja domoj, pro piľnu robotu.

— “Jak možut vam, panna, otec Andrej pozvoliti, taku tjažku robotu?” — Hovorit raz nehodujuči. — “Boha radi, ta vy k tomu slaben'ka.”

A pomoh jej pereložiti hornec, ili snjati iz šparheta, a snova otjíchal proč.

Otec pomerkoval to, i bol'se ne pozvoljal Eví vychoditi na pole.

— “Evo ostaneš doma, na polju i bez tebe obojdetsja. Dítja isči slabe, naj ne dvihat tjažki horčki, naj ne mučitsja.”

To Eví zasnívilo v holoví, a sama sebe obvinjala, že jej to samo ne prišlo na zdohad, a jej “du-

šička zlata," jej "drahotka," opekatisja musila okolo ohnja i tjažki horčki dvihati. Jak lem ona mohla to pozvoliti?

Hej, hej, ale pro što to ne zdohadalisja pan, až teper'? Štos' to inše; to ne horčki! Lem što vyšol otec Andrej i s čeljadju iz dvora, uže vchodit Falušij v priklet i veselo kričit:

— "A hde moja malen'ka gazdyňa? Prišol jej dašto pomoči!"

— "Aha!" — myslit sobí Eva. — "Teper už jem doma!"

Falušij vstupil do kuchni, i jak tam uvidíl Evu, očevidno merzkij ostal. Eva, choť prosta dívka, no uže ne blazenok, sejčas pomerkovala, jaka hodina b'je u pisarja, a porazumíla i starostlivost' staroho pana.

— "Čekaj, ja tja vystrašu stady." — Myslit sobí.

Djula teper' pered Evu, lem po madjarski besídoval, myslil, že Eva ne rozumíjet nič. Bertusja vo velikom zamíšatel'ství byla, i ona pomerkovala, že pro što tatko lišil Evu doma.

— "Panna, sjad'te že sobí. Ci to vaši bílen'ki ručečki, na taku robotu stvoril Boh? Jesli tot "staryj šarkan'," tu ostane, otopčin'te sobí."

— "Čekaj, dam ja ti, 'staroho šarkanja,' rozmysljat Eva, a graty lem tak tresčat jej v rukach, no ne spustit s nich dvoich oči tak, že Berta ne mohla pošepnuti Falušiju, što Eva ne lem rozumíje vse, no i malo hovoriti naučilasja po madjarski. Pro to ne hovorila, ne odpovídala nič; ale sjala i sama na lavku.

Zamíšatel'stvo Bertine, Falušij inače tolkoval.

Myslil, že Berta s velikoj ljubvi, a ne pro "staroho šarkanja" — (drakona) — sčervenila. Načal jej o ljubvi hovoriti . . . . na poslédok priznalsja, že on ju strastno, horjačo ljubiti, i sčastlivyj byl by, jesli by i ona jeho obdarovala svojim serdцем, . . . choť lem naj podast jemu nadíju, že po časi stanetsja jeho ženoju . . . Berta lem s holovu kyvla, prehovoriti pro Evu ne mohla. A Eva až fučit ot zlosti, no ne hovoriti nič. Falušij chočet otdaliti Evu i prositi ju:

— "Evko, prines' mi svižoj vody."

— "Ne mam času!" — Otrube merzko i kategorično.

Falušij prositi Bertu, po maďarski, žeby s nim pošla do svítlici, abo k studní, ibo chočet jej čtos' važnoje skazati. Berta vstane.

— "Drahotko moja, oni tu pri mi ostanut! . . . A oni, ked suť mladij pan, naj prjačutsja doraz domu, do kancelarii! . . . . Ne han'bjatsja nam tu zavadžati? . . . . Druhi porjadny, molody ljude idut do vojny, a on tu budesja pljantati, kolo ženskich suknjach . . ." Eva už roskričalasja a s varíchu načala opasno rozmachovati.

Faluši sblíd ot zlosti i hovoriti po madjarski:

— "To primnoho, što sobí tota smerdjača služnica pozvoljat, protiv vas i protiv mene!"

— "Što? Staryj šarkan'? Smerdjača služnica?"

— Skričit Eva, a prosto ko nemu s varíchu.

Falušij trisnul s dverjami, i klenuči ponahljalsja s dvora. Berta až ostopíla iz strachu i han'by. Operlasja o velikij stol i načala plakati. Eva pri-

stupila k nej, pocíluje ruki, pohlaskat holovu, jak mati dítiní:

— “Drahotko moja, naj ne plačut . . . Oj, tot podljak. A on sja vydavat za pana, a horšij, jak ostatnij prostyj parobok . . . u parobka našeho jest' čest', počlivost' i suminja, . . . a on lem tak tajkom, po-za naš chrebet, vkradalsja okolo tebe” — uže a ni ne dvoila Bertí. — “Ked choče tja za ženu, pro što ne prijde javno, k panovi a tja ot nich ne prosit?”

Teper' už i Berta načala rozumíti Evu, a boronila sebe i jeho:

— “Taj on mi nič zloho ne hovoril, a ni slovičkom ne oskorbil mene, i ty taku han'bu nam narobila . . .” i plakala dalše. No na Evu jakos' ne mohla, ne znala pohnívatisja.


— “Ne čula jem što ti o ljubov' hovoril? Tatko mnja poslali domu, bo i oni pomerkovali, že sja okolo domu zakraduje, koli nikoho ne jest' pri tobí doma, koli jes' lem sama!”

I hlaskala cílovala ruki svojej drahotki.

Otcu Andreju, a ni Eva, a ni Berta ne spovílisja, že što stalosja. Berta až teper' rozvažila sobí, nepriličnost' vizity Falušija, i pro to ne hovorila nič otcu, ne poskaržilasja na Evu. Eví že tak vidílosja, što v pravdí, jej tak ne bylo svobodno grobianiti s jednym panom . . . choť pravi ona vychovala, vypestovala Bertusju, jednak ona lem prosta služnica.

Pravi otvečerjali, nadyšol Falušij. Berta v kuchní vydavala čeljadi. Falušija, staryj ponuknul s kreslom, a sej hovorit:





Každu nedilju zašol pomolitisja k hrobu.



— “Vsečestníšij otče, Vy ko mní očén' laskavyj byli, jak dobryj prijatel', ba jak otec, pro to pozvoľte mi, že by ja s vami otkrovenno moh pohovoriti. — O korotkij čas složu exament notarial'nyj, i budoučnost' moja zapevnenna bude. — Ja ljubju vašu don'ku, i jak myslju, a čuvstvujju, i ona mi prichiľna. Pro Boha prošju vas, sdíľajte mene sčastlivym čelovíkom, i jesli panna Berta ne protivna, dajte mi ju za ženu. Ja vas udostovírjaju, čto jedinka cíľ žit'ja mojeho bude ju sčastlivu sdíľati.”

Bogdan udivlenno pozrit na neho:

— “Moju don'ku za ženu? — Vam? — Vy ne mate nijake stanovisčje; s čeho chočete ju vyderžati? — A choť by vy uže samostojnyj, nezavísimyj byli, . . . ta vot, to isči díťina, ne za muž'!”

— “Otče!” — Pociľuje jemu ruku . . . . “Ja ne možu isči teper ženitisja to pravda, a ni ne choču. Ja lem to prošju, pozvoľte mi nadíjatisja, že vo svoj čas, jak uže smílo možu predstati pered Vas, i domahatisja o ruku jej, ne otkážete mi. Ja choču znati, za što i za koho dolžen pracovati i vpered usilovatisja.”

— “Jak prijdet tot čas, možete sholosisijsja . . . no pod tím uslovijem, že duševnyj pokoj mojej don'ki, do toho časa v učtivosti poderžite, inače..”

— “Tak bude, vsečestníšij otče, serdečno djačku . . .” Spíšilsja Falušij perervati besídu Andreja. — “No, pravda, že pozvolite mi laskavo, časami prijti do vas tak, jak do teper'?”

Berta s prikleta slyšala besídu otca i Falušija. Vstupíla v izbu. Falušija lice ot radosti až svítilo.

Jak dajakij triumfator, pobíditeľ poklonilsja jej. Što na nju, jakes' neprijemnoje vražen'je зробilo. Besídoval veselo, meždu pročim, choť ne pravi tak, jak stalosja, načal rospovídati staromu scenu svoju s Evoju. Produkoval jej holos i energičnoje vystuplenije, jak primusila jeho s varichu v rukach, k bíchstvu. Staromu jakos' ne ljubilosja, ne smíjalsja, a Bertí ne prijatno stalo, že totu vírnu osobu, Falušij takim prekručennym sposobom, stavljajet pered otcem na smích. I pro to, na jej oboronu stala so slovami:

— "Ne smíjtesja s nej, pane Falušij. Eva zolotoho sredca, vírna duša, jakich malo na 'svítí!'"

— "Prošu, panna, ja ne s nej smíjusja, no sam iz sebe. Že pered varíchoju utíkati musil."

Falušij, zadovolen išol domoj. On bojalsja, že na skarhu Evy, staryj vypovist jemu dom. Takim sposobom zapevnil sebe i protiv Evy. Teper uže smílo zahostil každyj tyžden' raz-dvaraz na faru, a vsehda lem tohda, koli otec Andrej doma byl. No, po za faru, lovko vyslídil, hde by s Bertoju bez svidítelej, moh malo pobesídovati.

Išla Berta na cmyntarj ko mamkí, on nespodívanno perechodil tamadi, — išla k otcu na pole, on nečajanno takožde išol dorohoju, — išla i nesla supu, abo medecinu k chvorumu, on neožidanno takožde išol tam, — po cerkvi pri nej zastanovilsja a oboje ožidali na otca. A milymi slovami naklonjal serdce neskušennej dívuški, otrujal jej dušu. Rospovíl jej, što i ona znala i slyšala, že otec pozvolil jemu jej ljubiti, priobícal jemu jej ruku . . . što ne bylo sovsím pravda, . . . tak šeptal jej, jak

on ju ljubit; ona jeho serdca bohineju; ne imíjet pokoja, vsehda ju pred očami vidit; tohda on sčastlivyj, jesli može ju vidíti, jej holos milyj slyšati . . . . i pr.

Otec o tom, ni ponjatija ne imíl. Eva vidíla vse, no bojalasja zakročiti, ot kohda znala ot Berty, že otec pozvolil Falušiju prichoditi v dom, i že ju uže zaprosil ot otca.

Eva slyšala i znala, že hde staryj, hde díti, ne raz išli poraditisja k "mamočki," i . . . ona sprobovala. V noči pošla na hrob, a tam so slezami prosila svoju panju, žeby jej skazala, što mat robiti, i jak chraniti "ich" Bertusju, bo tot panašok jej teper' uže ne ljubitsja sovsím, a ona tak boitsja za "ich" dítinu!

No, pani ne dala jej nijaku otpovíd', nijaku poradu. Eva ne mohla ponjati, že mamka ne otpovídajet jej?! Koli ona v takoj bojazni, pro "ich" Bertusju!

A odnakože, mamka chranila, boronila ditja svoje, choť inym sposobom, jak Eva ot nej ožidala.



## LVI.



ANČI BAČI"-ja očén' merzílo, že što on ne moh obsjahnuti, perevesti, t. j. sprijatelitisja s "popom," to udalosja pisarju. A što bolše, raz pisar' prišol p'jannyj s místa, a na upreki notarja, po betjarski otpovídál:

— "Ne hnívajtesja, Janči bači! Ne odolha ja budu pan na Bogdanovkí, tak budemesja zabavjati, že i psy pop'jutsja, a budut ot tokajskoho vina po dorohí valjatisja! Ha-ha-ha! Ne lem toj "sel'skoj husí", no i staromu "moskaľovi" jem zakrutil holovu, že tak tancujut, jak ja im hvizdam. Lem paru tyždni, a ja budu prochoditisja po farí... Ale ostrižu staroho, že holyj ostane, jak kolíno."

A rehotalsja po p'jannomu. Jak vyterezvilsja, uže i zabył s čím chvalilsja notarju.

Tota podla besída i hnušna chvaľba, pomerzila "Janči bači"-ja, kotoryj pri vsích svoich chibach, slabostej i velikoj lechkomyslennosti, ne byl odna-kož podloho, mstivoho serdca.

Jesli bylo roschodilosja o samoho Bogdana, ne bylo by bezpokoilo "Janči bači"-ja, no zloradno byl smíjalsja, nad vydarennu štuku pisarja. Pro što ne merkoval lípše na sebe? Što mi do neho?

Tu ale roschodilosja o sčast'je odnoj neskušennoj, moloden'koj, dívuški, kotora ne lem jeho

žení, no i jemu, jesli hde vstrítilasja s nimi, vdjačno-serdečno pozdravkala.

I on imíl jednu, dobrou, milu dítinu. A ta, žertvoju stalasja, jednoho podloho jeho pisarja! Sej teper', meždu pervymi notarjami stolicy horditsja, a jeho bídne ditja hdes', ani on sam ne znaje, v ktorom monastyrju pokutuje, za svoju ljubov'. Zlost' zachvatila jeho serdce. No, jak že pojde on do popa?

Sama jeho stara, no blahorodna žena, choť ne znala, ne slyšala, s čím kičitsja, chvalitsja ich pisar', prosila muža:

— "Janči, dušo moja," — tak nazývala muža svojeho, — "daj znati "popovi" naj ne zachoditsja s tím Falušijem. Škoda totu milu dívčinu!"

— "Jak prijdu ja k tomu?" — Odpovídajet žení notarij. — "Ja jemu a ni ne brat, a ni ne kamarat. Što mi do jeho familiarnych díl?"

— "Oj, Bože moj, jeslib byl našolsja miloserdnj čelovík, a nas byl napomjanul?! Pamjataješ', dušo moja." — Prosit žena s plačom.

— "Štoraz ja tja prosil, ne spominaj naše nešťastje! . . . . A, ci chočeš' žeby ja išol do neho i ponižalsja jemu? Može by mu išči i grobijanstva narobil?"

— "Otkazi jemu dajakim sposobom."

S Bertu vstrítilisja na selí, to jedno, to druhe; ne raz perechodila okolo ich doma. No, jak že jej povísti? Jesli dajaki snošenija imíje s pisarem, to ne uvírit im; a jesli ne jest' nič meždu nimi, može oskorblennoju počuvstvujetsja, i otec jej vozmet ich na otpovíd', za narušennu čest'. Pisar' ottajit-

sja a oni ostanut v bolotí. Sdurennoj dívčíní, daremno davati poradu. Zamíšatisja do ljubovnych ríčach, im jakos' ne vychodilo?!

Až teper' rospovíl notar' žení svojej, s čím chvalilsja, veličalsja pisar'! Natarijuška ruki zalamala.

— “Janči, dušo moja, ty! Pro milost' Boha, tu ide o jednoj duši propast'; dajakim sposobom musíš' zakročiti! Inakše, ja žensčina ponižusja, pojdu do toho zaslíplennoho popa. A, choť mnja i vyžene.”

“Janči bači” pro vojnu množestvo roboty imíl. Malo kohda mož bylo jeho doma najti, vsehda chodil po svojem okrestí. Takij čas, vmísto neho, pisar' provadil kancellariju, no i seho tjažko bylo pri bjurku dostati; hde ná farí sidíl, hde po selí voločilsja, a často zazerál i do místa, odkudu lem druhij den' prichodil slumpovannyj, a potom cílyj den' spal.

Bogdan potreboval podpis' notarja, na jedno svidítel'stvo, a s nim Bogdan takoj vypravil svojeho rychtarja do notarja, dlja podpisan'ja.

Rychtar' staryj čelovík, čestna duša, a velikij učitel' svojego svjasčennika.

— “Id'te že Pan'ku, do notarja, naj podpiše i on. No jesli by ne byl doma, to naj podpiše molodyj notar', bo pis'mo duže važne i piľne.”

Notarja žena, prijatna, besídliva stara žena, kotoru, i narod učtil, sidíla na verandí i prositsja prichodjasčaho rychtarja:

— “Jak že sa mace richtaru? Už som vas davno ňe vidzela. Co tam nove?”



— “Prošu poniženno, panju veľkomožnu, zaslali mnja naš pan s jednym važnym pis'mom, dlja podpisan'ja. A nakazali mi, že ked pan notarijuš ne doma, ta žeby choť lem molodyj podpisal i pečatku dal.”

— “L'em idce, moj ljubi rychtaru do kancellarii, moj prave l'em teraz prišol z jarašu.”

— “Poniženno djakuju, pani veľkomožna.”

Rychtar vošol do kancellarii, natarijuš pročital sviditeľstvo, podpisal, pribil pečatku svoju, a tak... zadumalsja. Posadil rychtarja na stolec, što ne bylo jeho obyčajem i prositsja:

— “Rychtaru, povedz mi, na tvoju dušu, či ti ljubiš' tvojeho popa?”

— “Ta, kto že by 'ho ne ljubil, pan notarijuš?”

— Odpovídat zadivlenno.

— “Chcel by s'i jemu daco dobrego zrobic?”

— “Bože, šak by jem za nich do ohnja skočil!”

— “Ja ci daco povim, ked níkemu n'e vifefreš'.”

— “Bože mnja varuj!” — Dvih ruku na prisjahu.

— “Poviš' panu prevel'ebnemu, medzi štirioma očami, — merkuj dobre na každe moje slovo — pisar' moj n'e je níjakim pomocnim notarijušom, an'i natarijušom n'igda n'e budze, . . . bo n'e može buč! Ja otkazujem panovi, naj otvora l'epše oči, naj merkuj na sebe, na svoj dom, i na svoju počlivosc! — Ked chcu daco vecej znac, naj s'e sami dopituju. Rozumiš', co ja ci hutorim? No, možeš' isc s Bohom.”

Rychtar' vstal, posmotríl ostro notarijušovi v oči, stis jeho ruku i hovorit:

— “Ja to uže i sam mal povídati panovi; lem že jem sja bojal. Teper’ už možu. Djakuju pan veľkomožnyj! . . . Na Boha ich poručam.” — Pervyj raz dal notarijušovi tot titul “pan veľkomožnyj.” — Zaslužil!

Rychtar’ vernulsja na faru, a tam uže našol i Falušija.

— “Pan pisar’,” — hovorit rychtar’ k nemu, — “pan notarijuš dali ich volati!”

Falušij, vidno bylo, že ne vdjačno, no pomalu načal sberatisja.

— “Podpisali pan notarijuš sviditel’stvo?” — Prositsja svjasčennik.

— “Hej, podpisali!” — No pis’mo ne otdavat, ale snova hovorit k Falušiju: — “lem naj sja po-nahljajut!”

Sej, rad ne rad, choť merzko, no poprosčalsja s Andrejem; Berta vyprovadila jeho čerez priklet. Na verandí pocíloval jej obí ruki, zaljublennno vzrílsja v jej oči i šepče po madjarski:

— “Solodkaja moja Bertuško. Ja tak ďalše ne možu žiti, . . . o rozum prijdu. Abo otec pozvolit pobratisja, . . . abo pojdeme oboje svítom . . . abo . . . zastríljusja! . . . Ja bez tebe ďalše žiti ne možu . . . Anhele moj, ja mušu s tobou do čista prijti i porozumítisja . . . Zavtra po obídí, u staroj Šestački, kotora chvora ležit, vstrítimesja o tretoj. Ne otkož’ mi . . . prijdi!” — Pocíloval ruki i s udovol’stvijem smotril v jej blíde lice.

Dívča ot strachu, ni otpovísti ne mohlo . . . Otca ostaviti! Uteči! . . . Zastrílitsja . . .!

— “Prijdu!” — Po chvílí prošeptala i so sle-

zami v očach, pobíhla do svojej komnaty, zaperlasja i verhlasja na postel', a horen'ko plakala. Razmysljala, čo i jak by zrobiti; žeby otca ne pohnívati, jemu žal', han'bu, ne sdílati; a žeby i jej Djula, v otčajanii nič sobí zloho ne zrobit. Na tom ustanovilasja, že prijdut oboje, na zavtra, pered otca, i jeho do toho časa budet uprošati, poka lem ne pozvolit im pobratisja. Otec ju ljubit, i jej otkazati ne može. — Uspokoilasja i ožidala spokojno na zavtrišnij den', jak na den' sčast'ja svojeho.

Bídna, lehkovírna dívčina! Jeslib ona znala, predstaviti sobí mohla, što ju ožidajet, jakim sposobom choče jej Djula, prisiliti staroho na vínčan'je!?

\* \* \*

Rychtar' zaprosil Bogdana do jeho kancelarii, že važnyj otkaz notarijuša choče jemu, v tajní, skazati. Zaperli dveri i okna, a tak rychtar' šeptajuči rospovíl slova notarja. No, teper' rospovíl uže i to, što sam znal, i što ljude šepčut meždu soboju: že jeho don'ka, tajkom vstríčajesja pri chvorych s pisarem, bolše vidíli ju pri hrobí pokojnoj materi, jak jej ruki cíloval . . .

Drož' obhornula Bogdana. Ohorčen'je protiv toho čelovíka, i zlost' protiv samoho sebe:

— "A tomu vsemu, ja sam pričína, ja byl sam svoju dítinu zapropastil. Djakuju ti rychtarju, ne zabudu ti nihda totu službu, . . . a blahodarnyj ja i panu notarijušu, za lasku . . . . Ne hovor' nikomu, ni slovo!"

Rychtar' pošol domoj. Bogdan pochodil horí-

dolov po izbí, rozmysljajúči, jak by nesčast'je ope-rediti bez publiky, don'kí svojej pokoj i sluch dobryj zachraniti, a besídám tichon'ko konec zrobiti. So svojim planom sejščas hotovyj byl. Zavolal k sobí Evu.

— “Evko!” — Tak ju isči nikohda ne nazval, ibo s čeljadju ne zvyk byl nijaki otkrovennosti sobí pozvoliti. — “Evko, ty pravdu imíla, koli ty pisarja vyhnala. Ja dal oklamatisja. On podljak. Bertusju vypravlju na dolšij čas s domu. Do brata Stefana ju otvezu. No, ne smíješ' nikomu zraditi. Skažeš', že ne znaješ' hde ja s neju po-vernulsja. Pamjataj! Pozberaš' do velikoho kufra jej cílu odeždu i jej bíliznu (bílje). Porjadno zapakuj. Zavolaj mi tu Bertusju.”

Eva pocílovala jemu obí ruki:

— “Oj pane prevelebnyj! Što ja sja nastarala, naplakala. Ja im uže davno mala to vse povídati. No, bojalasja. Chvala Bohu, ne darmo chodila jem k “našej mamóčki” pomoč', poradu orodo- vati!”

— “Ty dobra, vírna duša, naj ti Boh zaplatit!”  
— Pohlaskal jej holovu, što nikohda ne stalosja do teper'.

Bertusja poumyvala oči v zimnoj vodí, žeby niko ne pomerkoval slezy, i cílkom spokojno prišla k otcu. Sebe ne obvinjala, ta vot otec priobícal ju Djulovi, ona jeho zaručenna, i dolž- nost' jej jeho boroniti, ljubiti.

— “Dal ty, taton'ku mene volati?”

— “Zavtra pojdeme do místa; pozberajsja ho- lubočku moj. Eví už vydal prikaz.”

— “Na što, tatočku? Ne mogli by my na pozavtra pojti?” — Zadivlenno, nespokojno pro-sitsja.

— “Aha!” — myslit otec, — “na zavtra jakes’ porozumlen’je meždu nimi!” — No spokojno i veselo otovídát.

— “Na zavtra imíju času, i važnu robotu v místí. Takoj dame sfotografovatisja, pro Alexija. Kto znajet, ci uže ne ide i on na front. Jak novinki pišut, Rossijane zanjali L’vov i hornutsja ko Karpatam, a naši vojska s každoj storony, vo velikoj silí idut im na vstríču. Naj by choť lem našu fotografiju imíl pri sobí, v čas tjažkoj bor’by. Kto znajet, holubočku moj, ci za žit’ja uvidimesja s nim?”

Bertusja pobíhla do svojej izby, na malen’ku kartočku napisala Falušiju:

— “S otcom idem zavtra do místa, ne ožidaj u Sestački.”

— “No, jak že doručiti povídomlen’je? — Kto že inyj? Eva musít obstarati. — Naprosila ju, že kartočku otdast’, i nikomu o tom slova ne skaže. — Eva priobícala, až i zabožilasja. Pisemko otdala, no ne Falušomu, ale otcu, bez slova, molčki. Bogdan pročítal.

— “Aha! — To ty Šestačko svodiš’ moju dítinu?! Za to, že ja tja stol’ko líta hoduju, spomahaju?” — Rozmysljaje Bogdan. — “Pro što imíl by ja na tebe hnívatisja? Vina, moja, ibo pozvolil tomu nisenitarju ljubiti svoju don’ku. Sam byl jej svodnikom.”

Rano, pri svítanju vyjíchali iz dvora. Nižej sela

vstrítli Šestačku na dorozí, iduču k místu, so zajdoju, na chrebetí. Klanjalasja im, no otec Andrej ne otzdravkal jej, choť jeho obyčaj byl, v dorozí každoho, i ne znakomoho seljanna pozdroviti. Panam ne zdravkal.

Pozríl na zad, i vidíl, že stara, horbata babisko, zadivovanno pozerat na povozku i s holovu poki-vuje. Ona znala, pro čto vypravil ju pisar' iz domu! — Až moroz perebích chrebetom Bogdana. I svítlo, so strachom, s hnušenijem vidíl, v duší svojej, preveliku propasť, jaku prihotovil sej merzavec jeho dítiní.

Jesli byl teper' toho podljaka vstrítíl, to víro-jatno skočit z voza, a veržesja na neho. Pljuhnav-stvo, o jakom on sam, staryj čelovík, ni ponjatija ne imíl. A, on seho razbojnika prinimal v svoj dom! Jak že to lem bylo vozmožno?

Pozríl bokom na don'ku, požaloval ju. Blída, sožolknuta s vyhasennymi očami, jak mutne sklo, bez pritomnosti ducha sidíla vo voziku, pri otcovi, malo že ne upala iz sidíska. Prihornul k sobí, pólaskal lice:

— “Bídne ditja moje!” — i pocíloval ju.

Berta, jak uvidíla Šestačku, uže na pevno znala, že jej pis'mo Eva, ne Falušijomu, no otcu otdala, no i to znala, što preduhotovljal protiv nej, v chatí samotnoj, ot druhich otdalenoj tot čelovík, koto-roho ona myslila ljubiti. Jak jesli by byli jej serdce vyrvali iz hrudej; porožnosť, pustotu i boľ udušajusču ju čuvstvovala. Ukryla tvar', na vír-noje ljubimoje serdce otca svojeho, i v horesti tichon'ko plakala, až cíle tílo jej drožalo. Otec

za dolšij čas ne hovoril ni slova, lem časami pohladil jej holovu. Naj vyplačesja; slezy pomožut jej. Molodoje serdce pereneset pervoje obmanuťja ljubvi.

Janko, pozril malo bokom nazad. Merkoval štos', no ne znal jak, i pro što jeho pan takij blídyj, a ich vsích ljubimec, tak žalostno plače . . . ne moh sobí rady dati, choť pravi koni, dobroj krovi, sil'no išli, trisnul meždu nich batohom i skričal:

— "D'i!" — A vozik lem pyrchal za ustrašenymi, forkotajučimi kon'mi k horodu, jak by utíkali i spasali čtos' drahočinnoje, ot propasti.



## LVII.



DOROŽÍ otec Andrej, kotoryj tysjačam terpjascim podaval potíšenije v raznych terpínijach duševnych, a pomoč' v žiznennoj nuždí, ibo on narod ljubjasčij a i pri svojej tjažkoj naturí, čuvstvitel'noho i dobroho serdca čelovík byl, — načal i svoje ditja, svojeho ljubimca, uspokoivati, potíšati mjahkim holosom, jak mila mati s ljubimymi slovami, jak mudryj otec i líkar' opytnyj, skušennyj, ostorožno.

Ne klenul, ne osuždal toho, kotoryj jej molode serdce, tak tjažko, čuvstvitel'no oskorbil, jej dušu, dovírije, obidíl. Pokazal na tjažesti žitja, na propadajuči nadíi, i na milost' Božu, na dolžnosti, na same žit'je, kotoroje vo svítlí opytnosti, díjstvitel'nosti, cílkom ináč vyzeraje, jak to jeho poety, pisateli povístej predstavljajut.

Jak uže malo uspokoilasja, tohda rospovíl jej i tužbu, starostlivost' toj vírnoj Ěvy, otkaz notarija. Berta nad tím vsím rozmysljala, rozvažala i sama nad soboju divovalasja, jak ona mohla tomu čelovíku dovírjati. Ta vot, ona ne čuvstvuje nad jeho utratoju, ni naj men'šu žalost'!

Falušij jej tak indiferentnyj, ravnodušnyj, jak choť kotoryj druhij mužčina. Až i radovalasja, že osvobodilasja ot neho. Jake to by žit'je bylo pri nemu, jake sčast'je pro nju?



Dívčina, ne brala nikohda učast' v tovarišeství molodeži, v zabavach, ona ne mohla posuditi ni Falušija, lem po jeho slovam. Myslila, že to každyj čelovík tak vírnyj, dobryj, iskrennyj, bezpřitvornyj, jak jej taton'ko.

Poka prišli do místa, Berta jak-tak uspokoilasja, obcílovala svojeho dobrotlivaho otca ruki. Ne ponosovalasja, ne naríkala, no isči probovala zasmíjatisja na otca. Paru hodiny putešestvija ich, s lítami zřílšuju sdílali ju. Lem to ju nespokoilo, jak přijde jej povernutisja domoj, a sej čelovík, može i sblížitisja snova ko nej? No, skol'ko raz prišlo jej na um, že dnes' imíla vstrítitisja s nim v pustoj chatí Šestački, hor'ko stalo jej v ustach, že prolknuti ne mohla.

V místí poobídali, preodílisja i dali sfotografovatisja. Poka Bogdan okončil svoje dílo, koni dobrí nakormilisja, porjadno vypočilisja, i pustilisja do dalšíj dorohi. Janko, i sama Berta, až na povozkí slyšali, že ne domoj, no do brata Stefana Bogdan idut, na hostinu. Otec Andrej don'kí svojejsanovlivo hovoril, že v toj važnoj spraví, pre ktoru prišol do místa, musít pohovoriti s bratom swoim. Berta smílo pozřila na otca i stisla jeho ruku.

No, otec Andrej pravdu hovoril. V předčuvstvii jakohos' zla, zřobil testament, v místí dal potverditi, a exekutorom poslídnoj svojejsj volí, imenoval brata svojeho Stefana. S nim chotíl i lično pohovoriti o tom.

Berta s oblehčenijem slyšala, že domoj ne idut i spokojna byla, jak uže znala, što otec ju, na

jakij to čas ostavit u stryka, kotoryj telegrafično povídomlen byl o ich prišestvii.

Doroža daleka, so slabymi kon'mi, ne byli ju tot den' sdílali. Tak večerom, okolo 9-oj, utomlenny, smučenny zajíchali do dvora hde ich s radostju i s dobru večerju ožidali.

Druhij den' Andrej Bogdan otpočil, i spravu svoju s bratom dokladno okončil. Zahostili i do Furmanovych. Prijali ich vdjačno. Otcy s Markom, pri politikí, pri vojní, a dívuški pri pianí sejčas sprijatelilisja. Berta večerom zadovolenna lehla, poznakomílasja s tetu i so strykom, i našla sobí obrazovanny i dobry družki, i ne musila vstríčatisja bolše so svoim . . . zaručennym!

Oj, jak ona stydalasja sama sebe, že takomu čelovíku dala zaslípitisja, obmanutisja.

\* \* \*

Falušij nakoli pošol s fary, sejčas pojíchal do Šestački. Jak obačila jeho, strašenno načala kašljati. Vstupil i prosilsja jej:

— “Jak že majetesja Šestačko?”

— “Oj, ne dobrí, pan vel'komožnyj, ne dobrí. Kašel' dusit do zahinut'ja. Ne možu sobí poraditi. Tu zima prichodit, ne znam hríšna duša, čoho sja jati. Nít chlíba, nít omasty, nít drov . . . oj, oj, oj!”

— A kašle, až v troje zhinajesja.

— “Znate što Šestačko, . . . ale a ni slovo nikomu! . . . Na zavtra po obídí, prijdet do vas Bertusja farska; ale vy musite s domu sprjatatisja, a ne vernetesja, až večerom!”

— “A bude s nju isči dakto?” — Ostorožno doprošatsja stara babisko.

— “Kto by byl, lem ja!” — Zvyrcit na nju Falušij.

— “Oj, tak ní, panočku... tak ní!” — Ona štos' merkovala.

— “Tu mate desjat korun...” — hovorit merzko.

— “A ni za sto! Pan by mene iz sela dali vyhnati! Oj, tak ní!”

Pisar' iz zlosti škrehoče so zubami, a klene “durnu bosorku.”

— “Znajete što? Tu mate dvadcať korun, a vyprjačtesja s domu, na tot čas.”

Stara rozmysljajet, i kašljati zabyła. Boitsja, no dví desjatki na stolí, a ni s nich oči ne spustit.

— “No, bude už raz!” — Skričit na nju.

— “Bude panon'ku, bude! Takoj schovat hroši v pazuchu. Pojdu na zavtra včas rano, do mojej sestrenicy, na spomahan'ja, a ne vernusja až v noči. Tak bude dobrí. Tretij chotar, draha daleka. Nikto ne budesja na mene spodíval.”

Falušij, jak kto dílo svoje dobrí okončil, svizdajuči išol domoj, a Šestačka pobíhla do najblizšoho susída, i tam vymolikala sobí osušok na drahu, ibo ona ide do sestrenicy svojej, na spomahan'je, a ne mat ani kusočok chlíba na drahu. A tu zima bliz dverej, a nít a ni chlíba... i pr. plakala, kašljala... A ide isči za cmy; slaba a draha daleka; a kto znajet, ci do večera prijde nazad.... Sosída ju požalovala; dala jej na drahu, ne lem osuch, ale i masla do točanki, i do rjandki bryndzu. Podjakovala i kašljuči prišla domu. Vytjahla s pazuchi dvadcať korun, poob-

zerala, poradovalasja im, a tak s pripecka vytjahla jednu čornu rjandu, v kotroj kupa hrošej okruženna byla, priložila i novyj zarobok, a otložila na mísce!

Lem što kohuty druhij raz zaspívali, Šestačka pozberatsja isči za tmy v dorohu, a iduči kolo susída, zadurkat na okno:

— “Susídočko, buďte taka dobra, zazríte lem na moju chatu. Buďte zdravý!” — Podla babisko, i tu chotíla zapevnitisja. Ne byla cílyj den’ doma, za tmy išla, za tmy prišla. Ona ne znaje o ničom!

Ide dorohoju, čuje za soboju vozik hurčati. Obozrítsja, poznat farski koni, a na voziku svja-sčennika, s don’koju! — Što to take? — A može vernutsja do obída nazad? Jesli byla ne stala na dorozí, a s holovoju ne kivala udivljajučisja, može Andrej by ne byl ju podozrival, za učastnicu v komplotí-zahovorí skvernom, no tak pevnyj byl, že ona znajet o vsem.

Uže chotíla vernutisja, no prišli jej dvadcať korun na mysl’, i dalše išla:

— “Što mi do toho, hroši ne dam nazad.”

Okolo obída pisar’ uže v Šestačkinoj chalupí. Nespokojno vyzerajet na drahu. Berta jakos’ ne ide. Minulo dva-tri hodin, jej ne jest’. Tu uže okolo pjatoj, jej isči nít?! Vyjde na selo, vstrítisja s rychtarom.

— “Byli vy, rychtaru, tože na farí?”

— “No nít. Panove hdes’ vezlisja včas rano na voziku.”

Pisar’, klenuči v sobí, prichodit domoj, a ne moh nijak porozumiti, što mohlo stasisja?

Andrej uspokojenno vernulsja tretij den' okolo polnoči domoj. Na stolí našol bolše pisem, meždu pročimi i ot Alexija, kotoryj pišet, že ispyt officerskij složil, i jak poručik-lajtnant, opredílennyj ostal na front, s regimentom svoim. Meždu pročimi pišet o svoich novych prijatelej. O svojego učitelja Stefana Javor, i Georgia Furman, jak Rusinov; a prosit otca, jesli by tí dakoli zahostili do neho, aby ich laskavo prinjal, jak svoich synov.

Alexij zaslal takoj i ich fotografiju.

A, tak djakuje otcu za lasku, što pozvolil jemu vstupiti v armiju, hde on, jesli to otcu ne protivno, i jesli jeho naklonnosť k vojenskomu stavu, do konca vojny ne smínitsja, na vsehda хотíl by ostatisja. Teper' uže svjasčennikom, pod nijakim uslovijem, ne choče byti, ne imíje k tomu i najmenšoje zvanije, ni naklonnosť.

— “A štoby ne zabyti. Tatočku dorohij, sterežit'sja Falušoho, a sterežit', pro Boha, i Bertusju ot neho. Doznalsja ot mojeho oberlajtnanta i ot níkotorych volunterov, jeho byvšich kamaratov, što to za bezsovístna, za bezkarakterna ljudina, jakich malo jest'. Poslídnyj hod v Debreciní, iz šestoho klassa, pro kradež' i pro nemoraľnosť iz školy vybrošen ostal, na cílu Madjarsčinu. Slídovatel'no, on notarijem byti ne može. Ne pripustit' taton'ku moj, vo vaš čestnyj dom; uže same druženje s takim čelovíkom, oskorbítel'noje. Merzki, hnušny díla slyšal ja o nem, jakich tut ni napisati ne mož. — Na koli moje pis'mo polučite, dorohij moj taton'ku, vírojatno uže na frontí

budu. Teper' prišol prikaz vyhotovitisja. Pomol'tesja za mene, Bertusju . . . i pr."

Saryj Bogdan, nad ranom odítýj, lehnul na posteľ i tvrdo zasnul, mučennyj tjažkimi snami, v kotorych Falušij i Berta, ne maluju rol' ihrali.

Po dvuch-trech hodinach sna, sorvalsja s posteli; zimnoju vodoju dobrí umylsja i rasporjaže-nija robil v gospodarství. Paradny jeho koni k vojsku rekvirujut. Tak dobrí, ibo i Janko pozvan ostal k regimentu. Kto by ich obchodil? A rekvirovali i jednu časť rohatoj chudoby jeho. Što i mudro zrobili. Bo jesli uže zabrali čeljad' ko vojsku, na što jemu stol'ko chudoby?

Ostal sam, jak saryj dub, vo vyrubannom lísí. Lem byl moh Bertusju pri sobí imíti! Pre toho, podloho, bezkarakterneho čelovíka, musil ju s domu ot sebe otdaliti!

Isči sidíl pri stolí, pravi otobídal. Ne smakovalo samomu, choť Eva jeho najmilše jídlo shotovila. Perezerajet novinki, ci dašto ne pišut o regimentí jeho syna? Nič. — Rossijane v Karpatach vostočnych; bitka krovava. Ci može i jeho Alexij uže v ohnju? Mysli jeho snova vozvernulisja k pisarju.

— "Ne spominaj volka, bo ti v chatu vlízel!"  
— Pravi čuje holos Falušija v prikletí:

— "Doma panove?"

Smílo, bystro hovorit. Uvírennyj, što o jeho podlotí, otec Andrej isči nič ne znaje. I dobrí, že ne otrazu vstupil v izbu, a ostavil chvílku Bogdanu, pozberatisja. Vošol; Bogdan stoit pri stolí, i popravljajet vyhasnutu pipku. Vyhoríla v dumkach; taj i ne pomerkoval, že pisar' davat jemu ruku.

— “Aha!” — myslit sobí pisar’. — “Štos’ v neporjadku. Cholodna krov’l”

Bogdan malo obernet k nemu holovu i bystro posmotrit jemu v oči. A tot:

— “Radujusja, vsečestnijšij otče, što sčastlivo vozvernulisja s prohul’ki!”

Bogdan ironično, i na svoje udivlenije, cílkom spokojno, i cholodno odpovídajet:

— “Djakuju, sčastlivo vozvernulsja. Choť pravi hovoritsja, že so staru babu v dorozí vstrítitisja, nesčast’je označajet. My vstrítilisja so Šestačku, a ona nam odnakož velike sčast’je prinesla. Rozumíte?” — Protiv zvyčaja svojego, po madjarski hovoril. Pisar’ lem oči vydulil: Ci može Šestačka zradila jeho? I sbalamučenno stučit:

— “Ja . . . ja . . . ne . . . ne znaju, što myslite, otče? Na moju česť, ne znaju!”

— “T’fuj!” — Pljune Andrej v storonu. — “Česť? . . . . No znaju i znala sejčas moja don’ka! Vaša česť?! . . . . Vpročem polučil ja interesantne, a dostovírne pismo iz Debrecina, v ktorom mi prekrasno opisujut avantjuru, i kavalerski podvihi znatnoho Djuly Falušij. Ne chočete pane “pod notarij” sjasti i posluchati. Vesely ríči počujete!”

— “To, nič ne pravda!” — Promachnulsja serdito panašok.

— “Nič ne pravda? Ja vam isči a ni ne pročital nič!” — Zasmíjalsja Bogdan. — “S čím možu vam isči poslužiti?!” — i pokazal na dveri.

Pisar’ vidíl, že maska s jeho lica do čista sderta, betjarski obernulsja s dverej, — v izbí pri

zatvorennych dverjach, ne osmílilsja chlopiti, a zaklenul:

— “Ja tvojego popvskoho-moskal'skoho . . . . ! Čekaj prokljatyj pope, popamjataješ' ty mene! . . .” i trisnul s dverjami.

Čeljad' pravi obídala, kuchen'ski dveri otvoreny byli, i vse čuli, . . . . tohda s treskom prevernulasja lavka, na ktoroj Janko sidíl pri stolí, a on sam vyskočil do prikleta. Eva kričit za nim:

— “Zabij 'ho na smert' . . . zabij 'ho, Janku!” — I sama na von. — “Jímaj ho . . . Janku!” — Pisar' v nohi, Janko za pjatami. Falušij zastih prikletny dveri zaperti, . . . a to jeho sčast'je, ibo živyj ne byl ochabil faru. A ni sam otec Andrej ne byl jeho vyratoval iz ruk toho parobka i čeljadi!

Janko zaskrežetal so zubami, lem raz udaril s plečom v dveri, doraz vylamalisja so zamkom vjedno. To lem minutka byla, no pisar' vykorystal ju dobrí, i bižal s dvora, što lem nohi postarčili. Janko schopit kamen', brosit za nim, pravi, jak preskočil jeden plot. Jesli sej kamen' potrafit pisarja, to jemu križi polame i na smert' zabije. Kamen' udaril v jednu jablon', i sder s nej skoru. Dobri, že utík! Škoda byla by za toho vírnoho, čestnoho parobka, za taku vírnu dušu.

Čeljad posídala nazad okolo stola, a bez slova obídovali dalše. Janko napinajet ucha, a nespokojno prisluchujesja, i čudujesja, že v komnatí Bogdana cílkom ticho:

— “Evko, zazrój lem k panovi, jakos' ticho, ne čuti ich, ci može.”



Eva složit ložku, tichon'ko otvorit dveri do izby otca Andreja, i vidit ich pri stolí sidíti i usmí-chatisja.

Bogdan, ne vyšol za utekajusčim pisarem v síni, no čerez oblak prizeralsja, na lovki nohi pana "pod-notarija," i pri vsej psotí smíjalsja. — Jak Eva otchilila dveri, Bogdan porozumíl starostlivost' svojej čeljadi:

— "Evko," — hovorit, — "ja vsehda znal, že vy dobry moi díti, a teper udostovírilsja, što i vírny, čestny . . . . Janko povolannyj k vojsku, zarižete toto men'se teljatko dnes' . . . ."

— "To isči mu, to!" — Odpovídát chmuravo Eva, — "ne mat što jísti, až po čopki?!"

— "Evko, tak zrobiš', jak ja ti kažu. Napsotujesja on tam ne malo, choť isči teper naj povese-litsja. K obídu každyj den' položiš' na vaš stol fljašku vina, . . . . u mene ne jest' komu jeho vypiti. Skaži Jankovi i tamtym, že vam djakuju, . . . . a teper' id'."

Tak chotíl Bogdan otvdjačitisja za ich vírnost'.

Eva rospravljala čeljadi, až i oči pouterala, že što pan roskazali. Žalovala otchodjasčoho Janka, no ne men'se i teljatko. Ale stalosja po volí pana otca. A naj baržej žalovala, že pisar' vykrutilsja iz ich ruk:

— "Janku, lem byl ty 'ho dochopil! Ja byla ti sama kupila "vybijannu pipku," i pačku dohanu!"

Druhij den', Bogdan doznalsja ot rychtarja, že notarijuš doma; pošol do neho, podjakovati za prijatel'sku službu. Ba ne to, no za spasenije svo-jej don'ki! Ot notarijuša doznalsja boľše i obšir-

níjše, što namírjal s nim pisar', a jak chotíl jeho natjahnuti, snisčiti, a majetok jeho v ruki dostati.

— “Pro što že deržite jeho, pane notarij? On i vas može do psoty zavesti.”

— “Ach, ja uže dost' naprosilasja mojeho,” — hovorit notarijuška, — “žeby jeho otpravil, bo i sam podlo obstane s nim.”

Očen radovalasja, že s Bogdanom už raz pomírilisja, sprijatelilisja.

— “Pro što? Hm! Do teper pravitel'stvo mi ne chotílo dodatok placy na porjadnoho pisarja pozvoliti. Ja uže staryj, okrest velikij. Prinjal takoho, jakij najtun'se prišol do mene. Teper pravitel'stvo s vzhľadom na ubol'shennu robotu, prikazal mi deržati vypomočnoho notarja; no hde že jeho najti? Molody ljudi vsí pozvanny k vojsku, a sam robotu ne postarču. Bol'se, jak mísjac, každyj druhij-tretij den' pišu do vicišpana i oroduju o pomočnika. Ne jest'. A ni mi uže ne ot-povídajut.”

— “Falušij s hrošami ne manipuluje, s toj stony ja pevnyj. No, že hdes' švindljuje s toho zaključaju, že mnoho hrošej u neho. Veliki darunki rozdavajet sel'skim žensčinam, a v místí, jak mi hovorili, veliki zabavy ustrojuje. Rychtarov ja stroho napomjanul, žeby o vsem, i sejčas povídómili mene, jesli dahde, ot dakoho by hroši vymahal. Dnes' vyprosilsja do místa, že važnu ríč ide skončiti.”

— “Aha, može myslit, što moja don'ka v místí. Ona uže teper' znaje, že kto on; a piš'mo

syna mojeho, o ktorom ja hovoril, zaslal jej. Choť moloda, no rozvažna dívočka.”

Jesli by byli tí lehkovírny ľudi znali, pro što išol on do místa? Ne byli tak spokojno rozhovorivali, i radovalisja, že takomu vyšibannomu, vybitomu podljaku, perešli čerez rozum.

— “Ščastlivyj vy otec,” — chvalit notarijuška iskrenno, — “že take krasne, dobre dítja môžete nazývati svoim. A my, na našu starosť, ne imíjem nikoho, ne jest s kím poradovatisja, o koho staratisja!”

Bogdan ne skazal ni slova o Šestačku, a notarijušovy o svoju don’ku nesčastlivu, takožde ne spovílisja.

Psota, nužda sprijatelila zemjančika notarijuša, s “moskalem popom.”

— “Prostorikij, no dobryj otec, revnyj svjaščennik i čestnyj čelovík,” — hovorit notarijuška mužu svojemu, po otchodí Bogdana.

— “Dobra, mila pani; on sam lehkomyšlennyj, no ne podloho serdca čelovík,” — myslit Bogdan domoj iduči.



## LVIII.



O POLNOČI v subbotu, na "gvalt" zazvonili:

"Fara horit!" — Kričat so strachom po selí ljude. Na sčastje ne fara horíla, ale za farskimi stodolami jedna kopa staroj solomy, ktoru lem na stelínja upotrebljali. Soloma s perešlych rokov. Jesli by byli zavčasu ne obačili ohen', a choť i jak malyj vítor byl poduval, to cíla parochija byla shoríla.

Pri ohnju pervyj byl notarijušov pisar', s požarnu trubu — so sikalku; no po obyčaju našich sel, cílkom sopsuta, isporčenna byla. Škoda bylo ju tjahati i mučitisja s neju. Pajpy sbutníty, šruby chibili, a vse zaržavenno. Pisar' kričit, roskazuje, voločit vodu s kanvjami, hasit ohen' najusilovnijše.

Ljude besídujut, že podpalenno, a on lem usmíchnulsja:

— "Majte sposob! Kto že by choťil vašoho pana vypaliti? A pro što? Soloma stara, sbutníta, rosparilasja i jalasja sama ot sebe. Vaš pan i tak assekurovannyj, takim sposobom lem šalennyj choťil by nad nim mstitisja. A, ktože by mal k tomu dajaku pričinu iz vas?"

Prišli i žandary, a načali inkviziciju. Susída pes, pered polnočoju barz užeral, no pozdníjše zatich; rano našli jeho v sadí sdochnutoho. Tak vyzeralo,

že abo dakto srazil, abo otrul. Inakšij slíd ne naši.

Otec Bogdan, udostovírennyj byl, že tu ktos' mstitsja nad nem. Janko to samo myslil, a takoj i podozríval, že kto by to moh byti, ale ne otvažilsja vypovísti, lem stol'ko hovoril panu:

— "A ja pravi teper' mušu ich ochabiti!"

S nedílí na ponedílok rano, oboich dvornych psov Bogdana naši otrutnymi, takim samym sposobom, jak i susídovoho.

— "Tu treba merkovati!" — Myslit sobí Janko i vyšol k Bogdanovi:

— "Pane prevelebnyj, ja mam otloženno paru sto korun, ja sja vykuplju ot vojska. Bo, tu ne dobrí sja vodit!"

— "Ne vozmožno. Janku! Jak tebe raz povolali k vojsku, ty musíš' idti, i ne vykupiš' sja nijakimi hrošami. A choť by jes' i ostal? Jesli Boh dopustit nesčest'je, my musime prijati."

— "To ne Boh dopustit, ale podla, hríšna ruka. Protiv toho treba sja boroniti. Onda Vasčišin, Jurko Širokij, a i druhi po okolicí vykupilisja. Pro što by ja ne moh?"

— "Jak, vykupilisja?"

— "Ja ne znam, mi lem Jurko, barz v tajní, hvaril, že zaplatil našomu pisarovi pjať sto korun, jaki pravi što prišli ot jeho brata s Ameriki, na budovan'je i dostal obšit. Každij mat pis'mo ot vojska."

— "Ne vozmožno, Janku! Ale jesli pravda, to ja sam zaplaču za tebe, skol'ko potrebno. Idu do notarijuša a ked pravda, to takoj zavtra pojdemo do místa."

Bogdan prijde do notarja. Janči-bači vstane ot bjurka i s velikim zamíšateľstvom ponukne Bogdana s kreslom, a bez slova peredaš' jemu činovstvenne piš'mo vicišpana. Bogdan prečital prikaz, dlja ktoroho vozzyvajesja notarij, pod otvičateľnostju, prihotovlenny deržati vsí akta, i vsích svidítelej, dlja dokazanja žaloby, ktoru on notarij, do ministeriji zadal byl, protiv Bogdana, jak izmínnika-zradnika otečestva. Bogdan perečital i zadivlenno smotrit na notarja.

Saryj, sleza za slezaju teče licami, dvihne ruku na prisjahu:

— "Prisjaham na živoho Boha, i na vse, što mi mile na svítí, že ja pane Bogdan, protiv Vas nikoli, ni slovom, ni piš'menno nijaku žalobuskarhu ne zadal, a ni pered tím, a tím men'se teper', pro nijaku pričinu!"

Bogdan vstal iz kresla, podal jemu ruku:

— "Ne klenitesja, prošu ja víruju vam! Vy ne sposobnyj na take bezčestije."

A tak rospovíl notarju, što slyšal ot Janka:

— "Pane notar' izslídujte, poka čas, jakim to sposobom, moh vaš pisar', jesli to pravda tí oklamstva perevesti? . . . . Ne bylo by dobrí, žeby vy so mnoju zavtra potrudilisja do vicišpana, a tam prinesli lično, oba díla do porjadku?"

— "Dobří, včas rano pojdemel!"

I poprosčalisja. Otec Andrej vertajučisja domoj, vstrítisja s vojennu patrolju; jeden pod-oficir s dvumja honvedami, išol dolov selom. Bogdan ne uvažal na to, ibo razmysljal, nad pročitannym piš'mom vicišpana. Jak to mohlo statisja?

On dobrí znal, že panaškove, urjadniki, ne ljubjat jeho, ibo ich ne hostit, ne prinimajet v svoj dom; znal, što jeho sosídy svjasčenniki, ne radi vidjat jeho iz zavisti, pro jeho bohatstvo, i že s nimi ne kamaratitsja. No lično nikomu, nikohda ne poškodil, zloho ne zrobit! Pevno, lem jakas' zmylka-ošibka S tím potíšalsja. No, nespokojstviye, lem ne chotílo jeho ostaviti.

Vstupil v svoj dvor, i s udivlenijem vidit tam, okolo dvanadcať voinov. Pered neho stupit jeden lajtnant, salutiruje i prositsja:

— “K otcu Andreju Bogdan imíju sčast'je?”

— “Tak! S čím možu poslužiti, kamaratu mojeho syna, kotoryj jak okončennyj bohoslov dobrovol'no vstupil v armiju, a teper uže lajtnantom imenovan, otpravljen ostal na front.”

— “Vaš syn, otče?”

— “Tak, prošlaho tyždňa polučil pis'mo, čto na front otchodit. Zaprošaju vas serdečno v dom moj, na što mja i moj syn prosit, žeby s jeho kamaratami zaobchodilsja hosteprijemno, jak s vlastnymi synami.”

— “Ne vozmožno!” — Hovorit lajtnant cílkom skonfundovannyj. — “Prošu, pozvol'te nam vojtí v vaše pomeškanje, ibo narod schoditsja!”

Vstupjat v izbu, a lajtnant hovorit:

— “Otče vsečestnijšij, nikohda mní ne prišlo tak tjažko, prikro ispolniti svoju službu, jak teper, koli znaju, že vy imíjete syna v ohnju za tot kraj. Ja vojak, dolžen bez slova povinovatisja! Otče, žal' mi, na moju čest', žal'!”

Bogdan, malo zadrožal, znal teper', što slí-

dujet, ožidajet jeho. Lajtnant vynjal pis'mennyj prikaz i pokazal otcu Andreju:

— “Dlja seho povelínija, Otca Andreja Bogdan, gr. kaft. svjasčennika, beru pod stražu i jeho dolžen pered vojennyj sud peredstaviti. Storož!”

Četyre vojaki vzjali meždu sebe Bogdana.

— “Pro jaku vinu?” — Prositsja smílo, otec Bogdan.

— “Pro zradu otečestva!”

Pravi vstupil staryj notarij so stražeju, s ktoru Bogdan vstrítillsja na selí. Trjassja v cílom tílí, a meždu slezami hovoril otcu Andreju:

— “Povtoritel'no klenusja Bohom, že ja vas ne obžaloval. Takoj i ja idu v místo ko nadžupanu i episkopu vašemu. Tu ktos' strašennyj zločin sroбил.”

— “Pan notar', dlja prikazu vojennoho suda, vy dolžny s policiju moju ostro obyskati, perehljadati dom obžalovannoho. Moj personal končit dílo pri vašej pritomnosti. Vpered!” — kommandirujet lajtnant.

— “Pane lajtnant, jesli vašej službí ne protivitsja,” — prosit spokojno Bogdan, — “bud'te laskavyj pozvolit mi paru slov napisati do mojeho rodnoho brata. U neho teper moja don'ka nachoditsja. Naj by, poka vozmožno, zaderžal pered neju v tajní moje plínenije, a choť lem potíšil moju bídnu dítinu.”

Oficer malo rozmysljal. Vartu pustil na dvor, a hovoril:

— “Otče, protivu svojej dolžnosti dílaju, i jesli by kto zradil mene, to ostro pokutovannyj budu.





Janko schopit kamen', brosit za nim. ---- Str. 52.



No, otcu jedného oficera, odkazati ne môžu, ibo teper uže i sam udostovíren, što vy žertvoju msti stalisja. Inače bo ne vozmožno, aby vy byli, byvše zradnikom, synu vašemu, okončennomu bohoslovu, pozvolili vstupiti v armiju, na oboronu otečstva!”

Sam prines paper, tintu i pero a položil na stol, pered Bogdana, kotoryj napisal odno pis'mo don'ki, i v korotkosti povídomljaje ju: že zdorov, v porjadku vse, naj ostanesja i na ďalše, jeho dobra, ljubima don'ka, naj molitsja za otca, ktoromou tak skučno bez nej.

Bratu že v korotkosti opisal svoje plínenije, i prosit jeho, aby ostorožno prihotovil Bertu na nesčastje; naj potíšuje ju, i naj bude jej otcom. — Tak otdal pis'ma oficeru, dlja pročítanja, daby znal, što vse lem privatno, i dlja potíšenija jeho don'ki napisal. Dalše, prosil pozvolenije, žeby svoi hospodarski koni moh dati zaprjači, ibo jak staršij čelovík, pichotoju ne v sostojanii okončiti tak dolhu dorohu. Na što lajtnant sejčas sohla-silsja.

Pod tím časom, dva žbiry-detektivy vojenny, perehljanuli cílyj dom, každyj kutik, poprevertali posteli, obrazy, mebli, klopkali po stínach, za tajnymi othorodkami. No, nihde nič ne našli, lem pis'ma s bjurku činovstvenny, i privatny listy dítej Bogdana, poskladali porjadkom ot pervoho, do poslídnyjaho, i dva pis'ma iz . . . . Rossii! Pravda, že davny, ot jedného prijatelja, poselivšahosja tam, pered mnoho lítami. Činovstvenny pis'ma, matriki otdali notarju i rycharju, čtoby ich pere-

poručili okrestnomu dekanu, a privatny složili v jednu skrinku, a zapečatali ju.

Uže večerilosja, jak sjali na povozku. Lajtnant, pri otcu Bogdanu, a pri kočišu notarij.

Jak ljude doznalisja, že ich svjasčennika, za zradu vlasti, vojaci arrestovali, ne mohli ponjati, jak to možut učenny panove, take duračestvo uvíriti, a nevinnoho, staroho čelovíka tak oskorbiti? Pojedny otvažníjši ženy načali kričati, naj berut chlopy: kosy, sokíry, vily, a ženy što im v ruki popade, i naj vybjut vojakov iz sela.

— “Majte rozum, pro Boha! Tích vybjete, a zavtra storaz bolše ich zašljut! Naj stane sja volja Boža. Pravda vyjde ne verch!” — Uspokojajet narod rychtar’.

Otec Bogdan poprosil rchtarja, kotoryj pri povozkí žalostno plakal, aby merkoval, chranil gazdovstvo, i pomahal Eví porjadok zaderžati.

— “Evo, merkuj že jak možeš’. Jesli ty vírno služila v dnjach sčast’ja, to i teper v čas zalja i nuždy, ne ochab mene i moju Bertusju. Bud’ že zdrav rychtarju, bud’te mi zdorovy vsí!”

Podal každomu ruku, plakali horen’ko i cílovali otca Bogdana ruki, odív; odna mati dvihla svoje ditja k otcu Andreju.

— “Naj mi ’ho požehnajut!”

Sami vojacy, čisty madjare, ne rozumíli besídu naroda, no vidíli ich otčajannuju žal’, uterali sobí oči, a klenuli zlodíja, bitanga, kotoryj sije hor’ke nesčast’je narobil, zapričinil.

Janko pohanjal koni. To jeho poslídnja služba

byla u otca Andreja; o paru dni i on musil narukovati k vojsku.

Uže zaťmilosja, no jak voz išol, mežu vojakami, čerez selo, narod po dorozí na holos naríkal, jojčal, pomežu voinov prebivalisja, ko vozu, poprosčatisja so svojim nesčastlivym dušpastyrem, ženy na kolínach kljačali, prosili blahoslovenije jeho, níkotory molilisja na holos, druhi strašennymi proklonami prizyvali ruku Božu na toho, kto vsemu vinovatyj.

Bogdan s žalja ne moh ni slova prehovoriti k vírníkam, v cílom tílí drožal, pod duševnym stradanijem. Lajtnant stis ruku otca Andreja:

— “Otče, mužajtesja! Vy dolžen sil’nyj byti. I Christa voiny provadili na osuždenije, a odnakože Christos ostalsja. Vy išči ne osužden, v korotkosti vyjavitsja vaša nevinnoš’ . . . Na taku ljubov’ u prostoho naroda, nikohda ne byl spodívalsja. To vas može uspokoiiti; bud’te na to hordyj! . . . Teper’ imíju ponjatije, jak mohli prosčatisja vírníki, ot svoich mučennikov, iduščich na smert’!”

Staryj notarij sidíl pri Jankovi, i plakal, jak dítina:

— “Janku, muj synu, nigda som take čudo ne vidzel. A teho človeka vojaci provadza na sud!”

Smutna doroha byla to, pro otca Andreja. Staryj notar’ zavsehda povtorjal i klenulsja, že on ne vinnyj! Rospovídál lajtnantu, o pis’mi vičišpana. Až i o osvoboždennych pisarem voinov iz služby.

— “Ne imíli vy dajakoho neprijatelja mežu židami?”

Prositsja lajtnant ot Bogdana.

— “Ibo, jak ja znaju, kromí vas isči dvuch druhich svjasčennikov arestovanno, jednoho židy obvinili, druhoho že sami jeho vírniki i učitel’.”

Ne znaju, prizabyl ich imena, no slyšal, što uže process ich okončen, i na svobodu suť puščenny, jak sovsím nevinny. My voiny, s hnušenijem osuždajem tí lukavy donošenija, i divujemsja, što ministerija dopustit, žeby podly ljudiny, svoju ličnu mešť pod plasčem patriotizma, na nevinnych ljudej, potajemno ispolniti mohli, i ich sruinovali material’no i duševno. To užaš! My vidime krivdy, nespravedlivost’, no my voiny slípo musime povinovatisja prikazu predstavlennych!”

Lajtnant utich i zubami zaskrežetal, iz nehodovan’ja i han’by, že svojego kamarata otca, jak dajakoho razbojnika, pod bagnetami, provaditi musit. Notarju priobísčal, že sejčas složit raport v dílí osvoboždenija voinov ot služby, ibo podlja jeho mninija, to porjadnym sposobom ne bylo vozmožno.

— “Vaši slova potíšajut mene, dal by Boh, čtoby ja moh vam dakoli otvdjačitisja, a choť vam v moim domí, podjakovati!”

— “Jedno vas prošu, otče. Ne piš’te synu vašemu. Ja možu sobí predstaviti, što by on čuvstvoval, jak by doznalsja, že poka on prolivajet za otečestvo krov’ svoju i žit’je svoje žertvuje, toto otečestvo, sud deržit nad jeho nevinnym otcem, jak izmínnikom! To strach pomysliti; otčajan’je i ohorčen’je mohlo by jeho, na dajaku bezrazsudnost’ svesti!”

— “Djakuju vam pane lajtnant, i ja sam tak myslju.”

Notarijuš, už može sorok raz upevnjal Bogdana i oficera, že on ne vinovatyj, on ne podvožal, ne donošal na Bogdana. Pis'mo vicišpana, do otčajanija hryzlo jeho.

A ni isči ne svítalo, koli prijíchali v místo, premerznuty, smučenny. Notarijuš poprosčalsja s oficerom i Bogdanom, ktoroho meždu slezami prosil, naj ne deržit jeho za donosčika, ibo on choť lehkomyslennyj, bídnyj, odnakože na taku skvernosť, za nijaki hroši na svítí ne byl by sposobnyj. Pocílovalisja, jak dobry prijateli. Jeden na druhim pomerkoval:

— “Jak ty sostaríl pod korotkim časom jednoj noči!”

Bogdan tak vyzeral, jak byl s tjažkoj choroby vstal: smalíl, sbidníl, osívil sovsím, oči zapali, a tvar' srjašita, lica sčerníty; no odnakož s naprjaženijem vsích sil, prosto, hordo, stojal. Staryj notar', jak byli jeho iz hroba vynjali; ledvo moh na nohach zaderžatisja.

Bogdana otvezli voiny, na želíznici, do Košic. Oficer otdal jeho profosu (storožu temnicy) — poprosčalsja s nim a tichon'ko hovorit jemu:

— “Po vašem slučají, bolše tu ne vyderžu. Jesče dnes' meľdujusja na front; hde pousilujusja vstrítitisja s vašim synom, i prihotovlju jeho družeski, na vaše nesčastje. Prošu, otče, ne bud'te optimista lehkovírnyj, vašá sprava tjažka, a ovtlečesja dalše, jak by vy želali i myslili. Pro to, bud'te mužeskaho ducha! Jesli ot samych voinov

zavísit, vy na skoro by vysvobodili sja. Množestvo narodnych voždej, čechskich, halicko-russkich, i druhich, stonajut v plínju a meždu nimi svjasčenniki ne v malom čislí. Pravitel'stvo chočet postaviti otstrašajuči primíry kazni. Vyderžit', otče, a prosčajte!'

Profos zatvoril dveri temnicy, za otcom Bogdan. Porozzeralsja: jeden malen'kij stol, kreslo, i tverda, uska postel', to vse! Umučennyj prikljanul k stolu, sklonil sídu holovu, na ruki, zaplakal. Pozríl, malym vysokim oknom, čerez mreži želízny k nebu:

— "Christe moj dorohij! Pravda-li to, ci lem tjaželyj son? Ty vidiš' dušu moju, že ja nevinen. Što nibud' ožidajet mene, podaj mi silu, mužeski snošati. A zasčadi, pomiluj moi díti, zachran' ich v sej čas velikaho horja. Christe moj, v Tvoi milostivy ruki skladaju žit'je, dušu i česť moju!" — Perekrestilsja.

Vstal odítýj, lehnul na tverdu postel', jak nazývajut, na prič, a do bezsiľnosti utomlennyj staryj čelovík, usnul sejčas, tverdym, bezčuvstvennym snom.

\* \* \*

Staryj notar' tak, jak z povozki sošol, perevleksja na stoličnyj dom. Cíle místo isči spalo. Stoličnyj hajduk, na storoží, pustil jeho v korridor, a až ustrašilsja jeho:

— "Što s vami, pane notar'?" — Prositsja jeho.

— "Vzбуд'te sejčas pana kastelana\*)!"

---

\*) Kastelan: nadzírateľ, načal'nik kríposti. Tak nazývajetsja i smotríteľ stoličnaho doma (steward of a castle, castellan).



— “Ne vozmožno, išči spjat!”

— “Tohda ja sam vzbužu jeho!”

I pošol k dverjam kastelana, zahremal, neterpelivo, raz-dvaraz, a potom s cílu silu načal s palicu biti v dveri i takoj zvonil električnym zvonkom. Sam kastelan rastvoril ranšomu hostju dveri tak, jak s posteli skočil. Kastelan staryj čelovík, rovesnik notar'ja, k tomu išči i šurin, brat ženy jeho, jak nazyvajut: švoger.

— “Što za strašna novina Janči? Jak ty vyzeraješ? Može utíkaješ pered moskaljami . . . pobili našich?”

— “Nít! Išči bolše! Sejčas obleč'sja, i pod' somnoju do vicišpana.”

— “Ty, švogre, oduril? Vicišpan, hdes na hranicí. Dnes', okolo obída, ožidajem jeho.”

Na holosnyj rozhovor, ba krik, poznavše holos brata svojego, kotoryj rovnovahu svoju ne zvyk tak lahko utratiti, jak lehkomyšlenny ljude vobšče, vse lahko bral, pribíhla i sestra jeho, lem v kimoní.

— “Janči, pro milost' Božu, što za novina?”

A ni ne pozril na nju, a ni ne privitalsja s neju, no zavzjato naperat:

— “O, to musít byti! Pod' somnoju do kancelarii vicišpana!” — Chripjačím holosom kričit, a s palicu triskat o podlohu.

— “Janči, uspokojsja! Hodina hev-tam. Teper' pjat' minulo, vyp'ješ dašto, otopčineš', o devjatej sekretar' vicišpana, otvorit kancellariju, i spokojno otkončime dílol!”

— “Chočete, že by ja rozum utratil, abo sobí

konec zrobil? Nít? Ta sejčas zasyľaj po sekretarja; a choť s pod zemli, musít sejčas tu bytí!”

— “O što že roschoditsja?” — Vyprošajetsja jeho sestra.

— “Pro ljubov’ Boha, ne mučit’ mene, bo oduríju. Zasyľaj za nim, tohda uvidíte o što roschoditsja! . . . . O moju česť, o česť stoličného urjada!” — kričit notarij a slezy polijutsja iz očej. To už rušilo i kastelana.

Kastelan zašle jednoho hajduka, s prikazom, že bez sekretarja, naj a ni ne prichodit nazad.

Notar’ malo uspokoilsja, upal v jedno kreslo:

— “Pomilujte, dajte mi choť pohar vody!”

Sestra prinesla jemu cognac. Vypil jeden poharik, a po druhom, jak by ožil, ohrílsja byl. Načal im rospovídati spravu Bogdana i pokazal pis’mo vicišpana.

Prišol sekretar’ pošli v kancelariju; sekretar’ pohľadal žalobu, ktoru dlja ostroho izslídovania, ministrija zaslala k stolicí, notarijuš žadostno vzjal v ruki žalobu protiv Bogdana, paper zašumil v jeho trjasučichsja rukach, i so smuščennymi očami hovorit:

— “Pis’mo moje, . . . Ne ja pisal . . . Naj mi Boh budet tak milostivyj!”

Pis’mo vypalo s jeho ruk, a on sam, jak dolhij byl, provalilsja na zemlju. Zloj chorosti podobnyj napad polučil: usta spenilisja, a korči jali cíle tílo. Strach bylo smotrítí na neho. Vzjali v pomeškann’je kastelana, položili na postel’ i prizvali líkarja, kotoryj obsmotríl jeho dokladno i vyskazal:

— “Velike naprjaženije nervov! Cílkovyj pokoj, i span’je.”

Prepisal medecinu, zdílal uspokojuču injekciju — vpryskivan’je. Notar’ pospal do devjatoj. Nakadi sorvalsja, sejčas doprošalsja za podžupanom. Jesče ne prišol; a ni ne znali, jak skoro prijde. Teper uže spokojníjšij . Pokormil i snova spal, no vpered nakazal, žeby jeho sejčas zbudili, jak podžupan navernesja.

Pered poludnem vozvernulsja vicišpan. Rospovíli jemu vse, a on sam prišol ko postelí choroho, kotoryj uže neterpelivo ožidal na neho, i silom— gvaltom choťil vstati, oblečisja, a pojtí do kancelarii.

— “Ta s toboju, Janči-bači, što? Maj rozum, što raz stalosja, to uže voznavernuti ne može nikto.”

— “Pane vel’komožnyj, vicišpan, víruj mi, pro Boha, že siju žalobu ja ne pisal, ni o nej nič ne znal!”

— “Pis’mo tvoje, pečat’, tvoja, .. jak že to vozmožno?”

— “To falsifikacija-poddílka!... Prošu tja, pane vel’komožnyj; skaži mi, v čím obvinjajut Bogdana?”

A tak vicišpan, punkt za punktom čital: — otkoli vojna, Bogdan v cerkvi za carja rossijskaho molitsja; svidíteli: cílyj narod, a po imeni sam notar’, ryhtar’, kantor i isči nískol’ko druhich.

— “Ta vot ja, jak luteran, v jeho cerkvi nikohda ne byl!” — Divitsja notar’. — “Nikoli ne slyšal

ot nikoho, što jak i za koho molitsja russkij pop! Dalše?”

— “S Rossii pis'ma polučal . . . .”

— “Nihda ja o tom ne znal! . . . .”

— “Protiv verchnosti buntuje. Nižepodpisanoho notarja prenaslídjuje, v jeho činovstvennych akcijach, potupljajet i vysmívajet.”

— “To, ne pravda! Lem pekel'nyj zlobnik moh take napisati.”

— “Madjarsku besídu potupljajet, . . . učitelju zakazal v školí po madjarski učiti. Kto osmílitsja jeho po madjarski osloviti, vyžene s fary.”

— “Ne pravda, ja o tom nikohda ne čul, . . . to pravda, že Bogdan podlyj vyhovor i ošibočnyj akcent imíjet, pro to, jesli lem ne musit, po madjarski ne hovorit, no pisati prevoschodno znajet.”

— “Madjarskij narod nenavidit, vysmívajet, i publično tatarami prozyvajet.”

— “Nikoli o tom ne slyšal.”

— “S nenavisti protiv krainy i madjarskoho jazyka: matriki po latinski provadit, so svoimi díťmi lem po russki korrespondujet i besidujet; madjarski gazety ne čitat, lem halicki rusofilski i nímecki, pered tím prenumeroval i na rossijski časopisy. S halickimi rusofilami korrespondujet, i pr.”

— “Ja o tom nič ne znaju, ibo ja s nim ne scho-dilsja, ne družilsja. — No, to pod prisjahu možu svidítel'stvovati, že Bogdan, čestnyj, karakternyj čelovík, revnyj svjasčennik, dobryj otec, a vírnyj syn otečestva svojeho. Lem bylo vidíti, jak žalostno otberalsja ot neho narod!”

Na poslídok na tom ustanovilisja, že vicišpan telegrafično povídomil ministeriju, što žaloba, protiv svjasčennika Bogdana, poddílanna i bezosnovna, ne inoje, jak lična mešť, jakohos' ne izslídovannoho do teper' čelovíka, ibo pod žaloboju podpisannyj notarij, pod prisjahoju tverdit, že tak jeho pis'mo, jak pečat' i imja pofalšovanne. Pro to, stoličnýj urjad prosit ,daby čelovíka nevinno plínennaho čerez vojennyj sud, ministerial'nym prikazom, na svobodu pustili, tím bol'se, že svojemu synu, okončennomu bohoslovu, dobrovol'no pozvolil vstupati v armiju, a teper', jak oficer, na frontí prolivajet krov' svoju za otečestvo. Podžupan prosit obratno odpovíd', dlja dal'soho rasporyženija. A tak vicišpan, i notarij, pošli do episkopa, kotoryj uže doznalsja o poloní Bogdana, i priobísčal, že druhij den' lično pojdet do ministerii, i vysvobodit svojeho svjasčennika.

Na odpovíd' darmo ožidali, do samoho večera.



## LIX.



STEFAN sidit pri bjurku svojem, žena jeho okolo kuchni, pripravljala večerju. Berta pribíhne k stryku, jej milym sposobom, s zadi zakryje rukami jeho oči:

— “Stryku, jesli othadneš, kto—to, ta tja počíluju!”

A stryko othaduje žartovlivo:

— “Tan’ka,” (to jeho žena: Antonija.)

— “Nít! Ne othadal!”

— “Uíča!” (Markova don’ka.)

— “Aha! Ta, to tak, stryku? Povju tetí Tan’kí! Ne othadal.”

Otec Stefan othadoval, znakomych, na poslídok i panju Furmanku, i staru kantorku, a ne moh othadati. A Bertusja okolo kresla, jak horlička milen’kim holosom smíjesja, až i sama teta prišla s kuchni, i stala v dveri, radostno prizerajesja na dívočku, a smíjesja s nich serdečno.

— “Ty, stryku, ne othadal, proto tja ne počíluju, ale počíluju kohos’ druhoho!”

Pobíhla k tetí, počílovala jej ruku, lica i vzrílasja v jej oči:

— “Oj, teton’ko moja zolota, jesli by ja imíla taku mamočku, jak ty, taku milen’ku, dobren’ku, znaješ, što ja by robila?”

— “Što holubku?”

— “Ja by ju vsehda cílovala, a v jej oči vzeraslasja, jak do zerala i ljubila by ju strašenno . . . . Vidiš teton'ko, jak to s tími starymi panami?” — Sčekotajet, jak kristal'na voda skaloju. — “Stryko ne znajet otheadati, kto jeho oči zakryjet. A moj taton'ko?” — Serjозno produkuje svojego otca holos: — “Evo, smožže, hde podílsja tot vítrohon? . . . už to ja, teton'ko! A ja uže pri tatkovi, uvažusja jemu na šeju, a obcíluju lica, poka lem ne smíjetsja . . . . Lem že, teton'ko, znaješ, to ne tak prijatno, jak tebe, tvoi mjahki lica.” — a pocíluje ju na obí lica, — “mene taton'ko tak pokole, oj . . . . ty uže znaješ, koli stryko ne holennyj . . . . pravda? . . . Možu zabíhnuti v školu k Ul'čí?”

— “Id', dítino, id' . . . .”

Bertusja po kavalerski poklonitsja pered strykom, a to tak milo, tak smíšno . . . . i uže vybíhla na von. Otec Stefan prizritsja na svoju ženu . . . ona prijde k nemu, sjade na krylo kresla, pohlasakat muža, a on hovorit jej:

— “Tanečko moja! . . . jesli by my imíli takoho vítrohona? Oj, jak by bylo milo, veselo, svítlo na toj farí . . . .”

— “Boh ne dal, Stefane; on znajet najlípše, pro što . . . . uspokoiimsja. — Take dívča, jak horlička. Ja jeho poljubila, jak svoje rodnoje . . . .”

Klopakajut na dveri, i vojdet staryj Furman. Shorblenyj malo uže, no na svoj vík isči bystryj, sil'nyj mužčina. Tí niskol'ko mísjacy, otkoli Jurko pri vojsku, a teper' uže na frontí, poznatisja dajut na nem. Uže bol'se, jak dva mísjacy, ne polučil

izvístije ni ot Jurka, ni Ul'ča ot Javora. Privítstvujutsja.

— “Otče, prines jem vam poštu. Pis'mo pro vas ot brata vašeho. Prošu pročítajte.”

— “Priyatno mi brate Marku, že moj brat vas zainteresoval.” — Vzjal nož, i rozrízujet kopertu.

— “On, pravda, ne takij fajnyj kavaler, no čestna duša.”

Marko ostro pozerat na Otca Stefana. Sej prečítal pis'mo, a takoj jemu s ruk vypalo; i sblídnutyj jak stína, prizerajetsja na Marka.

— “Pro Boha, čto s vami?” — Ustrašenno prositsja pani Antonija, dvihne pis'mo, pročítajet, sjade na kanapu i rosplačesja.

— “A vy, Marku, znali uže o tom?”

— “Inače byl ja ne prišol sam s poštu. Žal' bylo mi jeho bídnu don'ku, — vy dolžny ju, otče, preduhotoviti na sej strašnyj udar. V novinach dnešnich stoit plínenije jeho. Što piše?”

— “Brat, s pozvolenijem lajtnanta arestujusčoho jeho, piše mi, čtoby zataiti pered Bertuju, doka lem vozmožno.”

— “Ne dobrí, otče. Jak by neožidanno ot čužoho doznalasja, o nesčast'ju jej otca, kotoroho tak iskrenno ljubít, mohla by o zdorov'je prijti. Ju potrebno by sanovlivo preduhotoviti.”

— “Tjažkij to vopros! Ja sam ne znaju politično, ostorožno zajti, a ni pretvorjatisja; a moja Tan'ka, jakoho mjahkoho serdca, i čuvstviteľna, na koli ju uzrit, sejčas rosplačetsja . . . a isči bol'se licha, žalju narobime.”

— “Prošu, otče, tut odna lítušnja huba, t. j.



jadovita gazetka, pod nazvanijem "Verchovina," jaku jeden iz tích ultra-patriotov hroševych, začal teper' vydavati, čísľači na lehkovírije čitatelej i nervoznosť, — prošu pročitajte ju, — to desjate číslo toj gazetki. — S plačom ne spomožemel!"

S veličeznymi bukvami, meždu znakami vosklicatel'nymi, načínajetsja staťja, so zahlavieiii! Izmínnik svojeho madjarskoho otečestva!!!

Madjare, patrioty!!! Do koli poterpíte isči, na tílí našoho, krov'ju obljatoho otečestva, tí mertvonosny, zarazlivy čirjaki, jaki lem iz hlubiny pekeln'noj možut proizojtii?? Do koli poterpíme hrích meždu soboju, hrích, jakij ne dopolnjajut čelovíkoubijcy, s jakimi ne mož' spravnjati, ni same otceubijstvo, tím ne možno spravniťi ni same chulenije Boha!! Hrích, kotoryj strašno pomysliti, a hrozno vyskazati bez toho, žeby serdca patriotičny ne zaljalisja slezami, ot žalju, ot bolesti!! Hrích, kotoryj užasníjšij, jak cholera, jak čumapestis! Hrích izmíny našeho tysjači lítneho otečestva!!! Razbojnici oblekli na sebe čuhi popovski, a pod plaščom víry, zaprodavajut naš svjatyj kraj, za kotoryj predki naši slavny, potokami prolivali krov' svoju!! Zaprodavajut, jak Juda Christa, za moskovski rubli!! Pod očami našeho pravitel'stva, smílo končat svoju galgansku pracu, ubivajut mater' svoju, a to v takij čas, koli varvarski hordy obkľučili ju, s každoj storony, i ubiti čotjat ju na smert', — ubiti jej díti, a naši mamy, ženy, sestry obezčestiti . . . !!!!! . . . Ruka spravedlivosti i hníva Božoho, otkryla snova jednoho zaprodavca otečestva. Jak nam donosjat, jeden pop russkij, po

imeni Andrej Bogdan, na prikaz vojennoho suda, vojenskim patrolom uvjaznen byl, i otprovažen pod bagnetami, v tjurmu. Jesli ne straža vojenna, to sami jeho rozhorčenny vírniki byli s nim okončili, i na pervu verbu obísili zradnika, a tak meždu strašnymi proklonami vyprovažali jeho iz sela, opljuvali, okidali bolotom, čto vojennym bagnetam ledva udalosja jeho ot msti naroda zachraniti!!!! Pri revizii jeho pomšekan'ju našli množestvo pisem iz Rossii, takže i rossijski hroši, s čím jeho zrada, i izmína zasviditel'stvovanna, nad solncem jasníjše!!

!!Patrioty!! Ne prizeraťesja ravnodušno, na izmínničesku rabotu tích banditov, na pohibel' našeho otečestva, ne ožidajte, poka naši neradivy sudii vyrečut svoj sud! No vytjahnijte tích zradnikov, po primíru svobodnych Amerikancev, iz tjurem, a ubijte ich, jak sbesnilych psov!! . . . . Ne smotťe, že to vysvjasčenny osoby, že oni vaši poznaty, prijateli, a choť by i rodny bratja vaši byli, vytjahnijte ich na pervoje derevo! Rostoptajte holovu toho jadovitoho pekelného červaka! . . .

Skarhu protiv toho rozbišaka v reverendí, vsím nam izvístnyj patriota i v cíloj stolici obljublennyj "Janči-bači," staren'kij jeho notarij zaslal do ministerii. Ne moh daľše sterpíti jeho prokljatu robotu."

A tak izčislit vsí žaloby, v punktach, kotory vo vyše vospomjanutom donošenii nachodjatsja.

Na poslídok obernesja na episkopa, že ne starajetsja o patriotičeskoje vospitanije svojego svja-

sčerstva, i vručaje v jeho vnimanije, izmíničesku pracu jeho pročich ruskich svjasčennikov . . .

— “Užas!” — hovorit otec Stefan. — “Jak to vozmožno pri cenzurí teperišnoj? Ne možu ponjati!”

— “Lehko, otče! Cenzor myslit, že s pojavlenijem toj statí, patriotičeskoje dílo soveršit. Inače ne mož porazumíti . . . Ja myslju, že poka sija statja ne pojavilasja, vašemu bratu byli my lehko spomohli, i očistili jeho s pod nesmyslennych nakidov. Statju vírojatno perenjali i veliki dnevny gazety, a tak teper pro publičnyj škandal, ministerija musit ostro izslídovati žalobu toho “Jančibačija. — Ja bojusja, process zatjahnetsja dolho.”

— “Užas! A jeho syn bjesja za toto otečestvo!”

— “Znajete, otče? Najlípše bude; ja vypravju moju Martusju zavtra rano do vas po Bertusju, u mene ostane na cílyj den’. Tak Ul’ča uže najde spsob ju preduhotoviti na nesčastje. Znajete, ona politikarka velika, ja to sam skusil, pri slučaju jej zaručenija, s Javorom.” — Smíjalsja staryj Marko.

— “Dobří, serdečno djakuju! Poprosit’ Ul’ču, i v našem imeni.”

— “Lem otče i pani, prošu, ostorožno! Ne zrad’tesja!”

Pociloval panju v ruku, a išol domoj. A, na dvorí uže vstríčajesja s dívčatami, jak veselo smíjučisja išli iz školy. Berta pribíhla k Markovi, vzjala jeho po pod ruki:

— “Baťku Marku, vy byli u stryka, a ja ne znala. Vernitesja išči na minutku. Stol’ko imíjem kavalera, v cílom selí; a vy o mene ne dbate nič.”

A smíjesja ľstivo, solodko na toho vysokoho, prostoho chlopa. I Marko smíjesja:

— “Ditja dorohé, vírujte . . . .”

— “Ja užé teper' serjozno hnívajusja na vas. Skoľko raz prosila vas, žeby vy mi ne dvoili, a vy ne ľjubite mene . . . .”

— “Bertusjo, dobrí, užé na buduće budu tobí tykati, a pro to zavtra musíš' prijti do nas, na cílyj den'. Dobrí?”

— “Oj, a jak!” — Podskakuje po pri nem. — “Jesli by ja vysša byla, ta za to by ja vas pocílovala.” — Smíjetsja na neho. Ul'ča s radost'ju prizerajetsja na svojeho staroho otca. Prostyj mužčina, a postoit za sebe i meždu panami!

— “A ja vdjačno zohnusja, choť i dvaraz pocíluješ'! Lem musime oboje prositi Ul'ču, žeby dajak doma, pered moju staru, ne vyvolala na nas. Hej, a ja pisemko prines pro tebe, zhadaj ot koho?”

— “Ot tatka! Oj, prebačajte, že utíkaju.” — Skočit k Ul'či, obojme, pocíluje. — “Vam, baťku Marku, užé otdala ja vašu kompetenciju, teper' už lem prijmite moj hlubočajšij poklon.” — Uklonilasja i vbíhla do fary.

— “Što za mila, krasiva dítina. Hde javitsja, až svítlíjše stavajet.”

Ul'ča vzjala otca po pod ruki i pomalu pustilisja k domu.

— “A jesli by vy, apočku, vidíli, jak ju dítí škoľny poljubili!? Jak vojde v školú, užé vsí smíjutsja na nju, a každe by choťilo, žeby k nemu sjala i učila jeho. Nevozmožno ju ne poljubiti.”

— “Vidiš holubku moj, a išči i toto dobre ditja musit terpíti. Boh znajet, jaka sud’ba ožidajet ju?”

— “Štože take s neju, apočku? Ne strašit mene.” — Stala Ul’ča i divitsja na otca svojeho.

— “Jak vidiš teper’ idu ot jej stryka. Ne darmo ja išol na faru. Merkuj dobrí, što ti hovorju. Otca jej, vojennyj sud, za žalobu ich notarija, dal arrestovati; teper’ sidit v temnicí, v Košicach, za izmínu otečestva!”

— “Nevozmožno, apočku!”

— “Rozumiješ ty, ditja moje, što označajet to? Jeho žitje lem na volosku vísit. Jesli najmen’še dokažut na neho, lem jedno nerozvažno izrečenne slovo, to propal. Teper’ vojna, veliki ceremonii nihde ne robjat. Jakijs’ čestnyj lajtnant byl vyslan, dlja jeho plínenija. A sej pozvolil jemu pis’mo napisati tut do brata, do našeho otca Stefana. Bratu opisal što stalosja, a prosit jeho, zataiti plínenije jeho pered Bertusju, poka lem vozmožno. A, jesli ne bude vozmožno, naj choť potíšat bídne ditja, jak znajut. Priključil i paru rjadki pro don’ku, lem stol’ko, što zdorov i doma vse v porjadku. Polon otca Andreja zataiti na dolšij čas, nedastsja. Sluch zajat’ja jednoho ruskoho svjasčennika, jak vítor roznesesja meždu našim narodom. Stihla by nečajanna doznatisja ot dakoho? Pro to, poradilisja my, s otcom Stefanom i s jeho ženu, što na zavtra pozvu Bertu do nas, na cílyj den’, a ty moj holubku mudryj, najdeš dajakij sposob, že ju preduhotoviš’ na sej udar. Rozumiješ? Ne mala zadača.”

— “Poučeníje ne davam ti, ibo i sam ne znaju, jak by najlípše bylo, — no, tvoje ljubimoje serdce, potrafit holos i sposob. Mamkí i Martí ne hovor ni slova; oni by zradilisja sejčas. Tu imíješ’ novinku, pročítaj sobí sama. Ja postarajusja na zavtra, žeby k nej nijaka gazeta, nijakij sluch o tom, ne došol. Rozumíješ?”

Ul’ča pritisla ruku otca k sobí; slezy lem tak kuljalisja licami. Žalovala bídne dívča, kotore iskrennym družestvom poljubila.

— “Poprobuju, apočku. Tjažka zadača, no do zavtra, s Božu pomoč’ju, preduhotovljusja na nju.





ERTA podskakujuči radostno vbíhla v izbu, k stryku Stefanu.

— “Pomyslíj sobí stryku, batko Marko zaprosil mene na zavtra, na cílyj den’ do sebe. Ne fajno to? . . . No, štože vy takij blídyj?”

— “Tan’ka pochvorilasja, byla zamlila i upala na zemlju, jesli ne obaču zavčasu . . .”

— “Oj bídna teton’ko, ja idu k nej.”

— “Ne chod’ Bertus’o. Ono tak často byvajet s neju; jej teper’ lem pokoj treba, a do zavtra sovsím polípšajetsja jej. Aha, a o pis’mí tvojego tatka, ja cílkom prizabyl. Pročitaj ditja moje, i zazrój k večerí.”

List otca pročítala, no jakos ne potíšil ju tak, jak sobí sama vpered predstavljala. Starostlivost’ o dobrou tetu, prekratila jej radost’.

— “Taton’ko moj, lem stol’ko piše, že zdorovj i vse v porjadku. A že Evka davat mene pozdravljati. Vidno, skučno tatkovi samomu . . . . Ja shotovlju tetkí čaj, ili dobrou, sil’nu supu.”

— “Nič, Bertus’; ona potrebujet cílkovityj pokoj, isči i to jej škodit, jesli ja, abo dívka vstupit v takij čas, v jej komnatu.”

Berta pošla v kuchnju, večerju hotovu našla, za-

kryla stol, no ni stryko, ni ona ne mohli nič jísti. A tak skoro pošli na otpočinok.

Druhij den', pani Antonija, choť so slídami bolízni, no zdorova javilasja, a . . . . ne zradilasja. Po Bertu prišla Martusja. Dví vesely, o ničem ne znajuči dívuški, rozveselili, na skol'ko to, pri takich obstojateľstvach vozmožno, tak stryka, jak i tetu, a potom pošli do Markovyč.

Poslí obída, Marko sjal do svojeho velikaho kresla podrimati malo, a Katuša takožde. Dívčata, škola tot den' ne byla, rozhovorivali to o jednom, to o druhom, na poslíd i o vojní, ibo na pianí, pro rodičej siestu, ihrati ne mohli.

— "I ty imiješ za koho pomolitisja Bertus'! Ul'ča ne lem za brata, no i za svojeho zaručennaho."

— "Strach sobí pomysliti, že oni pobity, ili kalíkami možut ostati!"

— "Pro što, Bertus', strach ? Ta vot, oni ne lem otečestvo, no i nas boronjat: svoi mamy, nevísty, ženy, sestry i díti! A kto v takoj velikoj bor'bí utratit, žertvuje svoje žit'je — sej ne ostane bez slída. Ja sobí tak prdestavljaju, že i to mučeničeska smert'! Krov' proljati, za Christa, za víru, krov' mučeničeska, svjata . . . . a za otečestvo, za narod, za semejstvo? Ja vsehda s oduševlenijem čitaju historiju svobody narodov . . . ."

— ". . . . Maly, slaby narody, vozdvihnutsja protivu utísnitelej, zavojevatelej, uhnetenny poddanny, protiv tyrannov, a žertvujut krov' svoju, žit'je svoje za svoj narod, za svobodu! Ne čudesnoli to? Ne musime my, slaby žensčiny, s radost'ju



i hordo mysliti na našich otcov, mužov, bratov, kotory za nas hotovy v ohon' pojtí, za našu ljubov' vystavljajut serdca svoi smertonosnomu oružiju?! Ne čudesno-li? Ci ty, Bertus', mohla by ljubiti, učtiti takoho muža, kotoryj by tebe ravnodušno otdal neprijatelju, lem žeby svoje mizernoje žitje spas, — utek by, ukrylsja by pered vrahom, kotoryj tja mučit, lem žeby moh žiti?! Rozumíješ', ty to?"

Berta lem s holovoju prikivovala.

— "Moj Stefan na vojní; žitje jeho vsehda vystavlenno nebezpečenstvu, može kalíkoju prijde nazad; a ja jeho rany cílovati budu, ibo ich za mene poterpíl, i piľnovati, obchoditi budu jeho, jak kalíku, i ljubiti, jak mojeho heroja. . . ."

— "Jeho otvažnu, vírnu dušu budu ljubiti. Može ne vernesja nazad, tam propade! Ja oplaču jeho, no pamjati jeho, postavlju oltar' v serdčí mojem, jak heroju svojemu. . . . A jesli by on byl trusom, robkim bojazlivcom, to ja by jeho ne mohla ljubiti. Ne tak-li Bertus'?"

— "Tak!" Šepčut obí dívuški i s udivlenijem sluchajut Ulču.

— "A tvoj otec, Bertus' ne voin, koli on idet k zarazlivo chvorym, ot kotorych ich sama rodina chranitsja, boitsja? Ne heroj-li on, ne vystavljajet-li on svoje žitje opasnosti, nebezpečenstvu? Lem žeby ich potíšiti v strašnoj, tjažkoj hodiní smerti! Jesli by tvoj otec bojalsja pojtí ko chvoromu, što by ty myslila, choť i jak ljubiš' jeho?!"

Dívčata zadivovanno prizerašutsja v tvar' hoovorjasčoj Ulči.

— “Oj, doroha Ul'čo, ja to vse čuvstvovala, lem ne mohla v slovach vyskazati,” — hovorit Berta.

Martušiči oči zablestili, ne hovorila nič, no horda byla na svoju mudru sestru.

— “Moj otec prostyj chlop, uže jak parobok, ukrašen byl za svoju smílost', otličeniem; ibo krov' svoju prolival za otečestvo, a kohda on pri otchodí Jurka k vojsku, prehovoril: — “lem by ja isči desjať roki molodšij byl, to i ja sejčas by sverbovalsja!” — Ja za sii slova, horda na mojeho otca staroho, a so udivleniem smotrju na neho, jak na heroja i ne perečerjala by jeha za nijakoho dostojnika, ibo on i teper' hotov byl by za nas žit'je svoje položit'.”

Martusja za tí slova počílovala jej ruku.

— “Čitala ty i slyšala Bertus', že níkotory mužčiny, iz ljubvi k svojemu narodu, v oboroní jeha svobody, soprotivilisja svojim knjazjam, pravitel'stvam? Za to utratili vse i žit'je svoje. Ja na nich, jak na herojev, dobrodítelej naroda prizerausja. A choť by, i nezakonnoju dorohoju byli pošli, ja ich cínju, jak dobrodítelej svojeho naroda. Ibo to ne tjažko v dobrobyt'ju širitisja, vychvaljatisja, v čas pokoja byti patriotom! Tot jest' čelovíkom, mužom, kto v nebezpečeství znajet postojati za svoich, kto žertvu znat prinesti, a choť by to i žit'je jeha bylo! To muž, to heroj!

— “Vy znajete, že my na Madjarsčiní najmen'sa, najslabša narodnosť. Vy čitali, ili slyšali, že dvuch našich svjasčennikov, pravitel'stvo, na donosy podlych ljudej, arrestovalo, za . . . . izmínu otečestva! To podla lož, ibo naš russkij narod i

naši svjasčenniki, pri svojej bídnosti, vírny byli vsehda svojej rodnoj zemli. Meždu nami ne jest zradnikov. A ja tích plínennych, kotorych v korotkosti musjat vypustiti iz temnicy, na mnoho cínju, považaju, veličaju, ibo oni jednak lem musjat byti dobry, čestny Rusiny, vírny svojemu narodu, jazyku i cerkvi. Že malo poterpjat, to lem na ich česť poslužiti, i na česť naroda, že takich rodu svojemu vírnych voždej imíjet. Ja by horda byla na svojego otca, ili mojeho zaručennoho, jesli oni mohli, ili musili by, što-to poterpíti za svoj narod.”

— “Nevozmožno. Štoby nevínnych ljudej arrestovali!” — Ispuhalasja Berta, i vnimatel’no pozerala v oči Ul’či. — “Užas i pomyslíti, žeby mojeho taton’ka arrestovali, lem pro to, što on narod i besídu russku lučše ljubit, jak čužel”

— “Blazen’ku, teper’ včas vojny, vse vozmožno. Na vse mož spodívatisja!”

— “Ale, ne mojeho tatka!” — Skričit Berta ustrašenna.

— “Ja ne hovorju o tvojeho tatka. Ja hovorju voobsče. Ja by a ni ne zadivovalasja, jesli by mojeho otca podozrivali, a na nem, podly ljudi, takim sposobom хотілі vymstitisja. Teper’ dovol’no na dakotoroho našeho Rusina skazati, že on “rusofil,” i psota, tjurma hotova.

— “No, ale vy dví, pridaleko zalízli!” — Hovorit serjozno Marta. — “Ty Ul’čo, jednak pravdu imíješ’. Na vse mož spodívatisja nam. Skol’ko slučajej čitala iz revolucii francuzskoj, madjarskoj ili iz historii rossijskich revolucionerov, že brat brata zaprodal, v ruki katov otdal, a podly ljudiny

ličnu svoju mest' ispolnili, na porjadnych, čestnych, ljudej, donošenijami. No, ci nam potrebno, o takich starinnych ričach hovoritj?"

Berta jakos' nervozna, nespokojna ostala; ani piš'mo otca ne uspokoilo ju.

— "Hde že by mohlo take štos' s nami stasisja? Kto by otvažilsja mojeho tatka obžalovati?" — I zasmíjalasja. — "Moj tatko, ne zrobil nikomu, nikohda zle."

— "A naš otec ne tak samo? A, vicišpan, jednak prosil jeho, žeby ne izjavljal tak svoju ruskosť, ibo by moh, na podvody vrahov svojich, neprijatnostjam vystavitisja? Ta vot to ne lem u nas tak, no vo vsích vojujusčich deržavach. Britijcy arrestujut vsích svojich poddannyh, nímeckoho proischoždenija, choť tí a ni uže ne barz znajut, že ich otcy iz Nímeccíny privandrovali v Britaniju; Rossija svojich Nímcev, Poljakov, zasylajet na Sibir', Germany dozerajut svojich francuzov, anglikov: Francuzy to samo robjat. Donositelej povsjudu jest'; níkotory iz lišnjaho patriotizma, druhi iz tsčeslavija, samoljubija, korystoljubija; no ne malo iz msti. . . . Pravdu imiješ', Martus' nam ne potrebno o tom daľše besídovati, no dobrí prihotovitisja na vse. My žensčiny ne malo terpime takohde čerez vojnu; na každoho prinesla velikoje hore, pro to musime i my byti siľnymi!"

Tohda prišol meždu nich i Marko.

— "Što že vy, dívčata, taki serjozny?"

— "O tom besídujeme, že jakij to strašnyj čas," odpovídajet Ul'ča, — "ani naši najčestnǐjši muži,

ne suť v bezpečnosti, protiv donošenij podlych, mstivych ljudej.”

— “Tak, dítja moje, pravdu imíješ! Ja by a ni ne zadivovalsja, jesli by teper’ prišli, a mene arretovali, abo choť koho s našich, znatníjšich ljudej. Hrom ne udarit do pokrivy (krapivy), lem do vysokoho duba. Kto dajaku roľ ihrajat vo obsčeství, tot i vorohov imíjet, a tí vykorystajut čas, ich podlym cíljam najsootvítníjšij, i lahko možut na nevinnom čelovíku vymstisja. Množestvo imíjem primírov iz najnovšich časach. Potrebno byti na vse prihotovlennym.”

Berta so slezami v očach, prositsja:

— “Ale mojeho tatka nemohli by arretovati?”

— “A pro što nít, dítja moje? Grafov, bohačov, vysokich činovnikov, arretovali tími časami, ibo našolsja podlyj čelovík, kotoryj faľšivo obžaloval. No, pravda vyjdet na verch, lem že pro níkotorych uže neskoro. Čestnym, charakternym, ne potrebno bojatisja, no musjat ostorožny i na vse prihotovlenny byti . . . . Smoť lem Bertus’, jesliby tvojeho otca, primírom, arretovali, što by ty robila?”

— “Ja by s žali umerla!”

— “Ha-ha-ha!” — Smíjesja Marko. — “Už lem ty smíla dívčina! A takim sposobom spomohla by ty otcu svojemu? Ne narobila by ty jemu isči bolše starosti, žalosti? Koli jemu naj bolše pomoči, otvahi potrebno bylo by!”

Dívčata nespokojno pozerajut na neho, no on daľše hovorit:

— “Ja, ditočki moi, hotovyj každýj den’ stati pered sud. A jesli by tak stalosja somnoju, to ja

požadaju ot svojich dítej, žeby smíly, otvažny byli, v najboľšom nesčastju, a mi ne robili vekšu starost', žal' i han'bu, no potíšali, a otvažno boronili svojeho otca!"

— "Tak bude, holubočki moi?"

— "Ta tak bude apočku!"

— "Vy moi krasoty, i moja radosť! Vaš brat voin, a ty isči i zaručennaho imiješ' v vojní. Vy musite smíly byti. Boh znaje, što zavtra prinese!"

Uľča i Martusja, priskočili ko svojemu otcu, zavisilisja jemu na šeju, i cílovali, hordilisja so svojim rodičom.

— "A ty Bertus'?"

— "I moj brat voin, i ja budu smíla."

— "Tak, díjtatko moje! A teper' zahrajte mi dašto."

K večeru prišli i farski, otec Stefan i pani Antonija. Besída perešla na vojnu, na plínennych svjasčennikov. Až i dívčata zamíšalisja do razhovoru, a Berta uže smílo, otvažno.





A TELEGRAMMU vicišpana, odpovíd' ne prišla, vmísto toho prišla ina víst': rossijski vojska, na bol'she místach perestupili hranicu Madjarsčiny i uzinami Karpat, hornutsja na naši russki storony.

Notarijuš vernulsja v svoj okrest, poslužiti vojennym vlastjam; sosídny sela uže v rukach vraha, a maly forposty ustupajut pered velikoju siloju zavojevatelej. Možníjši žiteli ot hranic, hde na povozkach, hde píchotoju, s tjažkimi zajdami na plečach, spasajusče što v ruki popalo, utíkajut pered pobíditeľnym vojskom. Svjasčenniki s izjatijem dvuch-trech, so semejstvami svojimi, takož utíkajut v horod, ostavivše vse svoje imínije, na milost' vraha. No bidníjši ne imíli hde i s čím utíkati, — ostalisja v svojich selach.

Notarij prišol domoj; jeho vírna, čestna žena, uže sobrala činovstvenny pis'ma, akta v jednu ladu, tak i svoi drobny ríči, ožidajuči na muža; spakovali vo voz otca Bogdana, na ktorom notarij vernulsja, a utíkali do místa. Falušij pisar' ne chotíl s nimi idti, že ostane na míscí, boroniti narod i imínije ich!

Jak notar' rospovídal žení svojej, pri pritomnosti pisarja, vse i što jak s nim i s Bogdanom povelosja, Falušij strašenno proklinal zlodíja, ne-

čestnaho podljaka, kotoryj to narobil; naríkal na praviteľstvo, že na taki faľšovanny žaloby, takoho dostojnaho čelovíka, jak Bogdan, arrestovati dalo, až i slezy sožalínija vyteral.

Notarij, kotoryj Falušija ríšitel'no podozrival, i lem pro to hovoril pered nim tak otkrovenno, že možno zraditsja i jeho arrestovati bude vozmožno, začal usomnívatisja v svojem podozrivaniju. No, kto že by moh druhij byti? Kto druhij imíl by pričinu, mstitisja nad Bogdanom? Kto moh byl jeho pis'mo, tak točno poddílati? Jak moh prijti k jeho pečati? K tomu isči Falušij žertvujesja dlja dobra, dlja zasčity naroda ostavajetsja? Kto može s toho vyjti?

Vojennyj žandarm vstúpil k notarju, i napomjanul jeho, čto čas bude rušatisja, i spasati činovstvenny pis'ma. Notarij s ženoju vyjíchal. Falušij ostalsja v selí!

\* \* \*

Podžupan sidit pri bjurku svojem, sluchajet, pri-  
nimat izvístija telegrafy i telefony, prichodjasči ot hranicy; vydavat prikazy; stolična zasčitel'na komissija postojanno raditsja, v dílí spomosčestvovani-  
nija, propitanija i pomísččenija, iz sel hraničnych prichodjasčoho bídnoho naroda; ob ustrojenii špy-  
talej, dlja ranennyh i boľnych i proč.

Vsí činovstvenny mísca vyporožnjajut, važníjši pis'ma pakujut na želíznicu, men'se važny skryvajut do pivnicach, — a každyj najmen'sij kutok prihotovljajut dlja boľnych, — rekvirujut kvartiry privatny, posteli, odív', mediciny, jadenija . . . ibo narod pro nezvyčajnu zimu veliku, v šatrach, ba-





„Naj mi 'ho požebnajut!' ---- Str. 62.



rakach okolo místa, ne mož na dolšij čas ostaviti. Mísčane, pochvaly postojno, spomahali sel'skij narod, pomísčali ich v domach svoich, žertvovali po možnosti; no sily ich ne vystarčačli, bez pomoči i akcii pravitel'stvennoj.

A vojsko vsjakoho roda, neprestanno maširovalo k hranicí, a ot hranicy narod hornulsja v rjadach bezkonečnych, k místu. Vojenna policija i žandarmerija, ledvo može na čisarkach porjadok zaderžati. Holos kanonov, jak tupyj šum hroma, slyšati iz daleka, iz pod Karpat.

Krajevy slaby vojska, ne v sostojanii protivostati natisku massovoho nastuplenija neprijatelja.

Premyšel' poddalsja. Desjatki tysjači honvedov garnizona utratili žit'je, choťjači perebitisja čerez osady, ili upali v polon. L'vov propal. Rossijski vojska, zemli russki Podkarpaťja zaplyli, — a lem tí zemli, hde naši Rusiny prebyvali, čtoby iz sich sel, ne ostal kamen' na kameni!

Teper' už i bohatsi žiteli horoda spasajutsja utí-kajuči pered nadšestvijem vraha, a tisnutsja, hornutsja kupami na želízničnu stanciju, ostavljajuči vse imínije svoje.

Vicišpan, so strachom slyšit izvístija telegrafičny. Tohda vstupit jeho sekretar', v rukach s gazetoju "Verchovina," peredast jemu, molčki i pokazujet na staťju: "Izmínnik svojego madjarskoho otečstva!"

Vicišpan prebívne očami staťju:

— "Lem isči nam to chibilo!" — Vzdychne, i sejčas prizval telefonično do sebe redaktora gazety, s rukopis'ju staťi, tak samo i cenzora. Serdito

obrušitsja na cenzora, jakim sposobom moh on, siju hnušnu stat'ju, v tom tjaželom časi, pozvoliti?

— “Ja myslil, že jak patriotična stat'ja, teper' sovsím na místí budet, začim udostovírilsja iz vašej kancelarii, že sam jeho notar' složil na neho žalobu.”

— “Patriotična žaloba notarija?” — Skritic podžupan merzko. — “Vot on sam pripravil v místo plínennaho Bogdana, i svidítel'stvoval pod prisjahoju, že žaloba poddílanna, falšiva sovsím tak, jak i jeho podpis' i pečat' notarial'na, a Bogdan cílkom nevinen. . . . Jak že my chočeme tot lojal'nyj narod, v jeho vírnosti k otečestvu zaderžati, jesli jeho najlípšich synov, bez vsjakoj pričiny, na osnoví falšivych žalob, prenaslídovati pozvolime, i v tjurmy posadime? Prošu rukopis'. Vaša dolžnost' byla,” — ostro hovorit k cenzoru, — “v takoj važnoj ríči obernutisja o informaciju ko mñi samomu, a ne spusčatisja na vaši patriotičny mní-nija.”

Pravi prichodit sam “Janči bači,” notar' v kancelariju.

— “Kto vam otdal siju rukopis'?” — Prositsja redaktora “Verhoviny.”

— “Tu v místí byla, dlja pečati počtovoj, podata. A začim, jak ja doznalsja, sovsím sootvítna žalobí, panom notarijem uložennoj, bez vseho rozmysljan'ja ju pečatal. Sam ne doložil ni slova k nej. Vpročem cenzor pozvolil ju pomístiti.”

Notar nervozno i so oskorblenijem priskočil k redaktoru, potrjas jeho za plečo i kričal:

— “No, vy znali i to, že ja, pod prisjahoju,

protestoval protiv sej, mi pripisannoj žaloby; vy znali, što ona poddílanna?!"

— "Tak, ja slyšal o tom privatno, no ne činovstvenno."

— "Ne poznajete pis'mo?" — Prositsja podžupan.

Sije pis'mo ne poznal. Četko, majže kaligrafično bylo napisanno.

— "Vy hovorite, što činovstvenno ne znali? A v vašej gazetí, odnakože pišete, choť pravda, meždu inseratami i s očen' malymi bukvami, že ja telegrafično prosil u ministerii, vypustiti nevinnoho Bogdana, plínennaho na osnoví sej podozríteľnoj žaloby! — Protiv vašej revolverovoj žurnalistiki, uže bolše považannych, učtivyh ljudej protestovalo i žalovalisja, — izjavljaju vam, že vašu gazetu udušu, zaboroniti daju. Ja ne smíju dopustiti, žeby na odnu lojalnu časť žitelej našej stolici, kto nibud' bezosnovnoje podozrínije nanosil, rosprostranjal. Vašu statju perebrali i pereberajut gazety cíloho kraja, a s tím vy zapečatali dolju seho čelovíka. Pravitel'stvo teper', choť by i ne choťilo, musit do konca pereprovaditi jeho process. Rozumíte Vy to?"

Sjal k bjurku, vystavil raspisku-kvitanciju, podpisal i s pečatju potverdil, a s perezrínijem brosil ju pered redaktora:

— "Tu imíteje kvitanciju ot rukopisi, kotora k aktam priključajetsja!" — Lehko sklonil holovu k redaktoru, kotoryj začal umoljati vicišpana, žeby jeho ne sniščil, ibo v gazetu svoju mnoho hrošej vložil.

— “Tak? Vas sčaditi, kohda vy jednoho nevinnoho čelovíka, znajuči zrujnovali, a s tím, može byti, cílyj jeho narod protiv otečestva vozmutili? I o vas postarajusja,” — hovorit merzko ko cenzoru, — “tam potrebno mužej, uvírennych, rozvažnych, na kotorych v tích tjažkich časach, možno spustitisja.” — Kivnul s holovoju, a okončil s nimi audienciju.

Notar oznajmil, što znal i vidíl. — Telegrammy dalše prinosili i razsylali vísti, a vojsko nepreryvno hornulosja k hranicí.



## LXII.



BERTA byla u Furmanovych, pri Martí ot rana. Ul'ča v školí učila. Stara Katuša, po obyčaju, okolo kuchni, a Marko pri pecu meždu novinkami, kotory pravi polučil s počty. Na samoj pervoj storoní telegramma iz prošlaho dnja:

— “Dnes’, po krovavoj bitkí, rossijski vojska zaňali S . . . místočko, choť i preveliki straty poterpili. Naši honvedy, po herojskoj oboroní, musili ustupiti i v novych sil’nych pozicijach ožidajut na novoje napadenije vraha. Začím sil’ny ukříplenija polučili, ne jest’ pričiny dlja dal’šoho opasenija i bojazni.”

Marko vzjal novinki i spíšil do svjasčennika. Na dorozí vstrítitsja s neznakomu žensčinu, kotra pod velikoju zajdoju na chrebetí, shorblenna, premerznuta idet selom.

— “Slava Iisusu Christu! — Gazdo, daleko to išči fara?” — Prositsja Marka.

— “Nedaleko, takoj tu pered nami! . . . S daleka ty, nevísto?” — Prositsja jej.

— “Oj, iz daleka, iz daleka! Dva noči i druhij den’ idu už, i ne daj Bože sja perebiti čerez drahu. Do hory vojsko hornetsja, a z hory narod utíkaje. Lem jem polem i lísami išla. A tu zima, sníh . . . ledvo stoju na nohach.” — i ide dal’še.

— “I ja idu na faru, pod’ za mnoju. A, što že ty hljadaješ’ na farí?”

— “Što?” — Čudujesja, jak by to každyj dolžen znati, što ona, hde ide i što choče? — “Idu k mojej Bertus’í, tu mat byti na frí u stryka, u brata mojeho pana!”

— “Ty Eva, služnica u pana prevelebnaho Andreja Bogdan?”

— “A jak že to vy znajete? Vy tu u pana služite?”

— “Tak dašto. Pan služat mi, a ja panovi. Lem pod’.”

Zaprovadil v kuchnju zadnymi dverjami, choť pravi on sam čerez kuchnju, nikohda ne zvyk choditi k svjasčenniku.

— “Počekaj tu, Evko, slož’ zajdu i ohrijsja. Ne musime s dverjami vletíti do chiži, žeby panove ne nastrašilisja.”

Sam vošol do kancelarii tichon’ko, bez klopkan’ja.

— “Hde pani?” — Prositsja zadivlennoho otca Stefana, kotoryj lem paľcom pokazal na druhi dveri.

— “Chvala Bohu! Eva, vašeho brata služnica, tu. Neprijatel’ zavojeval uže cílu Verchovinu. Jaki noviny prinesla z domu, ne bylo mi vozmožno vyprosisja jej. Dobrí, že imíjem sposobnosti, prihotoviti tak panju jak i Bertu, na nove nesčastje.”

Otec Stefan stis ruku Marka:

— “Marku, brate moj! Vy, v tích tjažkich časach, velike sčastje, velika potícha pro nas!”



Tichon'ko pošli v kuchnju. Eva složila zajdu na lavku i ohrivalasja pri šparhetí. Otec Stefan prívitat ju i prositsja:

— “Vítaj, Evko, u nas! Pevno ne dobra novina?”

— “Oj, ne dobra, ne dobra, pane prevelebnyj!”  
— I na holos rosplakalasja.

— “Čít, Evko, ticho,” — čítkat ju Marko, — “ibo nastrašiš' panju. Ochoroti možut.” — A dobryj starik, prines kreslo k šparhetu i posadit Evu. A tak načala rospravljati:

— “Jak pana mojeho, vojsko otprovadilo, cíle selo poschodilosja na faru. Klenuli, proklinali podloho čelovíka, kotoryj zaprodal našoho pana. A ked byli 'ho tohda, do ruk dostali, ta 'ho pevno rostorhajut na falatki. Ja strašenno plakala, i baby plakali. Rychtar' obačil že čeljad' sel'ska vlízla do pan'skich chiž, hde jem lampu zabyla vyhasiti. Vojde mezi nich, ta už každe mat što—to v rukach, hde dajaku chustočku, hde pohar, hde obrazok. On byl ich podobijal. Poodberal im, i vse vyhnal iz fary na drahu. My s Hanju merkovali na dom, a gazda na chudobu i na potravu. Cílu noč so sokiru chodil po dvorí. Psoch obidvoch, isči pred otchodom pana, chtos' otrul . . . . Nad ranom prišlo do nas može dvasto vojakov; jeden staryj i dva molody oficiry byvali na farí, a ja im varila. Varta den' a noč' stojala na dvorí, vse dobrí išlo. Staryj oficir znal malo i po našomu, no tamty vsí nímcy, ci što byli, ne rozumili sme ich. Oficiry porjadok trimali s vojakami. Tretij den' prišol i notarijuš nazad, no Jankovi trebalo

takoj duškom vertatisja k vojsku do místa, ta sme sja poradili, i prosili sme staroho oficira, žeby statok i potravu otkupil pro vojsko. Pri tím byl i staryj notarijuš. S druhoho sela prišol isči jeden staršij oficir, i dal othnati s vojakami statok, a síno, trebič i zerno, na seľskich vozach otvezli hdes'. Na bandurki i kapustu uže ne mali vozy, no i to zakupili. — Notarijuš porachoval, keľo prijde panovi, ta mi chotíli pínjazi vyplatiti. No ja sja bojala vzjati, a ni notarijuš ne chotíl na sebe prijati, ta lem mi dali tristo korun pro Janka, pro mene i Hanju vyplatiti, a za reštu napisali mi kartku, i hvarili, že v štajrantí pan na ňu možut koli-kol'vek sobí hroši dati vyplatiti. No — pozavčerom včas rano strašne stríljan'ja sja začalo na hranicí, až i do našoho lísa kuli padali. Vojsko naše začalosja cofatisja. Mi hvaril oficir, žeby jem doraz pozberala, što dašto dorohu, i pro pínjazi, išla za nimi. . . . Što jem mala ratovati? Odíla jem na sebe moi novy lachi, pozberala jem Bertus'iny šmatki, a . . . . vecej nič. Oficir vzjal na jeden vojenskiy voz moju zajdu, a ja isči rozzerasja, s plačom, što by brati? Choť lem jeden zaholovok, abo perinu? . . . A tota krasota bílizna! Toty obrusy, isči ot nebožkoj našoj 'mamočki.!' "

— "Dobří mi serdce ne puklo ot žalju. Choču pozaperati a ključ otdati do notariuša, jak on so svoju panu ide, na našoj furí, po pri farí. Kažut mi ključ otdati do rychtarja, a ponahljatisja za nimi, že i mene vozmut do místa, a s vozom prijdu až tu na faru. Lem što prešli notariuš, už hurma ljudi ide s pisarom, a što hde jest', načnut

rozberati: tot vleče borony, druhij pluh, tretij drabiny: vytjahujut sani, vozy, sičkarnju. — Pojedny čerez oblak do fary, a očevidno drut, kto-što zachopit, kradut, vyrízujut iz kreslach obtjažki, zaslony s oblakach, a takoj falatujut; bíliznu iz skrin . . . . Bodaj vas Boh pobil! . . . Ja kriču, bju, plaču . . . pisar' priskočil i vdaril mnja pjastukom po holoví, kopnul do mene, a vyšmaril mnja na dvor . . . . O, Bože moj! . . . a tam z pivnicy voločat míchami bandurki, kuljajut bočki s kapustu. . . . a pisar' vsjadi na pered . . . . Oj, han'ba, styd . . . a mene s hrudami vydohanjali dítiska . . . Vojakov jem dohnala na druhom chotarju . . . . oficir mi otdal zajdu i piš'mo, žeby mnja prepustili . . . naj mu Boh zaplatit, . . . bez toho piš'ma byla jem zahinula, . . . Na každom kročaju mnja sperajut, no na piš'mo dal'se pustjat, až i mi potom vartu dali, što mene preprovala da na milju . . . . a vojska što raz vecej . . . . hluboki perekopy berut . . . . kanony stavljajut . . . . za mnom stríl'ba prevelika byla, až sja zemlja strjasla. . . . A ni uže ne pamjatam, jak ja sja s tamaľ vyratovala . . . . A tak idu den' a noc', poljami, lísami, sníhom . . . . Oj, Bože moj!" — Plakala.

Otec Stefan smotrit na Marka:

— "Užas! što díjesja! — Brate Marku, što teper'? Jak že maju povídomiti Bertusju?"

Na to vstupila v kuchnju žena otca Stefana. V dverjach vse vysluchala, što Eva rospravljala. Blída, jak vosk, no otvažna, energična. Peremohla slabost', ibo jej potrebno bylo sil'noj ostatisja, radi Bertus'i i prihotovili ju, na cíle nesčast'ja.

— “O mene ne starajtesja, a Bertu spustiť na mene. Bídna dítina!” — Slezy lem tak kuljalisja jej blídymi licami. A tak privítstvovala Evu, i postavila pro nju kavu na šparhet.

— “Marku, zrobit’ lasku,” — prosit pani, — ne odolha vychožajut dítí iz školy. Bertusja pevno tam, bo už byla doma byla, a choť i u vas — priprovaďte ju s Ul’ču; može udastsja nam ju dajak uspokoití, potíšiti. No, ne hovor’te jej, že Eva prišla.”

— “Pravdu imíjút pani. Tak bude najlípše!”

Marko pošol v školu. Pani Antonia pohostila, nakormila Evu, ktoroj ot velikoho truda, smučen’ja trudno bylo zaderžatisja ot spanja. Dví noči i dva dni vandrovala pod tjažku zajdu, lem vírnost’ i prevelika ljubov’ k Bertí, — kotora pod jej rukami i očami vyrosła, — podala jej silu, že dahde ne sjala otpočivati, a ne zamerzła. Časami holova zvisílasja jej na hrudi, oči zatvorilisja, no žadost’, vpered vidíti svoju “zlatu drahotku,” vse podala jej sily. I rospravljali o vsem: o pisarja, o veliku svoju starost’ i zabotu pro neho, o plíneniju otca Andreja, o plač’ naroda za nim i proč. — No poznati bylo na jej besídí, s jakim naprjaženijem sil jej prichodit hovorití.

Do dvora vstupil Marko s dívčatami, veselo žartujuči. Bertusja obmetala sníhom i jeho, a tak sama otrepala s neho sníh, vzjala po pod ruku, a serjoznym licem hovorit jemu:

— “Baťku, ale teper’ už ne bud’me taki rospustny, bo tetka by hovorila, že my taki stary dítí, ne znajeme, što ne svídčitsja . . . Pravda že, Ul’čo,

pristoit nam? Ne krasna my para s tvoim apkom?"

I usmíšno pozerat na staroho. A Marko žartovlivo vyprostitsja:

— "Ho-ho, moj holubočku... ja isči i teper' znal by oboroniti svoju pannu, jak dajakij ritir s mečem i kopijem!"

A myslit sobi: — "Ditja mile, dorohe, jesli by ty znala, što oždat tebe?"

— "Čuješ Ulčo, mojeho ritira? ... Baťku, Marku, jakij vy solodkij, milyj čelovík. Ja vas strašenno poljubila, že vy takij dobryj ko mi."

Vošli v komnatu, Bertusja pribíhne k tetí, obcíluje ju:

— "A hej že teton'ko, jaki zimny moi lica i ruki? S baťkom Markom omítovalisja so sníhom!"

A tak ide k stryku, sidjasčemu pri bjurku, pozrit na neho, a potom na tetu:

— "A s vami što teton'ko? Stryko zastarannyj, ty blída, nespokojna, što novoho?" — Prositsja ustrašenno.

— "Pod' tu Bertus', sjad ko mní i ty Ulčo, — a ni my vas ne privitali. Perebačajte! Sjad'te sobí, prošu, pane Furman" — hovorit pani Antonia.

— "Bertus', ne dobra novina!"

Berta priskočit k nej, kljakne pred nju, a jak na smerť poranennoje sernja, so smutnymi prestrašennymi očami prizritsja na tetu, i prositsja s tichim holosom:

— "Taton'ko moj chvoryj?"

— "Nít, no v bitví vse vaše imínije propalo!"

— "Chvala Bohu, lem jesli moj taton'ko žije!"

— Skričit radostno i pocílujet jej ruku.

— "Tak, taton'ko tvoj žije, — no . . ."

— "No, a što že s nim?" — Skočit na nohi i pozerat na vsích.

Marko vstane, pristupit k nej, položit ruku na jej holovu:

— "Ditja moje, ja imíju syna vo vojní . . . Boh znaje ci žije? Ul'ča svojego zaručennaho, ty tvojeho brata . . . . musime snošati volju Božiju smílo . . . . pravda, že ty priobícala nam, holubku, što i ty budeš' smíla, a v potrebí na pomoči tvojemu otcu? Pravda?"

Berta iz strachu ne mohla prehovorití ni slova, jak by jej horlo nevidima ruka byla stisla; pot vybílsja jej na čelí, a v cílom tílí trjaslasja. Lem s holovu kivla.

— "Sjad' sobí Bertus'! Vse učuješ'!"

Teta stjahlá ju na svoi kolína, počílovala, hlaškala holovu, jak maloj dítiní, mjahko-lehko, uspokoivajuči:

— "Tvoj tatko zdorovyj, no . . . ."

— "Pro Boha, hovorít', što s nim . . ." svisčit v nespokojstvii duševnom.

— "Vzjali jeho v polon . . ." — Berta zaplače v mukach — "no v korotkosti vyjde na svobodu. Episkop i stoličnyj urjad zanimajutsja s nim."

— "Mojeho tatka vzjali v polon? Nevozmožno! Pro što?"

— "Jakis' podlyj čelovík obžaloval jeho."

— "Oj Bože! Pro što vy mi to sejčas ne skazali? Ja veseljusja, žartuju, smíjusja, radujusja, a moj staryj otec stonat v temnicí nevinno!"

Tohda vstupila iz kuchni Eva. Berta obačit ju,

sorvesja, bízit k nej; oblapit, jak rodnu mamu a s plačom prositsja:

— “Ty, Evko, tu?”

— “Tu, moja zlata drahotko, moj holubočku, moja milen'ka, malen'ka panjus'ko, tu!”

Ot radosti plače, až zahikatsja, cíluje ju i ruki. Tota vírna ljubov jednoj vírnoj čeljadki, velike vražen'je sdílala na vsích. Až i staryj Marko otvernulsja k oknu i pouteral oči.

— “Rospovídaj mi Evko, jak to vse stalosja.”

— “Drahotka moja, zavtra — zavtra, bo jem barz smučenna. Telij svít jem išla píškóm, dni a noči, bez otročinku, ne možusja otrimati na nohach. No chvala milomu Bož'ičkovi, že lem ty mi zdrava. Teper' uže vse dobrí bude. A tu hroši” — vybrala vojennu kvitanciju iz pazuchi, — “što mi oficir dal, za statok i potravu. I Janko svoi hroši poslal tobí. Ked ne prijde nazad s vojny, naj tobí ostanut, a dal tja pozdraviti, jak otchodil. Lem to mu žal' bylo, že tja isči raz ne moh vidíti za žit'ja. A prosil tja, ked tam ho zabjut, žeby jes' sja za neho pomolila, on bude i na druhom svití čuvstvovati, že ty moliš' sja za neho . . . Oj Bože, jak jem sja domučila . . . !”

— “Bídnyj Janko, naj mu Boh pomože sčastlivo vozvernutisja. Teton'ko, pozvol' nam, žeby v mojej izbí, pri mi spala.”

— “Dobrí Bertus'ol!” — Takoj vstala, vzjala Evu so soboju, služanka postelila jej na divaní. Eva už ne vladala pomolitisja, prekrestilasja i lehla.

— “A moj otec hde?” — Prositsja Berta stryka.

— “V Košicach, Bertus'.”

— “Baťku Marku!” — So složennyma rukami prišla k Furmanu, a tak pohlaskala jeho ruki: — “Stryk ne imíjet koni, a ni v selí ne jest hde pojídnati . . . otvezte mene k tatkovi. Choču jeho potíšiti. ej, zrobite mi siju lasku?”

— “Jak by ja takoj dobroj, smíloj dívčiní ne poslužil? — Zavtra so strykom tvoim vraz pojedeme. O devjatoj rano tu budu. Dobří otče?”

— “Na tot čas hotovy budeme.”

Marko s Ulču poprosčalisja i pošli domoj.

Sjali k večerí, no kto že moh by jísti?

Jak Berta vstúpila v svoju spaľňju Evu našla v hlubokom sní. Tichon'ko sovlekla odeždu iz sebe i sama lehla. Dovhij čas rozmysljala o vsem, i v slezach zasla i ona. — Molodost' požadala svoju dan'. Okolo 5-oj hodiny probudilasja, a Eva uže sidit na stolku, pri jej posteli.

A, tak načala i Bertusi razskazyvati o vsem, što povodilosja v ich domí. Jak Berta slyšala, že v hrablen'ju učast' bral i pisar', i do kradeži ponuždal seljanov, hovorit:

— “Ci to ne on obžaloval našeho tatka?”

— “Oj, Bertus', drahotko zlata, i ja vse na neho myslila. Bo to podlyj mužčina musit byti! Ja jeho vsehda sja bojala . . . za tebe!” — A hlaskala, cílovala jej ruki.

\* \* \*

Strašenna zima. Sníh kurit nepreryvno, a metelicy míscami, tak vysoko ponaduvali, što projti ne mož bylo čerez drahu. Na samoho sv o. Nikolaja polučil Marko poštovu vojennu kartku, ot Jurka; na nej lem stol'ko bylo napisanno:



— “Hurra! Bílohrad!! Zdorov! Cíluju vsích: Jurko.”

Potícha velika, radost u Markovych. Saryj pročital raz-dvaraz a tak každe isči pro sebe. Jurko zdorovyj!

Dni perechodjat, minut tyždni. Saryj Marko pri teplom pecu sidit meždu novinkami. Perezerat listiny ubitych, poranennyh. Iz sela tot i sej upal, i ne jeden poranennyj ostal. Nedílju pri nedílí panachidy otpravljajet otec Stefan, za pohibšich svoich vírníkov vo vojní. Za najkrasšu, za najmilšu molodež' svojej parochii.

Vdovy-siroty naríkajut, materi- otcove oplakujut synov, kotry bolše nikohda ne vozvernutsja, kotorych a ni hroby ne uvidjat, ne najdut. Ležat v čužoj zemlí, v hromadnych-massovych hrobach, vkupí s neprijateljami, s nimi že na smert' borolisja, a ot ich kul'-bagnetov, žit'je svoje molodoje utratili. A teper' smert' vyrovnala vse, zahladila nenavist', vraždu: bok o bok ležat vo velikich mohilach, ticho spokojno, jak dobry prijateli, jak brat'ja!

No, ne men'se žalostny serdca i tích, kotry o svoich milych nič ne znajut, nijakoje izvístije ne polučili. Ne imíjut spokojnoho dnja ni noči. Dnem každyj kutik, každa najmen'sa rič' ich napominajet na muža, na otca, na syna. — Pozrit mati na svoi drobný díti, zaplače; — moroz, zima, zaduvka? Musit pomysliti na muža, na syna; — “ci ty díтино, ne merzneš', ne hineš' cholodom, pod holym nebom?” — Sjadut k stolu, jeho mísce porožne; složit žena, mati ložku z ruk, obernetsja,

posterat slezy: — “ci ty dorohij — milyj, imiješ kusok suchoho chlíba, ci ne mučit tja holod?”

Nočami, v tjažkich snach vidjat bídny materi, ženy, svoich synov, mužov, skrovavlennych, porannych, jak dvihajut k nim ruki o pomoč' . . . . vidjat ich zabitych na sníhu ležati, a krov' teče iz vírnych hrud' bílym sníhom. A stonajut v tjaželych snach i perestrašenny zbudjatsja, i . . . plačut žalostno, no tichon'ko, žeby díti ne pobuditi!

A, jak taka mama, žena, vidit pred ikonostasom svjasčennika, v čornych rizach, s kadiľnicu, pri trohateľnom spíví panachidy, i slyšit serdečnyj plač' žen, materej, za mužom, za synom . . . . a, jak serdce pronikajusčij hlas písni, — “Víčnaja pamjat'!” — pri provodí žalostnoj muziki zvonov, ispolnit cerkov' tak, že čelovík dušeju, jak by vidíl čuvstvuje, jak ta žal', smutok, slezy, molitvy prebivajut krov-sklepovan'je cerkvi i voznošajutsja, s dymom kadiľnicy, vo vysotu, pered prestol Hospoda, o milost', o pomilovan'je, o potíchu . . . i iz jej očej proljutsja slezy, a serdce stiskat horest', strach, opasan'je o svoich ljubimych, rjadami kotorych smert' nemiloserdno kosit!

Tak! Bídny voiny mučatsja; terpjat holod, smjad-žaždu, horjačost'-sprahotu, cholod-zimu, smotrjat v oči smerti. No, ne men'se terpjat i ich ženy, zaručenny, materi, otcy doma! Horest' ich žit'je!

A što terpjat tí, kotorych chotarami, selami, místami zadubonit zemlja, pod nohami Marsa, strašneho boha vojny, boha poganskich rimskich legionov? A za jeho stopljajami, ne ostane nič,

lem spustošenny polja, sniščenny urožai, spalenny sela, rozvaljanny místa, srubanny lísy, kupy mertvol, a krov' i slezy!"

Otdanny suť na milost', volju sdičennych, rozjarennych neprijatelejskich vojakov. Pered ich očami propadajet ich imínije, ich ljubimych žit'je, a ne odnoj bídnoj ženy, dívuški . . . čest', duša!

Kto by moh tích bídnych žal', horest', nesčast'je opisati?

A tota nenavist' narodov, jednoho protiv druhoho? — Ta, vot to ne natural'na, no poddíl'no, štučno vozbuždenna-vospalenna!

Voin ide v bor'bu na prikaz voždej svoich, za otečestvo, za rodnu zemlju, za rodinu svoju; boroniti to, što najmil'se, svjate. — Musit ostaviti vse; poprosčajetsja so semejstvom, so spokojnym žit'jem, s imínijem, choť by jak malen'ke bylo, odnakož pro neho žil, trudilsja cílyj život svoj, — a tu žena, rodina, díti s plačom otberajutsja ot neho, ibo musit idti v boj! Ci vernetsja s neho domoj? Uvidit-li isči dakoli svoich milych? A može, jak nesčastlivu kalíku, pustjat jeho domoj?

A toj velikoj horesti . . . vrah pričinoju! . . . Uže v pervom sraženíi, iz pod boka jeho, pered jeho očami, upadajut kamarati jeho. Tu prijatel' jeho molodosti, tu srodnik, tu otec malych dítej. Vidit ich krov' prolivatisja, ich vyhasajusči oči i slyšit ich stonan'je, pros'bu ich poslídnju:

— "Pozdrav milu ženu, díti, mamu . . .!"

Serdce v nenavisti, v hníví zakipit proti vraha; mest' pociľjuje jeho sily, krov' diko kružit, palit,

— vse čuvstvo milosti vyhasnet iz serdca rozjarennoho, ohorčennoho voina:

— “Vymstisja! Ubivaj! A vrahi, pro kotorych ty vse ostaviti musil! Ot ich ruk zahinuli tvoi bratja; oni ich ubili! Mstisja! . . . .”

S cílu zlostju, s umnožennymi silami, na slípo, bez bojazni ot smerti, ot ran, otvažno stremit vpered:

— “Mstisja! Ubivaj!”

A jesli pod jeho udarom, pod bagnetom-štykom upade voroh, radostno vosklikne, likuje . . . . a jak uže ne može s polamannym oružijem ubivati, tohda s pustymi rukami bje, dusit, morduje, so zubami kuše, hryze vraha . . . .

— “Mstisja, ubivaj!”

Po bitví? Tot rozjarennij voin, vidit kolo sebe stonajusčich, poranennych, pobitych neprijatelej, krov' protekšu, — jesli jeho mordovan'je na dalše nikto ne vospaljat, ne podusčat, tohda zastupit reakcija: iz serdca ustupitsja mešť, nenavist' vyhasne, a podast' misce miloserdiju, žalju:

— “Ach, ta i vrah moj terpit, stradajet, tak jak i ja! I on ostavil na vysšij prikaz vse, što jemu mile bylo?”

Hde neprijatel' choče poddatisja, na znak toho vzdvihne horí ruki . . . pobíditel' uspokojenno, radostno sohlasitsja, složit i sam oružije s rukach, lem žeby dalše ne prolivati daremno krov' ne vyhasivati žit'je! V plínnikach svoich, bolše ne vidit vraha, no kamarata, i tak s nimi i zaobchoditsja.

Surove, zvirskoje zaobchoždenijesja s plínnikami, prostyj voin-mužik, sam osuždaje, a za veli-

koje barbarstvo deržit. Dlja donošenij korrespondentov gazet: prosty voiny milostivy, blahorodny suť protiv plínnikov, milostivíjši, jak ich oficery. Voiny voobsče men'šu nenasiv' izjavljajut-pokazujut po sraženíjach, protiv neprijatelja, jak svítski-civil'ny osoby, jak narod ne vojususčij; prostyj narod milostivíjšij, jak obrazovannyj, a mužčina, jak žensčiny . . . voobsče.

To psihologija, nauka duši čelovičeskoj!

Na zapadnom frontí, Nímcy s Francuzami, počas pavzach bitv, nastol'ko kamaratilisja, že sobí gazety, tjutjun, chlíb zasyľali, iz trenčach razhovorivali, — naposlídok až i meždu prekopami, bez ozbrojenija, vstríčalisja, ruki sobí davali, rozhovorivali, jak kamaraty, jak braťja . . . že francuzskij glavnyj kommandant, pod karoju smerti, zakazal svoim voinam, s Nímcami tovarišitisja, besídovati!

Na polju bitvy, ranenny jeden druhoho spomahajut, zavivajut sobí rany, podíljat meždu soboju jídlo, napoj, jak by kamarati, a ne vrahi byli. V špytaljach, ne robjat rozluku meždu prijatelem i neprijatelem . . . hde oficery dobrodušny!

Ne raz stalosja, že pokalíčennych neprijatel'skich voinov, naselenije napalo, lem vojsko musilo ich boroniti, s oružijem v rukach, protiv mesti svoich krajan. A v takich napadach, ne chlopy, no žensčiny, iz vysšich kruhov, jak sbíšenny furii (— bohini mučitel'nicy v adí, i msčenija u drevnych Rimljan —), povodilisja protiv plínnikov: opljuli, obmetali hrjazem, bolotom, skalíčili, prozyvali, klenuli!

Pro što? Ibo sam narod choť i čital, no ne

ponimajet, ne vidit svoimi očami nesčastje, stradanija neprijatelja, lem svoje čuvstvuje, okolo sebe vidit, slyšit, lem o tom besíduje, o tom pišut jemu gazety ,roznošajut sluchi, izvístija . . . “a vse to narobil vrah: mstisja!” — A zbytkujesja nad tím nevinnyim plínennym, kotoryj i sam terpit, ne-sčastlivo strašenno.

Voin znaje ocíniti, učtiti otvažnost', smílost' svojego vraha i jeho chrabrosti, ne otkaže svoju učtivost'. No, ne tak svítskij čelovík.

Jesli čitaju po gazetam, níkotorych redaktorov, dopisovatelej proklony, nazvíska, snevažan'ja, ne-navist', jaku posyput na vojska protivnoj im storony: — jaki užasy pripisujut im, jaki strašny vísti— povísti, historii vymyslajut, pišut protiv nich; — a vydumajut, pišut tysjači a tysjači mil' daleko ot polja vojny, — i predkladajut svojim čitateljam, čtob i v nich svoju zlost', ne-navist' vo-spaliti protiv neprijatelja . . . myslju sobí: — “sčastje tvoje, ty pane redaktore-riporteru, že ty ne voin, ne stojiš' v rjadí s borcami tobí simpatičnoj storony, ibo ty by hor'sij byl, jak najhor'sij, naj-zlobníjšij voin-dikun, bodaj kotoroj storony! Ty by tí vsí zvírstva, što ty teper pri tvojem bjurku vydumal, ne lem napisati hotov byl, no i sposobnyj ich ispolniti, soveršiti, ne na veliku čest' armii tvoje! — A hde vpravdí, voiny soveršili zvírstva, barbarstva, to s pevnost'ju možno skazati, že ich kommandant zloho ducha, podlych nrafov, a zvírskoho karaktera čelovík.

Vojsko ne ide v bílych rukavičkach na bal, meždu fajnu publiku, i ubraty krasivy pani i panny

zabavljatisja, no ide v krovavyj tanec, v boj pro-  
livati krov', ubivati na — najvyššij prikaz!

Jeho na sije provadjat. Jemu to prikazujut, za  
sije jeho otznačajut-dekorujut, pochvaljajut, he-  
rojem sdílajut.

A jesli čitajem, jak ne raz pojavitsja v gazetach,  
že na toj, ili sej zabaví, krovava bitka byla? — Ja  
ne pišu o našich krestinach, svad'bach, no o balach,  
o zabavach, obrazovannych kruhov . . . . . skol'ko  
raz okončajutsja s revol'verami s krovoprolitijem,  
s temniceju? Ci to ne barbarstvo, ne dikost' . . . .  
zabavljajusčisja ljudi učenny, ubivajut druh druga!  
A pri pijatikach, pri kartach čto díjetsja?

V parlament vyberat narod svoich zastupnikov,  
iz najobrazovaníjšich, najsposobníjšich mužej . . . .  
Kto ne čital, o tích soblaznitel'nych scenach, bit-  
kach, svadach, o jakich neraz pišut gazety? V tom  
ili sem parlamentí, otcy krainy, zakonodateli, do  
krovi pobilisja; neraz storož parlamenta musila  
rozderati bijučichsja poslov! — Što to? — Zvír-  
stvo, barbarstvo, civilizacija, patriotizm?

Ne čital to jesče nikto? V toj ili sej cerkvi,  
kostelí, vírniki pobilisja do krovi; polamali zastavy,  
kresty, svičniki i pr. v bitkí. Policija rozhanjala,  
arrestovala i proč. — Što to? — Christianskaja  
ljubov', miloserdije, kul'tura, dikost'?

Zamordujut dakoho. Na tvoje nesčast'je, pri  
ubitym, najdut tvoj kešenovyj-karmannyj nožik.  
Jak prišol i našolsja tam? Ponjatije ne imíješ'? —  
Može ty požičil jeho tomu, kto zamordovannoho  
ubil! Jak součastnik v ubijství, budeš' processovan-  
nyj; i trudno prijde tobí i tvoim lojeram osvobo-

diti tebe ot električného stolka, abo šibenicy! No municiju vyrabljati, kanony, puški, šrapnelly, bomby, dum-dum kuli, eksplozivny materii, dlja masovoho mordovanija stotysjačeј, — to čestnyj biznes (business), protiv ktoroho protestovati . . . hrích. — Što to? — Christianstvo, civilizacija?

Božestvennym paľcem na kamenny tablicy napisanno: — “Ne ubij!”

A s kazateľnic, s propovídaľnic, sluhi Boži, propovidajut i prikazujut istrebiti, vymordovati vrahov na — slavu Božu! — Što to? — Christianstvo?

A što díjesja po velikich místach, hde s porjadnych domov proischodjasči molody ženy, dívuški bez slída, propadajut . . . jak by lem pod dozorom policii!\*) A nasiľstvija nad malymi dívočkami?

A pri rozvodach, podčas izslidovan'ja processov takich, jaka hlubina merzostej i pr. vychodit na verch? Že pri mnohich rozvodov, akta processual'ny zapečatajut, čtob prevelika hrjaz', hnušnosť, ne vyšla na javnosť, na publičnost', ni pered — potomkami!

Jaki to cvíty civilizacii možut byti, što isči i pered teperejšu publiku stydno ich pokazati?

Voin ostalsja čelovíkom i podčas vojny, a: — čelovík čelovíku jest' volkom, a ne čelovíkom,” — jak Plavtus i sv. Pismo hovorit: (Homo homini lupus et non homo.)

S tím ne vykrašaju žestokosti, barbarstva sdi-

---

\*) V inkvizicii protiv policii new-yorjskoј, ili protiv chicagovskoј, jan. 1917. (Prim. izdatel'stva.)



čennoho vojska, no osuždaju samu vojnu, kotora ich zdičit, žestokimi zrobit i pokazuju na pričiny, proizvodjasčii taku dikost'.

Pravitel'stvo, jak zastupnik, polnomočennyj predstavitel' — "svobodnaho naroda" — krainy, v imeni toho naroda, — (po pravdí, protiv voli toho naroda) — vypovíst vojnu, mobilizujet vojsko, a žeby tot "svobodnyj narod," dajak neo-pamjatsja, i ne vzjal na otvičatel'nost' svoich zastupnikov, ministrov, poslov, oni, za hroši naroda, podkupljajut gazety; ne nastol'ko gazety svojego kraja, svojej deržavy, ibo tím prikažut, što i jak imíjut i možut pisati, no gazety čužich krajev, osobenno neutral'nych. A platjat preveliki hroši im, uže pod čas pokoja, žeby vo vremja vojny, s nimi raspolahati mohli. — Služba takich podkuplennych gazet, bol'se vartat, činníjša pro vojusčich, jak jedna armada vojska! A, to iz bol'se pričín, tak material'nych, jak i inych. To vse istolkovati v ramí odnoj povísti, ne vychodit.

A tak tí primušenny domašny, i podkuplenny čuži gazety, načnut razzívati, vospaljati nenavist' protiv svojego neprijatelja, po cílom svítí, vsjakimi vozmožnymi i nevozmožnymi vydumkami. Jeho sdílajut otvičatel'nyj za vojnu, za vsí škody; obvinjajut vojska neprijatelja žestokostju, barbarstvom, zvírstvom, — pišut o svoich pobídach i tohda, kohda ne pobídili, — pišut o nespokojstvijach, revoljucijach povstavajusčich vo neprijatel'skoj krainí, — o holod, o nedostatok hrošej, bojevoho materialu, i pr. čtoby lem simpatiju, naklono-  
nost' svíta, neutral'nych narodov, sobí zapevniti,

a s tím priobrísti material'nu i moral'nu pomoč'; a svoich poddannyh v hníví, v nenavisti uderžujut, ibo lem tak možut za doľšij čas slípiti "svoich!" A kto osmíľitsja s pravdoju vystupiti, toho pravitel'stvo sprjače iz pod noh, jak buntovščika, zradca, izmínnika, špiona.

Zaprovadjat cenzuru, ne lem na gazety, no i na privatny pi'sma, i ne pozvoljat nič napisati, čím by pravda, mohla otkrytisja. Kto lem pisnuti, ili svoje nehodovanije prošeptati osmíľitsja, s tím korotko zaobyjdesja pravitel'stvo. Gazetu udusjat a privatny osoby berut v process, v temnicy. Tak vyzerat svoboda svobodnyh narodov i svobodnyh krajev! Povsjudu! Bez izjatija! Čto to, civilizacija?

\* \* \*

Ul'ča polučila takožde vojennu kartku ot Javora, ot zaručennoho svojeho. I on lem stol'ko pisal, že zdorov, učit daľše, provadit officersku školu, no uže doskučilosja jemu, i nadíjesja, v korotkosti otpravitisja na front.

Na novyj hod, snova piše Jurko, iz pod Karpat, i žaluje, že ne moh polučiti urlaub, uvolnenije, choť na dva-tri dni. Bol'she terpjat ot zimy, jak ot neprijatel'skich napadenij i kul'. Pro sníhi veliki i jeho husarskij regiment, piše bere učaš' v bor'bí.

Rossijske vojsko, vo velikom množeství horne-sja Karpatami, na Uhorsčínu. Zaberajut bereh za berehom, horu za horoju; austro-madjarski vojska, ustupajut pred velikoju siloju.

Pojeden berežok, tri-četyre raza peremínjajet gazdu. To rossijski vojska vybjut honvedov, to

tí vspjať zajmut jeho šturmom. Za každú chatu, za každé drevo-skalu, otčajanna bor'ba provaditsja.

Austro-madžarski vojska ustupajut v Karpatach. Beľgrad ostavili po tyždnevoj osadí, a vsí sily obertajut v Karpaty, v zimí, na tot čas neobyknovennoj, v prevelikich sníchach, na jaki ot davna ne pamjatajut ljude, maširujut, nepristupnymi drahami, na vstriču krovavu.

Ot Tarnova musili otstupiti, vmísto toho zanjali nazad Kolomyju, Černovicy, Bukovinu očistili ot neprijatelja. Tohda Rossijane polučili veliki ukríplenija. Po polročnoj herojskoj oboroní, Premyšľ, kapituloval iz holodu i pro nedostatok amunicii. Desjať tysjač honvedov, chotjasčich perebitisja, čerez pozicii rossijskich vojsk, s malym izjatijem, pohiblo, a garnizon plínennyj ostal.

Neprijatel', heroizm garnizona kríposti, poučtil. Officeram madžarskim, ibo cílyj garnizon tí vojska sostavljali, šabli pozvolil nositi, a vojsko same, pod praporami svojimi, pri hlasach vojenoj muzyki, mohlo ostaviti krípost', a otdatisja v polon, v Sibir'.

Pričinoju padenija kríposti, starodavna zanedbalost' austrijskoho vojennaho pravlenija, tak nazvajemyj: "copf-varkoč." — Ne zaosmotríli krípost' sil'nu, s potrebnošťami, choť k tomu i imíli dost' časa.

Koncem marca, rossijski vojska snova zaplyli vyšnju čast' šarišskoj i zemplinskoj stolici, v takom množeství, s takuju siluju, že madžarske vojsko musilo ustupiti.

Uhorsčina otvorena ostala rossijskoj armadí,

kotora zalehla vysši časti stolic, po Bardijev — Kurimu — Humenne.

Narod iz podkarpatskich sel, utíkal pered neprijatelem k Prjaševu i daľše. Kohda uže huk kanonov i v Prjaševí čuti bylo, jak forposty kozaki uže i bliz kapušanskoj rovniny pojavljalisja, tohda i mísčane, zaberajuči so soboju drahocínny ríči, ili ich po vozmožnosti ukryli, a massami zalehli stanciju želízničnu, utekajuči na “dol’nyj kraj.”

Želíznicu vojsko vzjalo pod svoje pravlenije. Pro utekajučij civil’nyj narod, vyznačenny byli dva pojízdy (treny), no tí ne bylo vozmožno, pro vojskovy cugi, vo svoj čas otpraviti. Velike množestvo naroda, ne mohlo pomístitisja v budovljach stancii, boľša časť pod holym nebom, v zimí neobyknovennoj merzla, ožidajuči na otchod obícannoho pojízda, cílymi dnjami.

Díti plačut ot zimy, ot choloda — ot holoda, a ne možut otpravlenny byti, žensčiny histerično naríkajut, mužčiny klenut, a holos kanonov, čto raz holosníšje, bliže hučit iz po-nad místa. Pojízdy lem ne mož otpraviti, ibo vojenny treny prichodjat ot Košic neprestajno, so svižim vojskom, a takoj otchodjat s poranennymi nazad.

A tohda s jednoho peredovoho pojízda, prišedšaho iz doly, začne sypatisja čuže vojsko, s pikami na šišakach:

— “Prussaki tu!” — Zakričat naraz utíkajuči.

A sypannoju dorohoju začorníjesja, jak temny valy kartitsja kavalerija, na vysokich konjach; a poduvat vítor malen’ki zastavki pik.

— "Prusski ulany tu!"

A hornutsja konny soldaty, regement za regementom, kanony veliki i menši v prevelikom čislí, a meždu nimi na motorach, jak velikany meždu díťmi, ich čudesny osadny orudija, pozakryvanny velikanskimi plachtami . . . a zamerznuta zemlja dudnit pod nimi. S trenov pichota vsjakoho roda sypletsja. — Hde to vse mohlo pomístitsja, s kadi vzjalosja sije množestvo? A takoj prichodit druhij pojízd, a za nim tretij, a što raz bolše.

Narod zabył na svoju nuždu, terpínija, s histeričnym krikom, oduševlenno privítstvuje čuže vojsko, jak svoich otkupitelej. Množestvo utíkajusčich vozvertajesja nazad, vo svoi domy. Strach, bojazn' obernulasja na radost', — vojsko Makenzena tu!

Makenzen general, perenjal vodstvo sojuznych vojennyh sil; a načal napad, na neprijatelja, tak v Haličiní, jak i pod Karpatami. Četvertoho maja prevral rossijski pozicii pri Dunajcí, pones veliku pobídu pri Gorlicach. Junija tretjaho sojuzniki zanjali nazad Peremysl' i Rava — Russki, L'vov.

Madjarsčina osvobodilasja; no za jaku cínu? Russki jej zemli sniščenny ostali do tla. Iz pojednyh sel, místoček, ne ostalo nič, a što ostalo, nad tím narod vozvernuvšijsja, horen'ko zaplakal: hevtam komin iz murovanic, a s derevljankach holovni, s ovočnyh derev spalenny pni, dahde i čorny mury iz jednoj-druhoj cerkovcy . . .

Krasivy lísy našich Karpat, srubanny, zdremuzgany kuljami kanonov, a pod pnjami, holuž'em množestvo trupov; bídnyh, nesčastlivykh molo-

dych mužčin tílesa, kotorych materi, ženy, díti, Boh milostivyj znat hde, može okolo Vol'gi, Dnípra, ili pri Tisí, Dunaju, abo v tirol'skich horach, ili pri Rhejní, Oderí s plačom moljatsja za ich . . . zdorov'jem! Ci najdut ich hroby dakoli?

Luki, orny zemli, pasviska, sady, funduši, ulicy místoček, lísy hlubokimi perekopami, krista-križom peresíčenny. Kto bude tu i koli hospodariti?

A bídnyj seľskij narod? — Ne ostalo im nič, lem tí rjandy, s kotorymi pokryli hrišne tílo svoje, slezy, žal' i tot funduš. . . . cílkom pustyj! Ba dahde ani ne poznati, hde stojala chata dakoli!

Hde že podítisja? Ni chaty, ni chlíba, ni odeždy, ni hrošej! . . . .

A, odnak vozvernutsja na ispustošennu rodnu zemlju. — Povyľízali iz pesčer hor, iz pod zemnych dir, pivnic, hde ukrylisja pered kuljami, pered smertju . . . . vozvernulisja, vyschnuty ot prevelikoj nuždy, s horjačkoju otčajanija vo očach, domoj. Domoj? — Prehribajut popel, ruiny i hljadajut hranicy fundušov svoich, a sbivajut koliby protiv vítra, ot dožd'ju prolivnoho.

I tí, kotory na doľnyj kraj spaslisja, takže vozvertajutsja. — Ich ne mohla zaderžati lípša dolja plodorodnych storon Madjarsčiny; z lastočkami i oni vertalisja meždu svoi hory, lísy. Hory im ostalisja, no lísy nít!

Ta, vot tu ich rodnyj kraj, hde vesennyj vítor, meždu vítvami hudit, šepče, rospravljat im o starinnych časach, svobodnoj pradídnoj Podkarpat-skoj Rusi; hde ptički veselše, a znakomy písni spívajut, a potoček uspavajuči čerčit. To ich ro-

dinnyj kraj, to ich otčizna! — U-horska Rus'!

Podkarpatska bitva najstrašnjiša, najkrovavša byla. Makenzen spas Madjarov, so svoimi Prussakami, ale zemlja Rusinov propala sniščenna.



## LXIII.

**M**ARKO, s otcom Stefanom i s Bertu, prišli v stolične místo. Ščastje ich! Vicišpana avtomobil uže pered dverjami ožidal; v narodnych i vo vojennych spravach, otchodil s domu, v provodí bolše oficerov i činovnikov.

Otca Stefana Bogdan i Marka Furman, choť jak spíšilsja, prinjal. Marka, kotryj pro važnost' obstojatel'stv, v svojej ciloj starodavnoj uniformí javilsja, predstavil i oficerom, jak člena stoličnoj rady, rospovivše im, paru slovami i jeho historiju. Ibo Marko i pri svojej starosti, v svojej starodavnoj, no pyšnoj uniformí, po pri skromnoj bojevoj odeždi oficerov, krasnu figuru pokazal.

Podžupan barz žaloval, tak otca Andreja Bogdan, jak i Bertu, i udostovíril ju, že jej otcu ničeho ne stanetsja.

— “Panove moi, prošu vas, povernijtesja spokojno domoj. Ja v imeni stolicy, tak samo i episkop vaš, vse možljivo zdílali, žeby otec vaš, panna Bogdan, čím skorše dostalsja na svobodu. No, čerez nesčastlivu žalobu, kotoroj pisatelja, nadíjusa, v korotkom časi izslídujem, osobenno že pro jesče nesčastlivšu statju pojavivšusja v “Verchoviní,” tak ministerija, jak i vojennyj sud, ruki imíjut povjazanny. Ibo sija statja veliku senzaciju



zrobila, v cílom kraju. Oni chotjat vašoho otca, ot žaloby cílkom očisčennoho, s cílu česťju vypustiti na svobodu. No níkotory svidíteli, pered in vaziju, poutekali na neznakomy míscu, níkotory že na frontí suť, — pro to provaditsja izslídovanije, tak pomalu.”

— “No, ja konečno choču vidíti mojeho otca, i jeho potíšiti!”

— “Vpered uspokojaju vas, panna, že vaš otec ne zatvoren v obyknovennoj temnicí, no svobodno chodit, lem budovlju suda, ne svobodno jemu ostaviti, a nuždu ne terpit v ničem; s nim zaobchodjatsja, jak s čestnym čelovíkom i svjasčennikom!”

— “No, on odnakože plínnik, i ja dolžna jeho vidíti!”

— “Vašu dítinsku ljubov i vírnost' vysoko cínju! No, prošu vas, panove, putešestvije teper', pre mužčiny civil'ny, nesnosimo tjažke, a ne to pro molodu dívčinu. Na povozkí sovsím ne vozmožno. Dorohi zanjalo vojsko, a želíznicu, privoz municii. A ni píšomu čelovíku ne vozmožno idti dorohoju. A, pri vsích pasportach, každa straža požadajet legitimacii. Pri každom mostí i v každom selí, jak vchodite i koli vychodite, sered drahi zastanovljat vas. To, nevozmožno! Na trenach tak samo. Vy do Košic nedobjetesja za týžden'. Posluchajte mene: napišit', panna Bogdan, pis'mo vašemu otcu. Opišit' jemu vse, što vy slyšali ot mene, a potom ožidajte terpezlivo otca, do sčastlivaha svídanija.”

— “Ja konečno choču vidíti mojeho otca, choť

by píchotoju prichodilo mní idti ko nemu!" —  
Plače Berta.

— "Teper' i to ne vozmožno, choť i ja by sam  
chotíl, ibo poka pasy vaši vystavljat, mine dva-tri  
dni. No jesli uže konečno chočete, vpered doví-  
dajusja, ci ne pereselili vašeho otca na druge místo,  
a tak daju vam pasy sam vystaviti, i zašlju ich či-  
novstvenno na imja otca Stefana Bogdan."

I pri tom ostalo. Podjakovali podžupanu i po-  
proščalisja s nim. A tak pošli do episkopa. I  
episkop to same im hovoril, a udostoviríl ich, že  
otec Andrej, v korotkosti vysvoboditsja. Episkop,  
sam posítíl otca Andreja. On dlja obstojatel'stv  
dobrí čuvstvujetsja.

Začím uže neskoro bylo, perenočevali u znako-  
mych, a druhij den' povernulisja nazad.

Berta isči tot samyj večer', napisala obširnoje  
pis'mo o vsem; potíšuje jeho i umoljaje, žeby spo-  
kojnij byl, ne staralsja, ne mučilsja: nevinnost'  
jeho vyjdet na verch, a v korotkosti pojdet posítiti  
jeho, lem pasy polučat.

No Andreju Bogdanu pisal i episkop, i sam  
vicišpan, žeby zaboronil svojej don'ki putešestvije,  
pri takich tjažkich obstojatel'stvach. Pasy pod-  
pisanny stoličnym i vojennym urjadom, až o tyž-  
den' polučili, s povídomlenijem podžupanna, što  
otec Andrej pereselennyj ostal v Pjaťkostely,  
pered glavnyj vojennyj sud, hde jeho sprava, na  
kotoroj tak on, jak i sam episkop pritomny chotjat  
byti, jak najskorše okončitsja. Povídomljaje ich o  
tom, že pisatelja žaloby vyslídili v osobí, byvšaho  
pisarja, Falušija, ktoroho i pro množestvo drugih

oklamstv, a osobenno že pro špionstvo, v temnicu vsadili. Že ne byl povíšennyj, to pro process Andreja Bogdana stalosja.

Prosit Stefana Bogdan, daby poždali s posísčenijem otca Andreja v Pjaťkostelach, do hlavnoho perehovora, i tohda daleku dorohu, pod jeho nadzorom, lehkše okončat.

Přišlo pis'mo takoj ot otca Andreja, dolhe, prekrasne, jake lem jeden dobryj, ljubimyj otec može, dlja uspokojenija dítiny svojej napisati. — Tatko protivitsja jej putešestviju; s tím lem jeho by nepokoili, ibo on by strašenno staralsja o nju, za cílyj čas putešestvija. On zdorov, dobrí zachodjatsja s nim, i spokojnyj, ibo znajet, čto jeho donečka v dobrych rukach. Pozdorovljajet vsích, až i Evku.

Berta, jak znala, kto zradil jej otca, takim hnušnym, podlym sposobom, kto prines na nich stol'ko žali, nesčast'ja, horen'ko plakala, iz han'by, že takomu bezsovístnomu, zlobnomu čelovíku, raz dovírjala. A až strach obhornul ju, jak sobí pomyslila, že v jaki ruki byla dostalasja, jesli ne sija vojna, — a što ju ožidalo bylo, iz storony seho podljaka, jesli ju otec, isči zavčasu, ne vysvobodit iz jeho ruk, i ne otveze do stryka Stefana. A pro nju musít teper' tak terpíti!



LXIV.



**O**T JURKA prišla jedna pošтова kartka, ot Gorlic.

— “Hurra! Gorlicy! Alexij Bogdan, moj oberlajtnant, pozdorovljaje otca Stefana. Cíluje vaši rodičeski ruki, i sestry: Jurko—lajtnant, vladílec zolotaho kresta.”

Staryj pročital, pyšno i radostno vyprostilsja, ide k žení, kotora s dívčatami razhovorivala. Pohlas-  
skat jej sídu holovu i pocíluje v lice:

— “Popočko moja, othadnij, najnovšu novinu!”  
— A žartovlivo skryl kartočku syna, za chrebet.

Don’ki okelo otca, sej dvih kartku vysše holovy, i veselo naderalsja s ljubopytnymi svoimi díťmi:

— “No, kto othadne, tomu obícuju i pol carstva mojeho, choť pravi ja ne Irod!”

— “Ot Jurka!” — Kričat dívčata i podskakujut za kartkoju.

— “Jaki muderkini! Ale, što piše, to othadaj-  
tel!”

— “Zdorov!” — Kričit Marta.

— “Jaka mudra! Pravda že zdorov, choť i ne pisal! . . . Cílkom inše! . . . No, po pervyj raz . . . po druhij raz!” — Licituje. — “Kto othadat?”

Ne othadali. Moljat, prosjat otca, žeby im dal pročítati . . . Jak pročítali, až sviskujut ot radosti.

Dveri otvorjatsja, klopkan’je ne počuli, i vstupit

Berta. Ul'ča i Marta bižat k nej, cílujut, obertajut ju:

— “Bertus', Bertus', velika novina pro tebe!”

— “Tatko vysvobodilsja?” — Prositsja ona zradovanno.

— “Isči nít, ditja moje, no v korotkosti vozvernesja domoj.” — Potíšuje ju Marko.

— “Brat tvoj Alexij, stal imenovan oberlajtnantom.”

Rosplakalasja. Tak . . . . brat ostal oberlajtnantom, a otca jej otečestvo, za kotre brat žit'je svoje žertvuje, v temnicí deržit! Jak že tu možno radovatisja? Vzjali meždu sebe, rozhovorjali, potíšali, tak serdečno, že i jej nadežda na skoruju svobodu ožila, i radost', nad uspíchom brata ljubeznaha, zablestíla v očach.

— “Mamo, díti, naš Jurko ostal lajtnantom, a k tomu, isči i zolotyj krestik!” — Hovorit Marko . . .

— “Ul'čo!” — i sposmíchujesja na nju, — “ja štos' i pro tebe imíju” — i vytjah iz pod huni pis'mo Javora, i otdal jej.

— “Dnes', dorohen'ki moi, radost' pro nas. Mamko! Povolajte na večerju i farskich. Dostojno by posvjatiti uspích našoho Jurka! Takoj sam idu pozvati ich.”

Ul'ča choče so svoim pis'mom pojti v svoj pokoj, no mati hovorit jej:

— “Ditja, ne chotíla by jes' pis'mo pered nami pročítati? Ta i on uže naš!”

— “Mamko, trudno bude. Jesli što žalostne piše tohda iz žali, a piše níčto vesele, to iz radosti plaču. Ne milo sluchati take čítan'je.”

— “Lem probuj, ja by tak rada posluchati jeho mudry slova.” — Prosit mama. Posidali. Uľča rostvorit pis'mo, zaljublennno pritisne k ustam, a čitat:

— “Doroha nevíston'ko, moja, Julija! — Sotki kilometrov meždu nami, no ja, s dušeju i s serdcem s mysljami vsehda pri tobí. I v samom doždju kul', tvoji oči svítjat mi i provadjat mene. Što by ja byl bez ljubvi tvojej, bez tvoich molitv, v tom žit'ju užasa? — Oj, jakij ja blahodarnyj tobí, za ljubov' tvoju, za tvoji mily rjadki! Davno ne bylo vozmožno. Tjažela služba zanjala mene, bez vseho otpočinka. Ne uvíritel'no, što može jeden čelovík snesti?! Chudoba, želízny mašiny vypo- vídjat službu, a čelovík perenese i ne vozmožnoje. Byli sedmicy, koli cíly dni ne mož bylo kusok su- choho chlíba sjísti, a ni pohar vody ne bylo, a denno jednu hodinu čelovík ne imíl otpočinka. — Hde verchom, hde avtomobilom, den' a noč' v službí. — Jak ja tobí uže pisal, prosilsja na front... otpočiti! No sklamalsja strašenno. — Jak profes- sor imíl spokojny noči, porjadnu postel', čistu odež- du; a teper' cílymi sedmicami, ne ležal v posteli, i blažennym čuvstvujusja, jesli časom udastsja mi, na solomu ljahnuti; a v dvuch tyždnjach raz pere- blečisja. A ja pri general'nom štabí služu! Štože prichodit snošati tím, kotry v rjadach, trenčach ispolnjajut službu? Teper' ostal imenovan v ma- jora, ne pro svoju chrabrost', no pro nedostatok oficerov . . . . čemu odnakož očén' radujusja, pri moich dvadcať-osem lítach! — Zdorov, chvaliti

Boha, i djakovati tvoim molitvam. O sebe ne imíju što bolše pisati.”

— “Oj, dítočki, što to za čelovík! A ni ne pochvalitsja, jak druhij!” — Hovorit mama, a s radosti oči uterat do fartucha. Oni uže čítali iz gazet, že jeho duchapritomnosti mož djakovati, čto cílyj general’nyj štab, ne upal v plín’, pri nespodívannom attakí kozakov, i pro to dostal otlíčije vysokoje, znak pochvaly — signum laudis — i vozvyšen byl v majora. Ul’ča čitajet dalše:

— “Ja znaju, što tebe, dorohaja moja Ul’čo, interessuje i sama vojna. Ne možeš’ ponjati strach, nesčastje, jake sija vojna prinesla na narod. — Sej strašnoj bor’bí narodov historija s krovavymi bukvami budet napisanna. A na každoj storoní zazačenny budut sotkami, krovavo prežity, i trohateľno preterplenny suďby tysjačej: končina, zamordovannych ne vojnych mužej, — smertel’nyj vop’l’ snasil’stvovannych žensčin i dívušek, — ho-rest’ prestrašennyh dítej . . . stonan’je chvorych i starych! Taka to strašna lektura-čtenije bude, že naši potomki, lem so stydom budut ju čitati, i ne schotjat uvíriti. Stydatisja budut svoich otcev, kotory na nich taku han’bu, jak naslídstvo ostavili! — A na listach historii teperejšoj vojny meždunarodnoj, izčislenny budut zvírstva, žestokosti, na jaki ne možut spsobny byti, a ni sami dikuny v Afrikí, — zvírstva, kotory čitatelju vybjut na čelí pot užasa! A meždú pročim, opisovati budut muki, stradanija dítej, samotnyh dítej ostavlennyh bez otcev, bez materej, bez chaty, be zkuska chlíba, što by utoliti hryzusčij holod, bez odeždy, s kotru

by zakryli svoi ot zimy trjasusčisja slaby-molody tíla, bez posteli, hde by strach, holod, zimu, vy-počítí, a na korotkij čas svoje nesčast'je zabyti mohli! A dolja strašna ich roditelej, ich srod-stvennikov, ich nesčastlivych sester, v toj historii lem massovo, voobsče spomnetsja, pre neizčislen-noje množestvo, čtoby potolkovali: jak mohlo to statisja, že toty díti ostali bez pokrovítel'stva, bez ochranenija, same na sebe; samotny, ostavlenny na svítí, jak polova, jak smít'je-smetki na rastoptan-noj stodolí boisča!

— “A, teper' moliserdny ljudi, pani i panove, členy spomahatel'nych obsčestv, pri pomoči officerov i voinov našich, s místa na místo, iz sela na selo putešestvujut i iz meždu rozvalin, iz lísov, pesčer soberajut pohibajusči životy. A, sostavili inventar-spisok bídstvija, bez vsích trohateľnych opisanij, bez dal'sich žalob, jaki do neba vopíjut o mešt', o vosplačenijsje! Do teper' spisali my inventar šest' tysjač dítej: sirot, žebrakov, ba storaz hor'sich, jak opusčennych žebracskich dítej. Ibo díтина žebraka, imíje roditelja, a choť lem dakoho dídu-s'ja, — a, ne vidílo tí neizrečenny, hnušny nasíl'stvija, užasy, jaki pered ich očami otihralisja, s ich materjami, sestrami. Tí siroty soberajem teper'. Užas, jakij ty sobí predstaviti ne možeš', dorohoje serdce moje, jakij ja byl ne uvíril nikohda, jesli mi ich, hde-tam ostavšisja staruški s plačem i so strachom, sami ne byli rospovídali, jak očevídcy! — Ja prosilsja sam sebe . . . . teper'? To vse teper' mohlo statisja, v dvadcatom víku? — Oj, ne-vístko moja, po zaključenii pokoja, taki užasy



vyjduť na verch, o jakich v časach našestvija tatar, turkov svít ne slyšal. A to vse ne indijcy, ne nigry, tatory, kafery i proči zastupniki civilizacii i svobody, kotorych protiv nas, naši vrahi vprovadili v Europu, ne oni, no civilizovanny europejcy nadílali, s pozvoľenijem a s časti i pri učastvii svoich officerov.”

— “Poznakomílsja s odnym slavnym čelovíkom, s pisateľem i poetom švedskim Aage Madelungom\*), kotoryj našu bor’bu v Karpatach, jak reporter, lično prožil, vidíl, až do samoho osvobžodenija Haličiny. Išol s vojskami našimi, iz sela na selo, po místam on vidíl sije strašnoje i nepotrebnnoje razorenije; on slyšal, značil sobí, vsí skarhi, žaloby išči pozostavšichsja ľjudej, o čem i pisati bude. On hovoril mi:

— “Ja ľjublju Haličinu!” — I ja poljubil ju, jej tichij, skromnyj, nesčastlivyj narod. — Slyšal ponosy, žaloby ich, protiv samych soplennikov svoich, jak oni, hde odno, hde druhe pravlenije vojennoje, t. j. hde Austrijakov, hde Rossijanov, iz partijnoj nenavisti, podusčali protiv mužej druhoj političnoj partii; i sami otdali množestvo nevinnnych, katam v ruki, na smert’! Neuvíritel’no! Zaprodavali jeden druhoho, iz partijnoj nenavisti, kohda i sama vojna, stol’ žalosti, stol’ nesčast’ja nanesla na nich, na ich bidnyj kraj! Neuvíritel’no! — Ach, jaki vy sčastlivy, što Boh pomiloval vas, ot invazii izbavitel’noj, po kotoroj tu ne ostalo nič,

---

\*) Pereňal opisanije sije, iz reporta samaho pisatel’ja: Aage Madelung. K.

lem ruiny horodov, spalenny sela, a po berehach i dolinach hroby tysjačami. S níkotorych sel, isči i teper' kuritsja, a žal'-plač halieckich osiročennych dítej, — kotorych mamy, sestry, pod rukami zvířskich soldatov propali, a ich oboronjajuči stariki-staruški, pod kolbami soldatskimi pohinuli, — s tím dymom dvihajetsja vo vysotu! — My idem vpered pobíditeľno; no koli že okončitsja sija vojna? Ci sud'ba Boža isči ne ispolnilasja nad narodami? Kto by to znal? — Pocíľuj ruki našim roditeljam, i našu sestričku Martusju, a bud' spokojna, može čerez doľšij čas, ne polučiš' ot mene izvístije. Utrom idem daľše, kto znajet, koli prijdem, snova k otpočinku? — O Jurka ne slyšal nič, ni o Alexija, oni na druhom krylí, a daleko ot hlavnoho štabu, hde mene služba zaderžuje. Otdaj moj poklon otcu Stefanu i jeho paní; a ne zabud' na moi dítočki škol'ny! — Teper' iz daleka často pamjataju na nich, ibo oni neizhlaholanno sčastlivy, stotysjači raza sčastlivši, jak ich maly brat'ja i sestry, v nesčastlivoj Haličiní i na Verchoviní. — Cíľuju tvoi ručki, i serden'ko tvoje, — lem molis' za mene! Tvoj ljubjasčij Stefan." — Vsí sidjat tichon'ko i rozmyšľajut. Jest' o čím!

Pis'mo Javora pročitali i Bogdanovym, kotry prinjali zaprošenije Marka. Marko primítil:

— "Otče, vy v tom imíli pravdu! Ja ne viríl našim gazetam, ni ne uvířil byl nikomu, jesli to vse, ne "naš Stefan" piše! Molodyj, no serjoznyj čelovík, jakich malo. A jak ljubít díti, pokazuje jeho pis'mo. Na skol'ko protivilsja jeho prinjati,

jak sel'skoho učitelja, v moju prostu familiju, na stol'ko teper' ja hordyj na neho!"

A Marko, kotoryj nikohda ne pil nijakij napoj, teper' sam pošol v pivnicu, vynes stare tokajske vino, kotore išči v pivnici svojego pokojnoho testja, jak otkupil majetok, složil, i každyj s neho musil piti, až i samy dívčata. — A radostnyj, veselyj byl, jak dakoli v molodosti svojej, a jesli by ne Bertus' i ne žal' za otcem, to može by s radosti i zaspíval sobí.

— "Ul'čo, dítino, jesli Boh laskavo pozvolit mi dožitisja tvojeho vesílja, to pervyj tanec s toboj, vyprošu sobí ot mojeho majora!"

Na to uže, i Berta musila smíjatisja. Ul'ča s potíchoju priobícala pervyj tanec svojemu otcu, i oči jej zaplyli radostnymi slezami:

— "Lem by Hospod' Boh, zdorovoho priprovadil jeho nazad." — I pritulilasja, jak by o pomoč', k mamon'kí svojej.

— "Marku, a ja ne vyprošaju sobí tanec, ibo uže nohi ne poslužili by, no tí, naši holubčiki, musjat mi na vesílju zahrati tak, . . . pamjateješ', jak tohda na svjatyj vecer'?! Ja tohda poljubila mojeho budusčaho zjatja; ibo kto znat tak čuvstvitel'no ihrati, tot ne može podloho serdca čelovíkom bytil"

— "Oj, oj," — podskakuje Martusja i kljapkat v doloni, — "mi ne raz prisnijetsja tota muzyka. A ja jeho tohda pocílovala, a ni sama ne znaju, jak mohlo somnoju stasisja? A, potom strašenno stydalasja sama sebe, až do toho časa, jak uže ja znala, što on moj šurin (švoger) bude." — A tak

smišno spovídalasja, že vsí smíjalisja s nej. Otec Stefan pozríl na svoju Tan'ku, i žmurknul na nju, jak by jej hovoril:

— “Jesli by ona mohla byti Alexijeva?”

A, Tan'ka porozumíla muža, vstala i poljubila totu nevinnu veliku dítinu.

— “Otče!” — Hovorit veselo Marko, — “jak že to bude, što ja staryj vyslužennyj, penzionatnyj husar, ne lem zjatju svojemu, no isči i samomu synu saliturovati mušu?”

— “Tak to, brate Marku, na svítí teper'. Tak i so mnoju. Ja staršij sel'skij svjasčennik, mušu svojemu molodomu episkopu povinovatisja. Svít dlja molodych, my v ich uspíchu, v ich sčastju nachodim radost'!”





RI DNY| pered rozberan'jem suda otca Bogdana, jeho don'ka Berta, a na jej pros'bu, žeby sama, bez ženskaho suprovoda ne musila byti, otec Stefan i Marko, vzjali so soboju i Ul'ču:

— "I tak lem víčno doma sidiš', dítino, ne chodite nihde!" — Hovorit jej mati.

— "A škola?"

— "Zastupit vas, Ul'čo, staryj učitel'." — Odpovídát otec Stefan.

— "Ho-ho-ho!" — Strachatsja i smíjesja Ul'ča.

— "Nevozmožno otče! Ta, vot on by ne znal, što s nimi začati. To mudry díti, oni by lem posmíški robili iz staroho čelovíka."

— "Ja tja, Ul'čo, zastuplju!" — Obícuje Marta.

— "Dobří, a jesli by tjažko išlo, tohda rozpustite dítvoru, zaprete školu, na moju otvíčatel'nost'." — Dispensuje Otec Stefan.

Pustilisja v dorohu. Odnakože to ne tak išlo, jak v pokojnom časí. Drahi, što meždu obyčajnymi obstožatel'stvami, byli zrobili za šest' hodin, teper prišlo im putešestvovati, ba lízti, jeden cílyj den' i noč'. Tak, až druhe rano prijíchali v Pjatkostely. I to lem episkopu i vicišpanu djakovati. Oni musili svoimi sudovymi pozyvami i pasportami usposobiti podorož' i míсце vyhodníjše

pre vsích zapevniti; bez sudovoho pozyva, ni mísce ne byli polučili v otdílach vojskom perepolnen-nych.

Želíznica, v službí vojennoj stoit; otpravlenije personal'nych pojízdov, závisit ot toho, ci linija ne zanjata vojskovym transportom. Míscami pojízd stoit i po dvi-tri hodiny, a otpravlen ne može byti. Na každoj stancii žandarmerija perezerajet pasy putešestvujusčich, isči i samych vysokich oficerov. Vicišpanu dopilosja, i na jednoj stancii merzko hovorit žandarmu:

— “Ščastlivyj, kto ne musit putešestvovati!”

— “Vy myslite, pane podžupan, že pro nas to velika prijazn'? My lem prikazy verchnosti ispolnjajem!” — Otpovídajet žandarm.

Za pomoč' vicišpana i episkopa, Marko s otcom Stefanom, inym sposobom otvdjačilisja. Oni pri-nesli so soboju jídla: šunku, kurjatinu, kolači, chlíb, pro dívčata kavu, až i fljašku tokajskoho vina; čto vse na stancijach ne mož bylo polučiti. Takim sposobom podorož' ich, okončilasja ne shor'sha, ne terpíli nuždu.

Isči pered processom, s polučennym pozvolenijem, posítili otca Andreja v temnicí. Ot mísjacov, pervyj raz vidíl don'ku svoju; a ona byla jeho a ni ne poznala. Pod tími mísjacami, choť pravi nuždu v ničim ne terpíl, a stavu jeho sootvítno, s učti-vost'ju zaobchodilisja s nim, no duševno mnoho stradal; sostaríl, shorbilsja. Berta objala šegu jeho i hor'ko plakala:

— “Oj, što zrobili s toboj, taten'ku moj milyj?”  
Jedva mož bylo ditja uspokoití.

Process okončilsja skoro. Na sudebnom proizvodství, pritomnyj byl i staryj notar "Janči bači", kotoryj s nimi na tom samom pojízdí putešestvoval. Jeho sviditel'stvo dramatičeskí okončilosja kohda meždu slezami otpusčenije prosil ot otca Andreja, za jeho nevinno preterpivší muki, v imeni cíloj stolici s hnušenijem, s merzost'ju pokazal na pisarja, kotoryj s želízom na rukach, stojal meždu četymja voinami, jak na pričinu vseho. No sud Božij dostih jeho, za zlobu, za podlotu. — Jemu nikohda ne bylo prišlo na rozum, a ni najbol'soho svojego vraha, nevinno obžalovati, ne to čestnoho otečevstvu svojemu vírnoho muža. Pri tom rospovíl i žal', istinnu ljubov vírnikov, jak Bogdana arestvovali, i trohatel'ne ich proščanije ot neho.

V piš'mach iz Rossii ne nachodilosja ni najmen'soho podozrínija dostojnoje, vpročem uže barz davno byli pisanny, a cílkom ličnoho soderžanija byli.

Episkop sviditel'stvoval, že v staroslavjanskom jazyku, korol' "carem" nazyvajetsja, a pri službach Božich, v služebnych knihach, na Uhorsčíní, tak spomínajetsja, tak samo i vo svjatom piš'mí.

Vicišpan sviditel'stvoval, že dlja informacij svoich podčinennych urjadnikov, otec Andrej Bogdan, vsehda lojal'nyj, čistoho charaktera, narod ljubjaščij horožan byl.

A, tak prišol rjad na samoho pisarja. Sokrušenym serdcem, vírno vse isповíl pered sudom. S kačmarom židom seľskim, vydumali sije merzkoje dílo, ibo nadíjalisja, že z imínija otca Andreja za žalobu, nahraždeny budut. On napisal žalobu,

poddílal pis'mo s imenem notarja, i pribil činovstvennu jeho pečat', — on chotíl podpaliti parochiju, — on podal stat'ju do gazety "Verchovina," — on naustil narod, žeby vykrali parochial'nyj dom, — on vysvobodil faľšovannymi sviditel'stvami nískol'ko voinov iz pod služby, i za to vyder ot nich mnoho hrošej, — on s židom špionoval pro rossijske vojsko, no i tích oklamal, a im vyduman-ny informacii zasylal, čerez žida; žida dostihla ruka Boža, pijanny kozaki, dobili i vyhrabili dom jeho; a jak pisarja švindlerstvo, rossijskij komandant obačil, utek v lager madjarskoho vojska, hde jeho zaarrestovali. Až i k tomu priznalsja, že vojennych vdovic i sirot hroši pokral, zatail. A to vse podrobno ispovíl, ne vykrašivalsja, nič ne utail. Jeho priznanije veliku senzaciju vyzvalo v sudí tak, že polkovnik, jak predsídateľ suda, ne moh vozderžatisja izjavlenija:

— "Stoľ podloty, zloby, razvratnosti, u jednoho čelovíka, za čas mojej dolhoj služby, isči ne sku-sil, ne vidíl, no a ni ne slyšal!"

Isči stoľko čuvstva bylo u pisarja, že o Bertu ne spomínal ni slovom. Obernulsja k otcu Andreju i dvih k nemu okuty ruki svoi:

— "Ja znaju, že ja zaslužil smert', i ot nej nikto ne možet spasti mene. Pro to, pro miloserdije Boha, molju vas, otče vsečestnyj, i panna Bogdan, jesli vozmožno, otpustiť mi vsju tuju horest', krivdu, škodu, kotru ja s podlosti na vas nanes. Ne kleniť mene, za tí misjacy stradanija, pered olta-rem, ktoromu služite. Zloje kamaratstvo molodo-sti mojej, priprovadilo mene do toho. Pozvol'te



mi pocílovati vašu nevinnu ruku, v znak vašeho svjasčenničeskaho otpusčeniija. I vas, pane notar', molju, otpustiť mi!"

A slezy pokajaniija istinnaho pokatilisja jeho blídymi licami. Otec Andrej podal jemu ruku, v znak otpusčeniija.

Sud uvol'nil ot vsej žaloby, otca Andreja i za nevinneho vyholosil, a s učtivostju pustil na svobodu. Predsídateľ suda vojennaho, a s nim i jeho dva sotovariši sudii, tak i prosekutor vojennyj, podali ruku Andreju Bogdan, s udostovírenijem svojej radosti, nad jeho nevinnosťju i polučennu svobodu. Berta s radosti nad osvoboždenijem svojeho otca, za cílyj čas, tichon'ko plakala. A tak ostavili sudovyj terem. Podžupan s episkopom pojíchali v Budapešt, Andrej s bratom, s Markom, s dívčatami vertalisja domoj, k nim priključilsja i Jančibači, kotoryj iz radosti nad vsím, dobrí iz skory ne vyskočil.

Premier-minister, graf Stefan Tisza, jak ka'vin, dobrodušno otnošalsja k cerkvi vostočnaho obrjada i Rusinam Podkarpaťja, prinjavše v audiencii podžupana i episkopa, strašenno nehodoval protiv podozrínij i prenaslídovan'ja Rusinov, v ostrych slovach. Podžupan predložil jemu, čtob činovstvennym izjavlenijem udovletvoril (zadostučinil) oskorblennomu russkomu naseleniju i jeho plínennym, snevažennym voždjam. Premier, ktoroho: "želíznoj ruki ministrom" nazyvajut, odpovíl:

— "Pri takom oskorblenii, nijake pis'mennoje udovletvorenije ne vystarčit, osobenno teper', koli seho naroda lojal'noho i samych klerikov, dobro-

voľno služasčich v špytaljach vojennych, na osnovi falšivych donešenij, internovali! Nít, ja sam pojdu na vaši storony i pered urjadnikami vašich žup i zastupcami naroda, sdílaju udovletvorenije, i lično pereprošu sej dobryj narod, za oskorblenije! Pere-dajte, prošu Rusinam vsím moje pozdorovlenie. Vse vozmožnoje choču dlja nich sdílati!"\*)

Andrej pojíchal do brata, zabyti i otopčiti. Zdorov'je jeho sil'no poterpílo, vo vjaznici. Eva, jak uvidíla svojeho gazdu, shorblennaho, blídoho, schvorovannoho, takoj na dvorí objala jeho kolína, a hor'ko plakala, že ne mož bylo ju uspokoití:

— "Dobří Evko, ditja moje, teper' uže ja doma!" — I pohlaskal jej holovu.

Druhij den' po sudí, tí samy gazety, kotory raspinali otca Andreja Bogdan, "moskovskimi rubljami podkuplennaho zradnika otečestva," — po cíloj krainí rospisalisja o sudí, i predstavili otca Andreja svítu, jak najlojalníjšoho, najvirníjšoho syna otečestva, a "mučenika podlosti čelovíčeskoj." Ostro protestovali, protiv takoj lehkovírnosti sudovoj, hde čelovík, o ktoroho nevinnosti, uže vpered cílyj svít: jeho znakomy, jeho pravitel'stvo, jeho predstavlenny, tak svítski, jak i cerkovny, udostovírenny byli, tak dolho, čerez mísjací v tjurmí, bez vsjakoj pričiny, zaderžan i mučennyj byl. — Napadali ministeriju, sud vojennyj, pravlenie stolične, uhrožali s interpellacijami v parlamentí, — a nikto s nich ne moh ponjati, že jak to mohlo

---

\*) To historičeskij fakt, dlja polučennyh informacij. Sej minister, byvše kaľvinom, blahoželateľno odnosilsja k Rusinam. I ispolnil svoje obísčanie.

tak na dolho otvlečisja jeho osvoboždenije, v takich tjažkich časach, kohda na každoho člena narodnostej krainy, otečestvo veliku potrebu malo!

Putešestvujuci, na tom želíznom pojízdi, jak poznali Bogdana na trení, dlja jeho v gazetach pomísčennej fotografii, ovacii robili jemu, každyj usilovalsja, choť lem ruku s nim stisnuti; a Bertu, jak don'ku martira za otečestvo, veličali.

Tak, že na poslídí, to baržej smerzilosja Bogdanovym, jak sama tjurma! — Publika, s osobennoju vnimateľnostiju divovalasja na staroho Marka, v jeho starodavnoj uniformí s otličijami, a jak doznalisja, što i vo gazetach opisanno bylo, že jeho zjať major, a syn lajtnant, pro chrabrost' dekorovanny, formaľnu ovaciju robili jemu. S kvitjem ich obložili, osypali; a žandarma, kotryj ich passporty požadoval, publika byla iz trenu vyšmarila.

Riportery, v každem místočku, prisídali do ich pojízda i vyprošali, intervovali ich. Im to vse, na veliku obtjažnosť bylo; no što robiti?

Falušija, sud vojennyj, osudil na smert': motuzom, na šiben'. A po dvadcať četyrech hodin i vypolnili na nem sud.

Uľča, mamí i sestří, cílu podorož' opisala, rospovíla, cílyj sud:

— "Vírujte, mamočko, škoda toho molodoho čelovíka. Siľnyj, krasnyj mužčina, schopnyj, talentlivyj. A, že tak nizko upal, takim isporčennym moh statisja, ja nijak ponjati ne možu!"





**T**YŽDEN' za týždnem perechodil, minul-sja. Andrej Bogdan išči vsehda u svojeho brata. On, kotoryj za žit'ja svojeho, nikomu nikoli ne byl na obtjažnosť, te-per' bezčinnno sidit u brata. Što jeho hryzlo, ne-spokoilo. Takoj v pervych časach hovoril švegeriní svojej:

— “Tan'ko, švegerinko, jesli vy taki hostiny vyrabljati budete, to ja uteču ot vas!” — Žartovlivo hovoril, smíjalsja, no pravdive čuvstvo, mysl' iz holosa jeho možno bylo vyčuvstvovati. On ne znal zakryvati mysli, čuvstva svoi, ne byl politike-rom, ne znal pretvorjatisja.

— “Jaki že hostiny, švogre? To jíme, što i pered tím. Tota tarelka supy, kusočok mjaso, takoj iz svojeho dvora, a k tomu ložka horochu, kapusty, ili inoj pribočnoj stravy? My vsehda tak propitalisja, pro tebe nijaku premínu ne robime.”

— “Andreju, brat moj! Ty sobí žit'je svoje sam robiš' tjažkim. Pro što že ne uspokoiš'sja s ob-stojatel'stvami? Ja s tvojej bratskoj laski prišol k tomu chlíbu; tjažko prichodit tobí s neho jeden kusok prijati? Koli ty mi tot kusok desjať raz, jakim-takim sposobom, zaplatíš', vnahorodiš'; hde to, hde inše kupuješ', prinosiš' v dom.”

— “Ale, bídna Tan’ka tvoja, trapitsja, sujetitsja s nami.”

— “Ja, švogre? Otkoli vy tu, nič mi ne potrebno robiti. Pred tím, ja sama varila, prjatala. Teper tu robotu, Eva končit za mene, a Bertusja ne dast mi a ni sohnutisja; vse sama zaobstarajet. Ja, jak dajakij host’, prechožusja, otpočivaju sobí.”

Andrej, na čas snova uspokoilsja. Chodil do Marka, ktoroho poljubil, jak svojego rodnoho brata; a jak ljubitel’ hospodarstva, uže na razsvítí po polju perechodilsja; radovalsja uročajam krásnym, a po stol’ mísjačnom zatvoreniju, polnymi hrudjami vdychal v sebe zdorovyj, čistyj vozduch. Pohljadal na polju Marka, rozhovorivali o minuvšich časach ich molodosti, o politikí. Marko rospovíl jemu cíle žit’je svoje, a jesli dobroj djaki byl, episydy iz svojej molodosti, svoju vojennu karieru. Takim smačnym, natural’nym sposobom, že ne raz veselo, smíjalisja, cíly hodiny peresidíli v bujnoj traví, v cholodku derev.

— “Pro što, otče ne idete zahljanuti na vaše imínije? Ci to zasíjanno, ci ostali polja pustymi bez gazdy?” — Prositsja raz Marko.

— “Brate, Marku, ne možu otvažitisja. Žadost’ za moimi poljami, za lísom, za polevačku, chvorym dílajet mene, no ne možu. Jak že mi vstrítisja s moimi byvšimi vírnikami, kotorym ja stol’ko dobroho robil, čerez cíle žit’je moje, a oni tak nízko, tak podlo, otplatilisja mi, v dni mojeho terpínija, — vyhrabili, snisčili mi vse!” — I stonal vozdychal ot horesti, ot žali nad neblahodarnost’ju.

— “Tak, otče, naš narod svojim dobrodíteljam, za ich žitja, ne znajet otvdjačitisja, blahodarnym byti. Učtit ich, i slavit, dorožajetsja s nimi . . . po smerti, koli iz davnoj minuvšosti, už lem jak legendy svítljat pered jeho pamjaťju . . . Odnakože, otče, i don’ka vaša želala by vidíti svoje rodne míсце, a hrob materi svojej.”

— “Daleko, Marku, a ni povozku ne mož pojíd-nati.”

— “Povozku? Vot, tu moja; na druhij tyžden’ obojdusja bez nej.”

Hospodarstvo, pro ne dostatok čeljadi i robotnoj chudoby, sperva tjažko išlo Markovym. O žen’sku čeljad’ ne bylo tjažko. Ne jedna žensčina, gazdynja, osobenno, ktoroj muž pohib na vojní, jesli dítej ne bylo, radníje išla služiti, jak mučiti-sja, holodovati doma. V Ameriku ne bylo voz-možno vyvandrovati.

A ktorom gazdovství bolše molodych chlopcev, neobvjazannych služiti pri vojsku, nachodilo-sja, tí očevidno bohatíli, hde rozvažna, energična mati gazdynila. Vse dorožalo, veliku cínu imílo. Maslo, syr, jajca, drobizg: kurjata, husi, tak sado-vina, zelenina, dobryj otchod imíli v místí. Vse mož bylo prodati.

Hospodar’, ne mat na što hroši vydavati, sam zaobstarat sobí vse. Hde invazija Rossijan ne znisčila sela, tam dobrobytije načalo. Nužda lem po místam velika, hde iz hotovych hrošej prichodit žiti činovnikam, remeseľnikam, kotorym ot naj-men’soho vse za hotovku potrebno sobí priobrísti.

A hrošej u nich, pro vojnu, pro nedostatok zarobka, malo; ne vystarčit na samyj chlíb.

Marko, vyprosil sobí ot pravlenija vojenneho, na vručeniye stoličnogo urjada, na čas poľnoj roboty, šest' plínnikov, i polučil tri pary konej; ne bezošibny, no do pracy sposobny.

V samom selí, tridcať plínnikov bylo po hospodarstvach, pod komandoju odnogo unter-officera. Plínniki, nočami v baraku, na siju cíl' ustrojennom prebyvali, a dnem pracovali po hospodarstvach.

Tichi, porjadny mužčiny byli, poslušny, pracovity, proischodjasčii iz gubernii poltavskoj, vsí hospodarski syny. Pod korotkim časom dobrí porozumílisja s narodom, kotoryj ich poljubil, pro skromnosť i čestnoje spravovanije.

Pod-oficer ich strašenno ostryj čelovík byl, pod vojennym pravlenijem deržal ich, ibo on byl otvíčateľnyj za nich. Ne poterpíl ni najmenšij neporjadok, osobenno p'janstvo meždu nimi. Dlja svojego zvanija, mašinistom byl, a v posłídnich časach, pered vojnoju, nadzíratelem robotnikov, v jednoj moskovskoj fabrikí. Vpročem obrazovannyj čelovík.

Marko so svoimi "moskaljami," jak ich narod nazyval, po bratski zaobchodilsja, rad s nimi razhovorival. Znal každyho po imeni, jeho proischozdenije, familiarny obstojatel'stva. Vsí ženaty i semejstva, díti imíli v otečeství svojem. Jesli ničto vraz robili, to bez spíva ne mohlo byti. Marko rad sluchal ich krasivy malorusski narodny písni.

— "Otče," — hovorit Andreju, koli raz tak

sluchali ich spív, — “mi viditsja, choťaj tí písni isči nikoli ne slyšal, što oni mi znakomy. Jak by zvuki ich rodny byli s moim čuvstvom, a holos tích písen’, jak by spívali v mojej tekučoj krovi, v mojej duši.”

Voiny-robotniki, vysoko považali Marka, i nijak ne mohli ponjati: že jak to vozmožno jednomu prostomu chlopovi-mužiku, v takom bohatství žiti, jak moh jeho sobí priobrísti? A pered panami taku česť, považan’je sobí vydobyti?! A, pri tom vsem, tak on, jak i jeho žena, odívajutsja skromno, jak druhí prosty sel’ski mužiki?!

V nedílju i v svjata vsí “moskali” marširovali v cerkov’, pod komandoju svojego unter-officera, a po službí vernulisja v kasarnju svoju, iz ktoroj a ni jednomu ne bylo pozvolenno, v selo zajíchatí. Marko svojich robotnikov v nedílju bral do sebe na obíd, razom s unter-oficerom, a s nimi i on sam obídal i veselo razhovorival.

Sovsím ljubilosja im na Uhorsčiní. No svoj rodimyj kraj, jeho plodorodnosť voschvaljali i krasotu svojej rodnoj zemli; no, ne voschvaljali zao-stalosť ich hospodarstva, nedostatok škol.

Vyprosili pozvolenije otca Stefana, žeby nedíljami službu Božu oni mohli otpívati. Krasno, harmonično spívali. — Chor Javora rozsypalsja, propal.

\* \* \*

Otec Andrej, ríšilsja isči raz pojti vo svoj pri-chod s don’koju, poprosčatisja s mohiloju svojej pokojnoj ženy. I predprinjal sobí, vyprositi u epi-



skopa druhu parochiju, abo s dakim promínitisja — počerjatisja, ibo bez díjstvija, prazdno dalje ne moh vyterpíti. Imínije svoje хотíl prodati, a mísce svojej molodosti, na vsehda ostaviti.

Jak vychodila s nimi povozka iz dvora, Eva pribíhla k Bertusí, uterajet oči do fartucha i prosit:

— “Naj že mi tam pozdravjat moju panju!” — A dolho prizeralasja za odchodjasčimi.

Episkop laskavo prinjal Bogdana, i imenoval jeho v sovítnika eparchial'noho. Bogdan poblahdaril episkopu za vse, za otecvsku starostlivost' podčas jeho plínenija, no imenovanie ne prinjal. On choče, jak prostyj sel'skij svjasčennik i na dalje služiti narodu. Polučil pozvolenije mínjatisja s dakím, ili novu parochiju sobí vyprositi.

Prišli v selo ich, zahnal na parochiju. Vse poovtorjanno, okna povybijanny. Spustošenno vse, jak by ktos', mest' svoju bezhraničnu, i na samych budínkach хотíl byl vypolniti.

Iz stodoly jedna storona vorot chibila, a druhu polovinu, vísjasču na jednoj zavísí, víter poduvoval: škripíla, jak by plačem. Do fary dožd' pretíkal, dvor zaros burjanom. Vošli v komnatu. Jak Berta porozzeralasja, holosno zaplakala! — Otec pohlaskal don'ku:

— “Ne plač', ditja moje! Lípše pro nas, že “lem” tak stalosja jak jest'! Ja vysvobodilsja; a tebe, holubočku moj, Boh takim čudesnym sposobom, takimi dorohami osvobodil ot nesčast'ja, ot propasti! Teper' už razumíju, i blahodarju Boha. Tak dobrí, moje ditjal'”

Što tam v izbách vidíli, nad tím mož bylo

zaplakati! Potrepanny mebli, pusty stíny, vybity oblaki (okna), vylamanny dveri, rjandy, sklo, boloto po kostki, i stíny sboločenny. Tatary ne mohly byli osnovníjše sniščiti. Dorohoho oríchovoho rostjahovačaho stola dví nohi vylamanny, svalennyj ležit sered izby; šafy, kasni porozbíjanny; iz velikoho zerkala, lem rama zaboločenna. A proče hde podílosja? Bílizna prekrasna, išči pokojnoj Bogdanovoj domašnjaja robota, závisy, zaslony, stolove sklo, graty, ukrašenija, obrazy? Jednogo starostlivoho usilovnoho žit'ja praca! — I to, što našli po izbách, lem žandare pozberali po selí!

Andrej vstupil do svojej komnaty, do kancelarii: bjurko potrepanne, posmotrit na stínu, hde jeho pokojnoj ženy obraz vísil. — mísce porožne, a s ramy obraza, slomlenny kuski na podloží. Jalsja za čelo i zastonal.

— “Vrahi čelovíka, domašni jeho!” — Hovorit sv. pismo. Otcu Andreju jeho vírniki!

— “Pod', dítino!”

Ohljanulsja po izbam išči raz; vzjal za ruku don'ku, a pošli na cmintar'; chotíli poslídij raz, s mamku pobesídovati. Pomolilisja na kolínach, sjali na lavočku, pod traurnymi verbami, i otdalisja myslenkam svojim smutnym. Andrej v duší svojej hovoril žení:

— “Ne hnívajsja, že bolše ne prijdu k tobí, ženo moja. Ne možu tu dalše ostati. Ja lem hríšnyj i surovyj mužčina. Otpustil zradu vsím, no serdce moje ocholodlo k nim. Daremna byla naša rabota, daremno chodila ty po ich chatach, posí-

sčala chvorych, kormila ich; daremno chodila naša don'ka, piľnovala díti chvorych, odívala ich, spomahala bídných. V čas nuždy, nesčast'ja, tak otvdjačilisja nam! Vse byl jem im prebačil, otpustil, no že i tvoj obraz zničtožili, to im zabyti ne možu, ne choču! . . . Poždi isči malo, i ja prijdu k tobí ne odolha; no otpočiti na vsehda, tu pri tvojem boku . . . . Ne zabud' dorohaja moja, na totu dítinu našu, a zachran' i syna tvojeho!"

Do toho časa smotríl na hrob, poka lem proščateľny slezy ne zatmíli jeho oči. Ne spodívalsja, že tak tjažko prijdet jemu otberatisja, ot toho maloho hrunka, pod kotorym jeho žena, mať jeho milen'koj don'ki i syna otpočivajet, koli on bez vseho rozmyšljan'ja hotov byl ostaviti imínije svoje, pracu cíloho žit'ja svojeho, ot hroba tjažko prišlo proščatisja na vsehda.

Iz cmyntarja ticho, pomalu išli selom, do notarja.

— "Taton'ku, smot' len, seljane utíkajut v cha-ty, kryjutsja pred nami."

— "Dobryj znak, holubočku moj, stydajutsja nas. Isči jest' čuvtsvo v nich."

Notarij i žena jeho, vdjačno prijali ich, i zaderžali u sebe na noč'. Notarij porospovídál im o vsem. V ich selí, ne bylo bolšej bitki, lem men'si perepalki forpostov, pod čas kotorych, vseho tri gospodarstva shoríli, meždu nimi i chata Šestački. Bomba udarila v nju i roznesla budovlju, s babiskoju vraz.

Kasateľno vyhrablenija fary, žandarmerija na ostryj prikaz, izlídovanije deržala. Jedno na druge vyvolovali. Pospisovanno vse, do poslídnjaho

kuska, što i kto ukral. Pisar' im ne lem dozvolil zaberati vse, no isči nahovoril, sam provadil ich, 'bo inače moskali jednak spaljat parochiju. Bíliznu on porozdaval sam dívkam, nevístam. Vse ocínenno, i každý dolžen zaplatiti to, što vzjal.

To samo bylo i po druhich parochijach, kotorych svjasčenniki, pered invaziju spasalisja bíhstvom na doľnyj kraj, ili v rezidenciju episkopa. Očen' s malym izjatijem jak vozvratilisja, nič' ne našli iz zarjaženij svoich. S materij mebel' s ob-tjažok, dívki, žensčiny pošili sobi: lajbiki. Vyhra-bili zarjaženija i tích dvuch druhich svajsčennikov, kotory za zradu vlasti, takožde arrestovanny byli.

— “Pro to tak skryvalisja pered nami, jak my selom išli!”

— “Ne pro to ,ditja dorohoje,” — odpovídát notarijuška Bertí, — “ne pro to, že škodu zaplatiti musjat, no stydajutsja strašenno: jak pozrjat oni v oči vaši, kohda vozvernetesja? — Klenut toho nesčastlivoho Falušija i žida.”

— “A što ja prizabyl, obraz vašoj pokojnoj našol ja v jednom kutí,” — hovorít notarijuš Bogdanu, — “rama rozlomlenna byla, no obrazu, ču-desno, ne stalosja nič. Očistil, poobmyval polotno; teper lem v novu ramku zapraviti nado,” — I pokazal čistyj, cílyj obraz.

— “Chvala Bohu!” — Vzdychnul Bogdan. — “Vse ja otpustil tomu neblahodarnomu narodu, lem sniščenije obraza, mojej pokojnoj, nít! Teper' i to pominulo! — Djakuju vam za lasku ser-dečno.”

Razhovorivajut o vsích udalostjach poslídnjaho



“Ne daleko, takoj tu pered nami.” ---- Str. 95.



časa, vstupil rychtar' selskij, k otcu Andreju. Plakal s radosti, jak privítalisja:

— "Pane prevelebnyj! Boh miloserdnyj i spravvedlivyj! — V jamu, kotru podly ljude im hrebli, sami popadali. Oj, my dobrí zname, že tjažke serdce majut na nas! Ta jak by nít? Krivda prevelika, jaku im selo naše zrobilo! — My s moju staru, tak díti i vnuki naši, ne možeme Bohu predjakovati, že s mojeho obystja, nikto ne byl tohda na farí. Pisar' takij čas vybral na totu merzku vec, koli ja doma ne byl. Bo ja byl tam porubal dakoho!"

Do takoj zlosti vbesídovalsja, staryj rychtar', že až s pjastukom bilsja po hrudjach, a može byl i so zubami zakrežetal, jesli by byl boľše i sil'níjši imíl!"

— "Pane prevelebnyj, ljude chotjat ko nim prijti, i ich pereprositi. Už byli tu byli, no bojatsja i strašenno han'bljatsja. Naj nam zrobjat lasku, naj otlužat na zavtra službu Božu, a tam nam povídjat svoj sud. Každyj zaplatit im do graj-cara, jaku lem škodu zrobíl, lem naj nam otpustjat! To ja ich serdečno prošu na to!"

A jak vidíl rychtar', že otcu Andreju slezy pokuljalisja starymi licami, prikljajnul ko kreslu, na ktorom Bogdan sidíl, jak by k ispovídi, stiskal jeho ruku i hovoril:

— "Otče, taj oni znajut, jakij to náš narod! To vozrosly díti, na kotorych pozor treba davati, a ich na každyj kročaju dozerati, žeby dajaku psotu ne narobili. Spustiť s nich oči, lem na chvíľku malu, už dašto vystrojat. — Lem jeden

“havkač” naj sja meži nich zamišat, uže sja dajut zbalamutiti, perevesti. A potomu sami sja kajut nad glupostju svoju! Díti, otče, stary díti!”

— “Rychtarju, prid’ zavtra po obídí, povju ti, što i jak myslju zrobiti. Pered obídom mušu isči zajti do pana namístnika.”

Po otchodí rychtarja, hovorit notarij, ibo i on byl pri razhovorí:

— “Vsečestníjšij otče, svjatu pravdu mat sej čelovík. Lípše ne mož charakterizovati sej narod, jak on jeho opisal: vozrosly díti, na kotorych každyj kročaj merkovati treba, i kotory jeden “havkač” zbalamutiti može.”

Druhij den’ Andrej pojíchal do dekana, kotoryj, jak najblizšij susíd vysluchoval parochiju jeho. Ot neho to same slyšal:

— “Ne ostavit’ ich! Ostan’tesja i dalše pri nich. Vy jedinyj, kotoryj teper’ potrafit ich na dobre provoditi.”

— “Ja teper’ isči tílesno, duševno slabym čuvstvujusja; do jakohos’ časa nesposobnyj služiti.”

— “Ja hotov zastupiti vas, do konečnaho vašeho ríšenija.”

Vozvernulsja ot dekana otec Andrej, a pro-sitsja Berty:

— “A ty, holubočku moj, jak myslíš?”

— “Jak ty zrobiš’, taton’ku moj! Mene lem mamon’ka bezpokoit; jak že ona ostonesja tu sama, bez vsjakoho prismotru?”

Otec Andrej ne odpovíl nič, zadumanno vyzerať oknom, k cintirju.

Večerom Bogdan s tím otpravil rychtarja, že



druhij den' otslužit službu. Bertusja proskury uže upekla k službám. Opredílili šestu hodinu na službu Božu, žeby isči imíl čas, nazad vernutisja, i narod ne chotíl v poľnojj robotí zaderžati.

Cíle selo shornulosja v Cerkov', ubraty v svjatočnu odeždu. Pered cerkovju nikto ne ožidal na otca Andreja, prichodjasčoho s don'koju, i s panju notarijušku, lem sam rychtar'. A v dorozí každyj tak merkoval, žeby dajak ne vstrítitsja so svjasčennikom. Až i notar' prišol s nimi, jak protestant; teper' pervyj raz perestupil, ot stol'ku lít, poroh sej cerkvi.

Ljude stydalisja i ne znali, jakim sposobom pristupiti k nemu, pozdoroviti jeho.

Po sv. Evanhelii, otec Andrej koroten'ko prehovoril k nim, bez zlosti, bez hníva, bez skarhi; lem po holosí bylo merkovati, že serdce isči ne premohlo žal', oskorblenije.

— "Tjažko prichodilo mi snošati temnicu, kohda ja pered moju sovistju cílkom nevinnym čuvstvoval i znal sebe, jak o tom i vy udostovírenny. No terpínija prinjal bez roptan'ja, bez narikan'ja, jak zaslužennu pokutu, karu za moi vídomy i nevídomy hríchi. — No, kohda ja v najvejšoj nuždí mojej, v najboľšoj tjažesti žit'ju mojeho, operalsja na vašu pomoč', na vaši molitvy . . . . vmísto toho doznalsja, što stalosja v domí mojem! . . . . Tohda prichodilo mi upasti vo otčajanije, pod žalost'ju. — To byla najtjazša hodina mojeho dolhaho žit'ja . . . .!"

L'ude pospusčali holovy, uterali oči; nikto ne smíl pozrít na besídника:

— “Ja ríšilsja bolše ne vernutisja meždu tí stíny, hde mene po dolhoj službí mojej, take snevažnije potkalo. A, že naprotiv toho, ja dnes' otslužil za vas službu Božu, tím chotíl vam zasvi-  
dítel'stvovati, što ja ne lem propovídal, no i sam deržu, na što nas Spasitel' naučil:—‘i ostavi nam dolhi naša, jakože i my ostavljam dolžnikom našim’—no na svoju han'bu mušu priznatisja, že mi to ne tak lahko prichodilo! . . . Što prinese budúcnost? Lem Boh milostivyj znajet! — Ja vam iz serdca otpustil, za oskorblenje i škodu . . .”

Ne jeden myslil sobí: lem by nas dobrí vykričal, i nam by lehkše bylo!

Po službí cílyj narod shornulsja pri cerkvi okolo otca svojeho. Choť lem dotknutisja jeho chotíl každýj. A osuždajut, izjavljajut sebe:

— “Otče, naj mi otpustjat, i ja byl tam . . .”

— “Pane prevelebnyj, naj sja ne hnívajut, naj prebačat, i ja byla tam . . .”

Natisk takij byl okolo Bogdana, že rychtar' musil zakročiti i prohanjati ich ot otca Andreja. A Bogdan myslit sobí:

— “Vozrosly, stary díti!”





**Q**T JURKA davno ne prišlo nijake pis'mo. Marko ne malo staralsja. Usilovno perezeral, spis' imen poranennych, ubitych i propavšich na polju bitvy, no imja svojego syna, nihde ne našol. Što take, že choť kartočku ne zašle, korotko, po svojemu obyčaju:

— “Zdorov!”

Teplyj lítušnj den', k večeru sidit Marko v besídkí so svoimi don'kami, jak prinesli poštu. Kromí gazet, dva pis'ma prišli dlja nich, jedno ot Jurka, a druge ot vicišpana.

Saryj nervozno rozderat kopertku Jurkovoho pis'ma ,hljadat okolo sebe okuljary; zabyl v komnatí:

— “Pročitaj Uľčo! Oči slaby, bez okuljarov uže ne vižu.”

Uľča čitajet:

— “Dorohi moi roditeli i sestry! Davno ne pisal. Poslídnu kartku iz špytalja zaslal, jak poranennyj, žeby vy ne ustrašilisja, jesli imja moje najdete meždu ranennymi. Ne chotíl nespokoiti vas daremno. Teper' uže slava Bohu, vse ko lípšomu. Druhij den', po velikoj pobídí pri Gorlichach, jednu važnu, sil'no ukríplennu poziciju, ariergard rossijskich vojsk, otčajanno boronil, zasčisčajuči otstup holovnoj armii. Brigada, ko ko-

toroj i naš regement prinadležal, polučila prikaz, poziciju siju, stojasču nam v dorozí, na každyj slučaj zanjati. Kanony s obíich storon strašenno hremili, i pro mašinovy puški vraha, naši šturmkolony, povtoritel'no ostali sniščenny. Lem s jednoj storony byl pristup vozmožnyj, po-pod jeden lísikom pokrytyj berežok. No, v tom lísiku bylo ukryte vojsko, kotore nas flankirovalo, s boku bralo pod ohon'. Oberst naš vyzval volunterov, protiv seho neprístupnaho verška, ibo tí, kotory na dobytje sej opasnoj pozicii podnjalisja, svoje žit'je, očevidnoj smerti posvjatili. Jesli posčastitsja im, tohda zolotyj krest i vyšij čin vo vyhljadí, — vsí podminalisja. Oberst vybral mojeho lajtnanta Alexija Bogdan ,slídovatel'no i ja išol s jeho otdí-lom, s vyberannymi našimi husarami. Zavidíli nam vsí! Nikto ne viríl, že pozicija tak sil'no obsa-ženna.

— “Taton'ku, Mamočko, to čudo bylo! Ja opisati ne možu, ne znaju, — a ni uže ne pamjajaju, jak my tím berežkom, v dožd'ju kul', mohli v horu dostatisja. Alexij s karabinom s odnoj storony otdíla, a ja s druhoj, vpered. Uže na pol drahi, Alexij polučil kulju v líve pleče, karabin vypal, on zachvijalsja i upal; no pozberal vsí sily, skočil na nohi, vytjah revolver, a dalej provadil nas šturmom; tretina uže s nas upala. Jak husary, iz daleka, vidíli, že Alexij upal na zemlju, daremnyj byl prikaz i signal polkovnika, vsí bíhom rušilisja za nami, hornista zatrubil šurm, a husary s krikom: — “hurra, vpered,” — no i tak byli my vsí propali, jesli jeden komandant naš, ne ver-

žesja s boku na lísok, i ne vozme s flanku, pod ohon' neprijatelja, o mnoho sil'níjšaho, jak my sobí predstavljali. Neprijatel'ske vojsko, mežu dvumja ohnjami v zamíšatel'stvo prišlo, no odnak boroniljsja herojsko.

— "Otče, mamko, poka žiju, ne zabudu ríznju! Chlop protiv chlopa, tí ne prosili, sii ne dali pardon. Tohda, na Alexija verhlijsja dva voiny, jeden s bajonetom skolol jeho v bok, toho isči sam zastrílil, a druhij kolboju, može na pjať kroki pred moimi očami, udaril upadajusčaho Alexija . . . . poka ja tam pozríl, jeden officer dvih na mene revolver svoj, no, v tom okomhnutju, kolba našeho husarja rozbila jeho holovu, a tak kulja ne v moi hrudi, no vysše kolína potrafila mene jak ja upadal, isči stol'ko uvidíl, že Alexija sluzasčij, kotoryj iz boku svojego pana nikohda ne chotíl ustupiti, s rukoju zaderžal udar. — Ja utratil pamjať, i ne prišol ko sobí, až v špytalju. Tam mi rospovíli, dal'se tečenije bitvy, jak uže prišol k pamjati. My šturmovali urkíplenne mísce, kotore dva regimenty sibir'skich stril'cev, najlípše ich vojsko, boronilo. A jesli ne bavarska artillerija, kotora zavčasu obačila naše nebezpečenstvo, i s veliku silu, a s točnostiju načala paliti na prekopy neprijatelja, v samy ich rjady, to my byli do poslídnjaho čelovíka pobity ostali! Perša nímecka bomba, v najhustíjšij otdíl udarilo, a za neju cíly salvy posypalisja, što našim dodalo smílosti, vospalilo ich vsí sily. — No nakoli píchota prišla nam na pomoč' bor'ba uže majže okončenna byla, . . . pjať sot plínnikov prinesli so soboj naši, a zemlja

pokryta byla mrtvými, místami pobity kupami ležali, tak naši, jak i nepříteli. Jak hovoril mi štáb-líkar', že take krvave sraženije v toj vojní ne vidíl. No što najvažnijiše, našim vojskam doroha otvorilasja. Pobída naša, odnakože ostala doroho zaplačenna; našeho regimenta, tretja časť upala, ili tjažko ranenna ostala, menši ranenija, jak primírom moje, a ni ne rachujuči.

— "Polkovnik v raportí vychvalil regiment, a množestvo polučilo otlíčenija, meždu nimi i ja sam, jak iz Gorlic na kartočki pisal, i jak v korotkom časi uvidite. Služasčij Alexija, po imeni Joann, a jak on sam seba nazývajet: Janko, kotoryj u otca Andreja dolšij čas služil pri konjach, ne ostepil a ni na prikaz líkarja, ot posteli svojego, uže oberlajtnanta. Dal slomlennu ruku zavjazati, a ne leh v postel', jak druhij byl zrobit, no den' a noč' stereh svojego pana.

— "Bídnoho Alexija rany tjažki byli, čerez tyždni bez pamjati ležal. Sam glavnyj líkar' ne mnoho nadíi imíl, k jeho vyzdorovleniju. No silnyj jeho tělesnyj sostav, i molodost', a k tomu neocínennyj dozor i vysluha našich sester, ot červlenaho kresta, spasli jeho.

— "Oj, stoľko blaha, potíchi prinošajut, tí blahorodny duši, bídnym, tjažko ranennym, umirajusčim voinam? Iz pervych domov aristokracii proischodit ne jedna, a pod imenem odnozvučnym: sestra Anna, setra Helen, ili što jej krestnoje imja, grafinja, baronessa, bohatych ljudej, officerov vysokich ženy, don'ki ukryto vysluhujut, pod ostrym pravlenijem vojennym, bez vynašorody, bez za-

platy, iz ljubvi k Bohu, k bližnemu, k otečestvu, v špytaljach . . . . To čudesno! Ja i do teper' ne možu rozumíti, jak oni, priučenny k prijatnomu žit'ju, k bohatstvu, k vyhodí, roskošu, jak lem možut siju tjažku službu, s taku otdannost'ju vy-polnjati?

— "Taton'ko, vy porozumíte, že bitisja, borotisja, rany udíljati i prinimati v rvenii boja, hde čelovík i na smert' prizabude, ne tjažko, no, strašenny rany stonajusčich vymyvati, bezpamjatnych chvorych piľnovatí, umirajusčim oči zatvorjati, tjažka robota i pro surovoho chlopa!

— "Alexij, jak pervyj raz otvoril, pri pamjati oči, same perše uzríl pri sobí svojoho Janka, jak s radosti na cílu tvar' smíjalsja na neho choť slezy lem tak kuljalisja jeho licami, — a takoj deržal pred Alexija vafen-rok, na kotoryj sam prišil starostlivo i druhu zvízdú oberlajtnanta, i zavisil zolotyj orden chrabrosti. — Alexij s porazumlenijem pozríl, usmíchnulsja i sejčas zaspal zdorovym snom. Štab-doktor veselo hovoril:

— "Teper' uže dobrí; ruču za jeho zdravja!"

— "Nyní isči jedna tjaželosť pered mnoju. Ja až teper' doznalsja što otca Andreja Bogdan, za zradu otečestva arrestovali. Ci okončilsja process jeho, i jak? Ne moh doznatisja. Sam oberlajtnant kotoryj jeho arrestoval, rospravljaj mi vse. Jak že povídomiti jesče sovsím slaboho Alexija, o tom? Dnes' pervyj raz vyprovadili my jeho, s Jankom, v ohorod špytalja. Janko takožde polučil serebjannyj medal i jednu zvízdočku. Líkar' hovorit, že o

tri tyždni možno jeho bude otprovaditi v roditel'skij dom. Jak to vse sdílati, taton'ku?

— “Rozmysljal mnoho, i na tom ustanovilsja, že ne ostavljú jeho do toho časa, choť ja byl moh teper' pered dvumja tyždnjami, pojti domoj, a tak priprovažu Alexija do otca Stefana. Ja znaju, što on ljubít jeho. Tam doma, potom vse prinese v porjadok.

— “Ja so svojej storony, jak líkar' hovoril, vírojatno na dolšij čas ostanu nesposobnym dlja vojennoj služby. Noha zahoilasja mi, no v kolíní isči ne možu ju zhinati. A choť by i tak ostala, za pluhom postarčit.

— “Hde podílsja moj “Alij,” do dnes' ne moh doznatisja. Regimenta našeho koni vsí zabrali, ibo my, jak píchota, brali učast' v bitvach.

— “Mnogo pisal, ibo mnoho svobodnoho časa imíju, dlja rasporjaženija svojeho; teper' sam vysluhuju okolo ranennyh. O Javora ne slyšal ničeho.

— “Cíluju vaši dobrotlivy ruki i moi sestrički. Do sčastlivoho svídanija. Vaš vírnyj i blahodarnyj syn: Jurko.”

— “Osmoť lem, Ul'čo, koli bylo piš'mo pisan-no?”

— “Dnes' dva tyždni, taton'ku! Što že teper'?”

— “Idu do otca Stefana, s piš'mom, poradimesja. Pravdu imíje Jurko, najlípše, že Alexija priprovadit do otca Stefana; cíla familija bude vjedno . . . . A ty, popočko moja, što hovoriš' k tomu vsemu?”

Katuša pouterat oči:



— “Stože hovoriti? Choť by Jurko, už i doma byl! — Ne darmo mučili mene taki tjažki sny! No, ne dokučala vam, s moim nespokojstvijem.”

Ulča rastvorila pis'mo vicišpana, v ktorom zaprošenno Marka, na slídujusčij tyžden', na sesiju stoličnu, v osobennosti že, ibo choče s nim jednu ličnu spravu obhovoriti.

Marko pojíchal do otca Stefana, pročitali pis'mo Jurka, i sejčas telegrafovali Jurkovi, žeby s Alexijem, jesli lem vozmožno, prišli do Stefana; no žeby vpered izvístil otca, koli ich majut ožidati?

Vozvernulsja iz podoroži i Andrej Bogdan s Bertuju neskoro večerom. Bogdanovy druhij den' pozvali Furmanovych na obíd. Bylo o čem besidovati. Same perše pročitali Andreju pis'mo Jurka.

— “Stefane, Tan'ko! Jakže my cíla familija, shornemesja vam na kark, a što bolše i s čeljadju? Alexij k tomu chvoryj, slabyj . . . .”

Na taku besídu už i staryj Marko pohnívalsja:

— “Prebačajte, otče Stefan i vy blahorodna pani naša, že ja prervu vam, i otpovju bratu vašemu . . . . Žeby vy, otče Andrej, ne musili byti na karku bratu vašemu, prijdete do mene za “išpana,” i budete dozerati moich “moska'ov,” Bertusju vozmu za sekretarku k sobí, ibo Ulča o korotkij čas, uže i tak začne svoju školu, — Eva i Janko prijdut do mene služiti, — Alexija, kotryj uže i tak ne malolítnyj, i ne stoit pod vašim rasporjaženijem, otec Stefan laskavo prijme v hosti. . . . Perebačajte, otče Andrej, jesli by mi moj brat osmílilsja što take skazati, jak vy, to vírujte, že ja

by strašenno pohnívalsja, i roskričalsja. Jesli brat brata ne spomože, tohda škoda na svítí žiti.”

Andrej pri vsej psotí, smíjalsja.

— “No, brate Marku, svjatyj pokoj!” — Podal jemu ruku.

A tak porospravljaj Markovi, što i jak našol doma!?

— “Ja tak myslju, otče Andrej, že teper’ uže vaša dolžnosť, vosprijati vašu parochiju nazad, ne lem pro imínije vaše, no i pro samych vírníkov. Znete što, otče? Mi tak viditsja, že vaš syn Alexij, illuzii svoi o vojenskij stav, na pevno utratit . . . jak doznatsja o vašom processí. Meždu tími obstojatel’stvami i to može stasisja, že povernesja k svjasčenničeskemu zvaniju.”

— “Ja jeho bolše silovati ne budu, ni slovom, ni nahovorjati.”

— “A ni ne potrebno. Ja slyšal i čital množstvo slučajev, že oficery složili pyšnyj svoj mundir, a odíli ne sebe monašesku čuhu. Tut jest primírom sam l’vovskij mitropolita. Na takij perevorot možno spodívatisja i u vašeho syna. A choť ne schoče byti svjasčennikom, odnakož pojde na druge civil’ne poprišče, — no voinom ne ostanesja. Pamjatajte na moi slova.”

Alexija dlja porady vojennoho líkarja, jak Jurko povídomljaje, o týžden’ potrebno pereseliti v rodičeskij dom; pro to Marko i o. Andrej pojíchali v horod, obstarali vsí dlja neho potrebny ríči.

Poka Andrej skupoval po místí svoi potrebnosti dlja familii, i dary bratovym, — Marko zašol na stoličnoje zasídanije, a tu nečajanna

počet' i radost' ožidala jeho. Predsídateľ sessii, nadžupan, toržestvenno otdal jemu carskoje imenovanije, pro zasluhi okolo otečestva, zemledílija i stolicy, v korolevskoho sovítnika i vojennoje vozvyšenije na lajtnanta, vní služby. Marko poslídnemu imenovaniju radovalsja iskrenno:

— “Choť lem ne budu stydatisja pered synom i zjaťjem, jak prostyj vojn.”

— “Smíjuči rospovídal otcu Andreju, pri obídí.



## LXVIII.



LÍDUJUSČIJ tyžden', polučil Marko ot syna telegrammu, že s Alexijem sčastlivo prijíchal v místo, a druhij den' prijdut, na vojennom automobilí, domoj. Marko sejčas perešol do Bogdana, povídomiti ich. Porychtovali izbu dlja Alexija, a neterpelivo ožidali svoich voinov, tak Bogdanovy, jak Furmanovy, uže ot poludnja.

K večeru prijíchali. Jurko skočil iz automobila, sprovedil s Jankom, Alexija, privitalisja, i otdali jeho rodiní.

Jurko osiľníl, zdorovyj, krasnyj chlopak. Malo chromíl, škintal, no jemu to jakos' pristalo ne shor'sa.

Ale, jak vyzeral bídnyj Alexij? Tonen'kij, vyschnutyj; oči v jamach, lica vpaly, uniforma lem tak visit na nem, — ledva moh postojati o svoich silach. Na serdečnoje privitstvovanije otca-sestry, chotíl usmíchnutisja, no ulybka jeho, podobníjša byla plaču. Eva s kuchni prizeralasja na Alexija, no ne smíla vyjti k nemu, i uterala oči v fartuch.

— "Slabyj . . . ičsi . . . tatku . . . . oj, sestričko, jaka ty velika uže, jaka siľna . . . teto . . . stryku! . . . Djakuju Vam . . . Pozvol'te, prošu, malo otpočinuti . . . Bože moj . . . . stružennyj . . ."

— “Lem, jesli ty uže tu, meždu nami, dítino! Teper’ uže vse dobrí bude!”

Dva dni pereležal Alexij na pokoju, a tak ukříplennyj vstal. Poznakomilsja s familiju Marka. Vsí sdílali na neho dobre vraženije, osobenno že Marta.

Tí dví, veseloho ducha dívuški, dlja uveselenija chorvaha Alexija, vse vozmožno sdílali tak, že Alexij solodko musil smíjatisja s nich. To byl dlja neho najlípšij lík.

— “Znajete, Alexij, ja okončila kurs zaosmotrenija chvorych, a ispyt složila. Vzjali v špytal’, i jak uvidíla pervoho ranennoho, ktoromu pol ucha ottjali, tak ustrašilasja, što zamlíla. Ne mohli očutiti. Sam ranennyj najbolše ispuhalsja, i prio bícal mi, že choť i druge ucho otrížit jemu, bolše ne prjide v lazaret, lem žeby stol’ neprijemnosti ne narobil diplomovannym sestram . . . Vírujte, po dvoch tyždnjach musili mnja domoj zaslati . . . Spustitesja na mene, ja vas budu dosmotrjati i vzdorovítesja čím skoríje, lem čto by ja sama snova ne zamlíla. No, vy ne imijete polucha ottjato!”

Jurko zanjalsja hospodarstvom, no jesli lem na paru minut moh otdalitisja, sejčas pobíh k Alexiju, kotoryj v korotkosti pomerkoval, že Jurko ne nastol’ko iz popečenija i starostlivosti prichodit k nemu, jak pro svitly sini oči sestry Alexija; ibo barz zaljublennyj vzeralsja na nju.

Alexij očevidno prichodil k sobí. Poljubil Jurka, toho dobroho čestnoho, chlopca, kamarata vírnoho cílym serdcem, i serdečno želal byl s nim, v blizšij

sojuz, v srodstvo vstúpiť; a vdjačno byl svoju sestru spustil na tí čestny, vírny ruki.

Po dvoch sedmicach, Alexij, už bez vsej pomoci, prechodil s Bertu, do Markovych. Ona ne mohla prochvaliti, jak starych, tak i don'ki, a osobenno Martu. Alexij usmíchalsja i rozhovorival jej o sčedroje, vírnoje družestvo, vyslužnosť Jurka, kotoryj, lem žeby jemu vyslužiti, jeho dozerati, ostal i sam v lazaretí, vmísto pospíšitisja domoj k svojej rodiní.

Po níkoľko týždňach Alexij cítkom vyzdorovílsja. Iduči s Bertuju do Markovych, on o Jurka, o jeho sposobnostjach, o vírnosti hovoril, a Berta snova lem Martu vychvaljala. Pozríli jedno na druhe, i oba začervenílsja. Berta pohrozila pal'cem brata, sej vzjal ju za ruku i prositsja jej:

— "Bertus'! Jeslib tebe Jurko zaprosil, vyšla by ty za neho?"

— "Jurko ne zaprosil mene, pro to ne znaju . . . A ty by vzjal Martu, jesli by vyšla za tebe?"

— "Ci ja by ju vzjal? Sestro, s radosti, ja by na holoví staval."

Veselo prišli do Markovych. Jurko pri hospodarství, a dívčata pomahajut okolo mamy. Katuša stara, usilovna hospodinja, ne znala minutku prazdno posidíti, don'ki jej na silu vyberali robotu iz ruk.

— "Mamon'ko! Sjad'te že sobí. Kto vidíl, že by my prizeralisja na vas bezdílno, a vy nam vysluhovali?"

Alexij prosto v kuchnju vstúpil s Bertuju. Privítstvovalisja. Uľča sečas hovorit im radostno:

— “Moj Stefan pisal. Nože, Alexij pročitajte jeho pis'mo; vy jeho dobryj prijateľ. Zavtra, sam tatko idut po neho, na stanciju želízničnu. Bertus', poznamošiš sja s moim zaručennym.”

— “Doroža Julija!” — Čitat Alexij. — “Koroten'ko pišu, štoby bolše moh slovom tobí rospavljati. S važnymi aktami, k vojennoj ministerii zaslan, jak kurjer, v Budapešt . . . takoj i mísjačnyj urlaub polučil. — Doroža neviston'ko moja, radostno spíšusja k tobí. V četverj rano o osmoj budu na žleízničnoj stancii. Prošu tatka, žeby zaslali po mene. Pocíluj ruki roditeljam i Martusju, a otdaj moj poklon našoj počtennoj pani i otcu Stefanu. — No, o Jurka našoho, ni o Alexija Bogdan, ne slyšal teper' ničeho. — a što znaju iz davníjša, to vse lično rospovju. Cíluju tebe i tvoji ručen'ki. Tvoj sčastlivyj: Stefan!”

— “Panna, Julija ne moh by ja pojti, s otcem vašim v stríču Javora?”

— “No, nít! Vy, Alexij, isči dolžen šanovatisja.”

— “Ta, vot ja uže sovsím zdorov. Kto by moh v takom milom kruzí chvorym byti?”

— “Pozvol'te tatkovi siju radost'. On choče jeho sam, v svojem novom dostoinstvi, prinjati. To jedinka slabost' otca mojeho!” — Izvinjat otca.

Martusja okolo kuchni vo fartusí, s červennyma licami, šikujesja, rabotat, no časami prizritsja bokom na Alexija; oči ich vstrítisja, i Alexij myslit:

— “Či budeš' ty, krasavice, moja?”

Prišol Marko s Javorom i s jeho služasčim, pravi na samyj obíd. Moloden'kij, a uže major, na hruďjach dekoracii! Staryj Marko v svojej uni-

formí lajtnantskoj, šikovno, jak dajakij molodyj lajtnant, skočit s karety, veselo salutiruje pereď Javorom, i s komičnu serjoznostju pokazuje na svoich, kotory ožidajut na stupenjach kaštilja, ot-davajuči raport:

— “Marko, staryj lajtnant v rezerví, meľduju pokorno, panu majoru: moja stara žena, jedna zaručenna, druga ne zaručenna don’ka, a jeden syn lajtnant, . . . vsí zdorovy i v porjadku!”

S radošju privítstvujut Stefana, a rozumíteľno, jeho zaručenna. Rospravjan’ju, vyvídovan’ju ne jest’ konca-kraju. Staryj tíšitsja, dívčata vesely, Katuša radostno rozzerat s jednoho na druge, i myslit sobí:

— “Bože, jak Ti podjakovati, že ja taka sčastliva mati!”

Poslí obída vsí perešli na faru, a tam snova načalasja interessantna rosprava, rozhovor, osobenno že, iz vojenskoho žit’ja. Rospravljali tak vesely, jak i strašny epizody, priključenija, jakich oni očevidnymi svidíteljami byli.

A, tak otec Andrej rospovíl svoje plínenije, terpínije, osvoboždenije podrobno. Alexij, o tom teper’ slyšal pervyjraz, i velike vraženije sdílalo na neho. Zadrožal, sblídnul:

— “Tatku moj dorohij, a ja o tom do teper’ ni slova ne znal, ni ponjatija ne imíl!” — I pocíloval ruki otca svojeho.

— “Tak, dobrí, synu moj! Jesli byl ty pri vojsku doznalsja, Boh milostivyj znajet, hde bylo tja ohorčenije zahnalo, zaprovadilo? A do teper’



ty isči slabýj byl, ne chotíli my tobí horest' sdílati."

— "No, tak terpíti . . . '??

— "Tvoje žitje v bolšej opastnosti bylo, jak moje; a odnakože Boh osvobodil tja ot smerti."

— "Tak tatku, no ja vpered znal, že ne na zabavu, no v krovavu bor'bu idu. A ty tatku, nevinno terpíl."

— "A ci ty znaješ', ci ty možeš' ponjati, i predstaviti sobí, Alexij, drahi Božii? Ci Boh ne takim sposobom osvobodil mene i moich, ot bolšoho nesčastja?" — I malo zadumalsja, a tak hovorit dal'se:

— "Ja znaju, i vižu teper'! No, mní viditsja, že plínenijem moim, poslužil i svojemu narodu! Vozval vnimatel'nost' cíloho kraja, na jeho vírnost', i na snevaženija, jakim vystavljen jest' bezboronno. My, dolžny prijati ot Boha vse."

— "Takim sposobom i moja kariera vojenna zakončilasja!"

— "A, jesli i to lem na tvoju pol'zu?" — Pro-sitsja otec.

Syn zatich a bol'se nič ne hovoril, i ne zamíšal-sja v ich razhovor. Vhlubilsja v myšli svoi; znal, čuvstvoval, že otec rozдумanno vyskazal svoi slova, svoje opasan'je. Što mohlo lem byti sije "bol'se nesčast'je," ot kotoroho osvobodilisja? No, v tovarišeství čužich, ne smíl oprositisja.

Druhij den' obhovoril svoje položenije s Javorom. A sej ríšitel'no radil jemu, iz bol'se pričín, vystupiti iz vojska, sejčas po okončeniju vojny, i hljadati sobí novoje poprisče.

— "Vidiš', Stefane! Moi pervy mysli byli, jak

ja pervyj raz iz chvoroty vstal, že vojenske remeslo ne pro mene, ne dlja mojeho serdca. V snach, čerez dolhij čas, išči i teper' ne raz, strašenny snovidínija imíju: krov' rany, stonan'je smertel'no skalíčennych, izhasajuči oči pomerajusčich, javljajutsja mi vo sní. Ne raz uže myslil sobí, ne lípše bylo by mi pojti ot vojska, i hljadati novyj stav?"

— "Prijdi sam so soboju v porjadok. Boh podast tobí mysli i takože stanovisče, na kotore tja pozval. Znaješ', brate pristupim ko svjatoj ispo vídi i k tajnoj večerí. S čistym serdcem i mysljami, čelovík dobroj voli, inšak obsudit obstojatel'stva i sam sebe. I ja sam, pred važnym ríšenijem stoju!

V nedílju vsí troje: Stefan, Alexij i Jurko, išči i ich vyslužny voiny, pristupili k stolu Hospoda našeho.

Na obídí byli vsí u Markovych, a snova perežili jeden čudesnyj, milyj muzykal'nyj den'. Pered večerju, Stefan vzjal violinčel v ruki; prohrali nískoľko kuski, v provodí Ul'či s fortepianom, a tak Stefan sam i hral na violinčelí svoi dumki.

Sperva trudno prichodilo, po odnom hodí bezošibočno ihrati; no jak uže s dušejju otdalsja mysljam, čuvstvam svoim, lem časami popozríl na zvoju zaručennu s ulybkoju, i i hral čudesno. S pod jeho smyka, trohateľny, serdce-dušu pronikajuči holosy prolivalisja: jak hremot, šum armat-zbruja; tresk pušek, stonanije ranennych, traurnyj marč nad hrobami herojev, vosklicanije, hurra! pobíditeľnych vojsk, . . . . plač vdovic, sirot, materej . . . . nadíja pokoja . . . molitva za rodinu . . . ljubov' k milym . . . .!

Poslídni akkordy davno izhasli, pronikli, a vsí isči tichon'ko sidjat. Katuša s udivlenijem smotrit na svojego zjatja. Marta oblapila Bertusju i s blestjasčimi očami vzíralasja v jej oči, a tak ohljanulasja za Alexijem, kotoryj vstal iz kresla i pristupil k oknu, čerez slezy vidit na dvorí jednu horstku rossijskich voinov . . . . ach, tak, plínniki! Sam Stefan spustil smyk na zemlju, a tichon'ko sidíl, a ni ne rušilsja, mysli jeho daleko na polju vojny letali; Ul'ča na pa'cach pristupila ko Stefanu i pocílovala v čelo, a lem stoľko prohovorila, jak pered poldruha lítami:

— "Djakuju!"

Stefan pritis jej ruku k serdцу, pocíloval i vzrílsja na nju.

Otcy, Andrej, Stefan, tichon'ko sidjat v mysljach. Bertusja vstala, pristupila k tetí, obnjala jej šej, sija pozrit na nju, a v jej očach polno slez. Očarovanny byli vsí; čudesny holosy, prekrasnoj muzyki plínili ich serdca, čuvstva, dušu.

Marko hovorit k otcam:

— "Taka muzyka lem pro carej, ne pro mene prostoho mužika! To isči bol'se stoit, jak vse moje lajtnanstvo!"

A tohda iz dvora zazvučalo sil'noje: — "Mnohaja líta," — v mužeskom chorí, pod dirigentoju unter-oficera, spívali plínniki; no tak muzykaľno, jak sčiro, vdjačno i oduševlenno.

— 'Jesli pani i dívčata pozvoljat, tatku i vsečestny otcy, pojdem na dvor, k našim plínnikam — kamaratam."

Postavali i išli na dvor. Ul'ča po pod ruku s

Javorom vpered. Rossijane pravi okončili jednu narodnu malo-russku pism'.

Pod-officer zakomandoval svoj otdíl, peredstupil pered majora, otdal jemu raport, i prosil pozvolen' je isči níčto zaspívati.

— “Jak že vam povoditsja?” — Prositsja jeho Javor.

— “Blagodarju vaše vysokoblagorodije, chorošo. Liš toska za rodinoj mučit.”

— “Nastanet pokoj s pomoč'ju Božiju i vozvernetes' domoj!”

Tak isči zaspívali nískoľko narodnych písen', i okončili svoju serenadu s mnoholítstvijem. Marko podjakoval im, a spívakov bohato pohostil. Poka soldaty na dvorí zabavljalisja, unter-officera vzjali so soboj k večerí, hde pokazalosja, što on sovším obrazovannyj čelovík, muzykaľnyj, znakomyj s obstojatel'stvami, ne lem svojeho otečestva, no i druhich krajev europejskich. Doľšij čas prežival v Švejcarii, v Nímeccíní, dobrí hovoril po nímecki, po francuzski. Za chlíbosol'stvo i prijatnosť očen' blahodaril. Ot toho dnja, na vsehda byl pozvan, k stolu Markovyh. V Moskví imíl familiju, dvoje dítoček, o kotoryh nič ne znajet i nemožet doznatisja.

Tak otkomandiroval svoich v barak, s pamjaťju jednoho prijatnoho, sčastlivoho dnja.



## LXIX.



MARKO pravdu imíl. Alexij s dnja na den', lípše otčuždalsja ot vojennoho zvanija. A čas približalsja, že jak cílkom zdorovyj, dolžen vozvernutisja na front.

I Javoru urlaub schodil; vse ne imil už lem dvanadcjať dnej. Osennyj, no krasivyj čas. Listja na derevach, v raznych cvítach minjalosja po lísam. Po-pri temno zelenych jelic, korony bukov červeníli, a zolotožoltoje listja bílych berez, pod lučami solnca, jak zoloto blesťilo.

— “Tatku, ja utratil djaku k vojsku. To ne pro mene.” — Hovoril Alexij otcu. — “Jesli by ne otkazali mi Martusju Furmanovy, tohda ochotno dal by ja vysvjatitsja.”

— “Pro Martu? Prevoschodna dívčina. Lípšu nevístu ne požadal by ja sobí . . . Synu moj, jesli ty zvanije ne imíješ', ne čuvstvuješ' na svjasčennstvo, a lem pro jej ruku chotíl by ty dati vysvjatitsja? Tvoje žit'je nesčastlive bude. Rozvaž' sobí dítino, žeby ona pri tobí, pozdníjše, ne musila oplakovatisja! — Jak svjasčenniku, mnoho prichodit čelovíku, ot našeho naroda pereterpíti! Ne zabud'. — A jesli ty na sije ne sposobnyj, pričuvstvitel'nyj, to zadovolen nikohda ne budeš', i

propadeš' morálno, duševno, a s tobou i sija prevoschodna dívčina."

— "Tatku, ja by i tvoju volju ispolnil."

— "Bože boroni! Ja tja siloval raz, a bolše nikohda ne budu! Ty ne pro mene staroho, no pro sebe imíješ žiti. Hde nibud' oberneš'sja, ja sovsím zadovolennyj budu. Žen'sja hde chočeš' id' kuda chočeš'. No rozvaž' sobí dobrí."

Alexij pošol k Javoru.

— "Što tak za včasu, Alexij?" — Dovídujesja Javor.

— "Ja počislilsja, Stefane, s moju budučnostju. Voinom ne budu, na front ne vernusja bolše. Vozvernusja k bohosloviju."

— "Ta...ak? Ta, vot ty o popovství a ni znati ne chotíl!... Jak že ty myslíš' na selí, na samotí, meždu prostym narodom, bez vseho tovaríšestva proživati tvoju molodost'? — Koli tebe ne tjahne a ni hospodarstvo, a ni iny sel'ski zanjatija? Ne prijet-li v korotkosti, čas nezadovoljenja, a tak otčajanje?"

— "Nít, Stefane! Ja cílu noč' nad tím razmyšljal; teper' načínaju poljubiti zvanije svjasčenničeskoje. — Professorom ne budu; k tomu ne čuvstvoval djaku nikohda. Hryztisja s čužimi díťmi? — Advokatom, sudijem? Nít: boroniti vinných, a osuditi nevinnych? — Líkarem, tím men'se: operovati, rízati rany,.... nít, to ne pro mene! Ja znaju tích zvanij i dobry storony. — Vse rozmyslíl; na konec prišol k tomu ubiždeniju, že otec moj, lípše poznal mene i moi svojstva, jak ja sam; i pro to prisiloval mene na svjasčennika.

A môže byť, ja len pravi pro to protivilsja, ibo sil'no natiskal na mene svoju volju . . . . Stefan, teper' lem o tom raschoditsja, ci prijde za mene Marta? A ci ju rodiči dajú za mene?"

— "Na sej vopros, tobí lem sama Marta i jej rodiči možut odpovid' dati, . . . a ne ja."

— "Budeš' mi, Stefane, na pomoči?"

— "Ja? . . . Hm! . . . Nít! . . . Ja za svoje sčastje sam borolsja, i doborolsja. Najlučše bude, jesli i ty sam prijdeš' i s tím v porjadok. Vpročem, i ja sam pered važnym kročajem stoju. Ja by chotíl, jesli Ul'ča sohlasitsja . . . . No, tebe to ne obchodit! Isči jedno, Alexij. S taku pros'bu, ty dnes' u mene, ne pervyj. Moj šurin Jurko, takže byl tu, i prosil moju pomoč'."

— "Što ne hovoriš'?" — Divujesja Alexij.

— "A možeš' sobí mysliti, že Jurko ne mene svatal, ale . . . tvoju sestru, Bertu. Naj lučše bude, jesli vy dvoje zaključite meždu soboju, nastupitel'nyj i oboronitel'nyj sojuz-koaliciju, na smert' i na žitje. Po vojennomu! On naj pomahajet tobí vo zavojevanii kríposti, a ty pomahaj jemu . . . ! Vydaritsja vam, v duetí zakričite: hurra! Ne vydaritsja, to vzaimno možete potíšatisja. Tjahar, žal' snošati, lehkše prichodit, v tovarišeství."

Javor seriozno hovoril, choť by dajakij vojennyj sovít obhovorivali s nim. I oba zasmíjalisja.

— "Pravdu imíješ', Stefane!"

Stefan zaprosil svoju zaručennu na prohu'ku. Rozhovorivajuči išli, a ni sami ne sbačili, koli našlisja pri rubaní, hde pered ne tak dolhim časom, jahody sberali.

— “Pamjataješ’, sereden’ko moje, jak my tu vstríčalisja i sberali jahody?”


— “A ty vsehda znal pojavitisja, koli ja tu byla.”

— “To ne bylo tak tjažko, jak ty može sobí predstavljaješ’, Julije . . . Vidiš’, tam na berehu, velikij buk? . . . . Ot neho vidno ne lem na cíle selo, no i na vaš kastel. Razumíješ’ uže teper’? Ja pod tím bukom končil svoi botaničny upražnenija i soberal rídki rastliny, a hljadal motylej, t. j. peresidíl za bukom cíly hodiny . . . . a jak moj svítlyj motylek, iz kaštilja vyletíl, na svobodnyj vozduch, ja približalsja k místu mojej nadeždy, k rubaní, — ja dobryj stratega, — vojennyj duch uže tohda sidíl vo mní, no na moju žal’, tatko naš, jeho tohda ne znal, i ne хотíl ocíniti, — so strategičnym prichodom približalsja ko krípkosti, a tak, s nespodívannym napadom, pobíždal . . . .

Hovorit serjozno Stefan, a Učča s jeho komičnoho predstavljenja, solodko smíjalasja.

— “A pamjataješ’ dalše? Koli ja, jak mnimyj zavojevatel’, pri nohach kríposti, radostno steral pot iz čela mojeho, tohda javilasja sud’ba, v osobí našeho tatka, pered vchodom raja . . . hoj, hoj! . . . vmísto ohnennaho meča, s kljubakoju v rukach . . . i pokazal mi prjamu dorohu v izhanije! . . . . Nikoli ne čuvstvovalsja v žitju, takim nesčastlivym, jak tohda, koli tatko djakoval mi za kompaniju i otzyvalsja na moje utruždenije . . . hej, kotre ja sobí dones sidjači, a ožidajuči pod bukom na tebe . . . . Oj, ale bo i znal tatko prezritel’no i zimno pozerati na čelovíka! . . . huh! . . . prichodit mi ohljanutisja, ci i teper’ ne ide za namil’”





O. Stefan v tichosti pozdaval tri šťastlivy pary. --- Str. 177.



— “Ní . . . ní . . . teper' už nít. — Teper' už tak teplo pozerat na tebe, že i ledova hora rostajala by sja, pod jeho zrinijem. Prjamo hrodyj na tebel!”

— “Holubočku! Moj urlaub uže koroten'kij; što skazeš' na to, jesli by my teper' pobralisja? — Ja by chotíl znati, že imíju pro koho žiti, pro koho borotisja!”

— “A ci vozmožno?”

— “Tak! Vojennym sposobom, pod tremja dnjami možeme svínčatisja! . . . .”

— “Jesli ty chočeš', Stefane?”

— “Oj, Bože moj! — Ci mohlo by pro mene bolše sčastja byti, jak tebe svojeju sovsím nazývati?”

Pocílovalisja. Ulča zazrila na berežok, hde pered tím najbolše jahod zvyklo bylo byti, a vot, uvidit jednu červlenen'ku zrílu jahodu.

— “Ach, Stefane! Smotže; teper' v pozdnoj oseni, zríla jahodka!”

— “Sčastlivyj znak, serden'ko moj!”

— “A tu druha, tretja!”

Hljadat i sberat s radost'ju. — Dobryj znak. — Berežok cílyj den' solncu vystavlen, a derevami zachranen ot vítra. Jahody druhij raz dozrili na nem. Ulča svjazala ich v puček i vozvertalisja domoj.

— “Vidiš', serden'ko, jakij to čelovík samoljubivyj, egoista. — V sčast'ju mojem, prizabyl ja na vsích pročich. Alexij byl dnes' u mene. Zaljubilsja do našoj Martus'i i prosil moju pomoč'. Ja otk-

zal jemu. — Naj probuje svoje sčastja, sam sobí vydobyti . . . .”

A jak jemu Ulča na sije nič ne odpovíla, lem usmíchlasja, prodolžal dalše:

— “Jurko tak samo, on snova stratil svoje serdce u Berty . . . . i jeho jem opravil. Naj svoje serdce sam hljadat tam, hde jeho stratil. — Što skažeš ty na to vse, holubočku?”

— “Nič” — smíjesja Ulča. — “My to uže vsí davno znali.”

— “Da-vno, zna-li? Ot koho?” — Zадивovanno prositsja.

— “Ot koho? Ta ot Alexija i Jurka!”

— “Jak že; spovílisja vam?”

— “Jakij že ty stratega, Stefane? Ci vojsko neprijatel'ske spovístsja vpered, hde choče napadati? A vy odnakož, vynajdete. — Jaka že by to žensčina byla, žeby ne poznala, ne počuvstvovala, že kto zaljubilsja do nej? Ty mi isči ni slova ne prehovoril, a ja uže znala, jak i što s toboju.”

— “Pravda, a što že možut naši heroi ožidati?”

— “Kríposti peredajutsja na bezuslovnu kapitulaciju, bez vseho krovoprolítija.”

— “Prekrasno!” — Pocíluje ju Stefan. — “Jesli by nam tak išlo i na frontí, to by voinom byti, radost' byla.”

A, im v oči idut uže Alexij s Martoju. Za ruki provadjatsja.

— “Vidiš,” — smíjesja Ulča, — “krípost' peredalasja na milost' otvažnogo zavojevatelja. Cílyj garnizon popalsja v polon.”

Marta pribíhne k sestri, obojme ju i šepče jej v ucho:

— “Alexij prosil moju ruku.”

— “A s ruku vírojatno, i tebe? My so Stefanom cílu drahu na tom zabavljalisja . . .”

— “Što ne govoriš? Jak že to vozmožno?”

Alexij s radostju stisnul ruku Stefana:

— “Ty, Stefane, pravdu imíl. Prosta doroha najkorotša. I roditeli prizvolili.”

— “No, a Jurko?”

— “Pošol na faru i isči ne vernulsja.”

Na obíd prišol Jurko i s Bertuju k roditeljam. Rukoviny tichon'ko poderžali u Markovych. Druhij den' molodjata pojíchali do místa, k vojennomu načal'niku, hde polučili pozvolen'je na ženit'bu, jak oficery, i takoj vzjali šljub civil'nyj, pered samym podžupanom. Alexij sresignoval s oficerstva; što pri jeho obstojatel'stvach, sejčas prinjali; episkop že prinjal jeho nazad v klir.

Vozvernúvsjsja domoj, v tichosti pozdaval, Otec Stefan, tri sčastlivy pary.

— “Moskali” — (plínenny russkije voiny) — otberalisja v svoju zimušnju holovnu kvartiru, pravi druhij den' po šljubí imíli otpravitisja na želízničnu stanciju. Narod poprosčalsja s nimi, jak so srodnymi. Ta, vot to taki tichi, robotny ljudi, choť by vlasny. Najmen'sha skarha ne byla ni na jednoho, čerez cíle líto. Obdaril ich každyj čím moh na zimu; osobenno že Marko svoich s bíliznu i s hrošami sčedro, bohato obdaroval. Svjasčennik v cerkvi podjakoval im za učašť, v Bohosluženiach, i za dobroje povedenje. Vyprosili sobí po-

zvolen'je u Javora, čtob i ich sv. službu Božu otspívati mohli, v znak blahodarnosti svojej.

Šljub trech oficerov tichij imíl byti, nijake pan'stvo ne pozvali, no vmísto toho narod shornulsja iz cíloho sela, osobenno škol'ny díti v parach, pokazati svoje sočuvstvovanije v radosti svojeho: Šoltysa!

Alexij poslídnyj raz, pri šljubí, imíl na sobí vojennu uniformu.

Eva, v najbol'som zamíšatel'ství nachodilasja; teper' uže ne znala, hde podítisja, ci ostati pri svojej 'zlatoj drahotki'' Bertus'í, ci mat vozvernuttisja nazad, k svojej "mamočki", ko hrobu?

Otec Andrej pri obidí izjavil, što podjakuje za faru, a v pensiju vstupit jesli budusčij paroch Alexij, i jeho žena schotjat jeho staroho i kriklavoho otca, smerti dochovati!

Tak vstal Marko i prehovoril:

— "Počtenna svacho, vsečestny svaty i vy dorohi moi. Krasnyj vík perežil ja; Boh miloserdnyj, ktoroho ja nikohda ne opusčalsja, očevidno provadil mene, pomahal mní. I pri uspíchach, za kotory ja jemu djakoval, vsehda myslil, čto to moj najsčastlívšij den'! — No, odnakože najsčastlívšij den' dnes', na skloní žit'ja mojeho, daroval mi moj Sotvoritel'. Ja so Simeonom sčiro možu voskliknuti k Bohu: — 'Nyní otpusčaješi raba tvojego, Vladyko . . . so mirom; jako vidísta oči moi spasenije tvoje' . . . Dnes' s moju tovarišku, my prinesli díti naši v porjadok; bol'sej žadosti na tom svítí ne imíju, lem čtoby oni take sčastlive žit'ja imíli, jak my stary rodiči. — No

jesče jednu žadosť imíju, choť jej ne nadíjusja dožiťi, no dožijutsja díti naši: — ‘spasenije . . . . i slavu ljudej tvoich’ . . . . vírnaho naroda mojeho, Ty Vladyko! . . . .”

Oči staroho Marka, zablestali bleskom molodosti i vzdvihnutym holosom prodolžal:

— “Ne znaju, ne ponimaju, jakim sposobom, no víruju tvrdo, čo sej moj bídnyj narod vozžijet, vzdvihnetsja narodnym žitjem k sčastlivšoj budúcnosti! — Da usčastlivit vas, díti moi, Boh milostivyj, a dopomahajet narod naš k svítlíjšoj budúcnosti.”

(KONEC.)



# ”DENŮ“

Oficial'nyj organ

KARPATO-RUSSKOJ KULTURNOJ  
LIGI V S. S. A.

---

## DOROHI RUSSKII BRATJA!

Ne čekajte na agenta, no pred-  
plaťte sejšas počtoju na pervu  
rusku každodennu gazetu.  
Proste tolkovanije o našem  
INSURANCE PLANÍ. — Ga-  
zeta na rok \$6.00. Insurance  
75c ekstra.

---

# ”DENŮ“

197 East 4th Street

NEW YORK, N. Y.



## VO DRUKARNÍ

### “SOBRANIJA GR. KATH. CERKOVNYCH BRATSTV”

#### MOŽETE DOSTATI SLÍDUJUSČIJA KNIHI:

“A Manuel of Prayer” vo pol. perepleti — \$	.85
Sbornik z russkimi bukvami, skurjanyj — —	1.50
Sbornik z russkimi bukvami, prostyj — — —	.85
Sbornik z slovenskimi bukvami, skurjanyj —	1.50
Sbornik z slovenskimi bukvami, prostyj — —	.85
Perša Russka čitanka vo Ameriki — — — —	.50
Perša Russka Grammatika vo Ameriki — — — —	.40
Peršij russko-anglickij katiciz — — — — —	.50
Molitvennik Rozovoho Vínca — — — — —	.25
Tainstvo Rozovoho Vínca — — — — —	.01
Vo Cerkvi Jerusalimskoj i Petrova Denna Platnja — — — — —	.10
Paraklis ko Presv. Bohorodici — — — — —	.10
Viflejemskija Ihry — — — — —	.10
Sud Sv. O. Nikolaja — — — — —	.05
Jakij byl Krest Isusa Christa? — — — — —	.05

Predplata na gazetu “Prosvíta”

Na rok \$3.00; na pol rok \$1.50

## “PROSVÍTA”

611 SINCLAIR ST.

McKEESPORT, PA.

prinimajet ordery na vsjaki druki dlja DUCHOVENSTVA, FARNOSTEJ, SPOLKOV I ODINIC za najtun’ši ciny. — Ordery končime točno i skoro.

# KNIŽNYJ SKLAD SOJEDINENIJA.

Psaltyr' po ruski i po anglijski — — — —	\$4.00
Novyj Bukvar' s ruskimi, slovenskimi i anglijskimi bukvami — — — — —	.75
Anhel Chranitel' po ruski i po anglijski — —	.75
Anhel Chranitel', ruskij tekst s latinkoju —	.75
Stichi, o. Brinsky, s latinkoju — — — — —	.35
Zahraj meni cigane staryj — — — — —	.35
Brak i bezbračije — — — — —	.25

Cistyj dohod na Sirotinec v Elmhurst, Pa.

---

Pamjatajte na deviz:  
"SVOJ DO SVOJEHO!"

---

**Knižnyj Sklad Sojedinenija**

c-o M. Michael Yuhasz,

P. O. Box 308

HOMESTEAD, PA.



